



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**


Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material



1865





(4)

ՔՐԻՍՈՎ

ՊԱՏԱՐԱԳԵԼ

ՄԱՐԴԱՐԱ

ՊԵՐԵ

ՊԵՏԵՆ ՅԵՐՑՅԱՆ

Հայոց

262.1

Բ-93

EXAR



162-1

Ք-93 ՔՐԻՍՏՈՍ

ՊԱՏԱՐԱԳԵԱԼ

ԽՈՐՀՈՒԹՅՈՒՆ Ա · ԳՈՀՈՒԹԵԱՆ

Ի ՎԱՐՈՒՄՆ ՔԱՀԱՆԱՑԻՑ



Ի ՎԱՆՍ ՄԽԻԹԱՐԱՅ

Ի Ա. ՂԱԶԱՐ ՎԵՆԵՏԿՈՅ

1865

1920年9月

苏联科学院植物研究所

植物学系植物分类学组

植物学系植物分类学组

植物学系植物分类学组

植物学系植物分类学组

植物学系植物分类学组

Ա Զ Դ

Բնագիր մատենկանս 'ի լեզու Փռան-
կաց , յաճախեալ յոյժ էր , որպէս տը-
պագիրն ծանուցանէ , յառաջ քան զմեծ
այլայլութիւն աշխարհի նոցին , յամե-
նայն վարժարանս ժառանդաւորաց և 'ի
ձեռս քահանայից . և 'ի նոյն պատիւ դար-
ձեալ թեւակոխէ ընդ այլս 'ի համախօս
գրոց . զորոյ զօդուտ փափագեցաք և մե-
րովսանն փոխանցել 'ի մերազնեայ պաշ-
տօնեայս և նուիրողս Աստուծոյ , մանա-
ւանդ 'ի նորակերտ քահանայս , որոց
այնքան մեծ և անհրաժեշտ պարտք 'ի
վերայ կան ճանաչողս և նմանողս լինելոյ
Փրիստոսի . այն՝ որ զանճառահրաշ և
զբազմապատիկ գանձս էութեան իւրոյ
թաքուցանէ և յայտնէ 'ի խորհրդեան
սրբոյ Գոհհութեանս :

288-62

5287-62



32800-67

ՔՐԻՍՏՈՍ

Պ Ա. Տ Ա. Բ Ա. Գ Ե Ա. Լ.

ԽՈՐՀՈՒԹՅՈՒՆ · ԳՈՀՈՒԹԵԱՆ

Ա

ՅԻՍՈՒՍ ՊԱՏԱՐԱԴ ԵՒ ԽՈՐՀՈՒԹ

Նախ քանի զպատարագն

Ա. **Q**մտաւ ած, զի խորհուրդն
Գոհութեան է Ճշմարիտ և մլայնակ
պատարագ նորոյ օրինացս, նախա-
սացեալ 'ի ձեռն Մաղաքիայի մար-
դարեի. քանզի տէրն մեր Յիսուս
Քրիստոս է քահանայ և զոհ պա-
տարագիս այսորիկ. որոյ ոչ համա-
րեալ շատ զզենումն իւր վասն մեր
'ի վերայ խաչին, մշտնջենաւոր կտ-
տարէ զնոյն զոհ զօր ամենայն 'ի վե-
րայ սեղանոց մերոց. - և զի նա ինքն

ընտրեաց զմեղ լինել պաշտօնեայս
իւրոյ պատարագին : Ո՞վ, թէ ո՞ր
քան մեծ է մերս պատիւ, կալ մեղ
'ի սեղանի անդ՝ փոխանակ ամենա-
սուրբ քահանայապետին : Իցեմք
այսմ արժանիք : Այլ քանի՛ հրա-
շափառագոյն է այս սէր Յիսուսի,
պատարագել զանձն զօրհանապազ
վասն մեր : Իցեմք պատրաստք փո-
խարէն երախտեացս այսոցիկ՝ նուի-
րել զանձինս 'ի վերայ նորա : Ալէ
մատիցուք 'ի սեղանն հոգւով այսր
պատարագի . «Օ՞ն, եկայք և մէք
ընդ նմին մեռցուք » :

Բ . Զմտաւ ած, զի Յիսուս պա-
տարագաւս այս սրբով մատուցանէ
զինքն բովանդակ . այսինքն է, ոչ
միայն նուիրէ զբնական մարմին իւր
զկազմեալն յարգանդի Մարիամու,
այլ և զխորհրդականն մարմին՝ որ
է եկեղեցին, որոյ և դու անդամ
ես . և ըստ այդմ մասին՝ նուիրեալ
իսկ և զոհեալ ընդ նմա . միայն թէ
և բնակելիր 'ի նմա, զի և նա բնակելիր
'ի քեզ : «Կացէք յիս և ես 'ի ձեզ » :
— Տես, թէ որպիսի ունիցիս միու-

Ըմբռն ընդ Յիսուսի՝ առ 'ի նուիրիլ
ընդ նմին։ Ո՞վ, քանի՛ դու հակա-
ռակ ես հոգւոյ նորին և մտաց։ Հա-
մեմատեա զի՞նչ նա և զի՞նչ դուդ,
և պատկառեսջիր։ Միացիր սրախւ
ընդ ներքին պատրաստութեանց նո-
րին, առ 'ի կարող լինելոց արժա-
նապէս նուիրիլ ընդ նմա։

Զինի պատարագին

Ա. Զմառաւ ած, զի Գոհութիւն
խորհուրդ է Ճշմարիտ։ Քանզի ընդ
տեսակօք հացին և գինւոյ՝ պարու-
նակին Ճշմարտապէս մարմին և ա-
րիւն, հոգի և աստուածութիւն Յի-
սուսի, զոր գասընդունել՝ ի սրբում
պատարագի։ «Հաւատա՞ս այսմիկ»։
Հաւատայցես ստուդիւ այսմ Ճըշ-
մարտութեան։ Եւ զիա՞րդ այդպէս
սակաւ զգածնուս՝ յանդիման ելով
Յիսուսի Քրիստոսի։ Զարհուրեր
Յակոբ յետ տեսանելոց զԱստուած
'ի յերազի։ Սոլոմոն սքանչացեալ
հիանայր յորժամ զմառաւ ածէր՝

զի հաճեցաւ մեծվայելքութիւնն
Աստուծոյ՝ ընակել յիւրում՝ ի ձեւ
ուակերտ տաճարին։ Ո՛վ, քանի՛ եւ
ուանդուն, քանի՛ զգաստ արժան էր
քեզ լինել՝ ի պահուս յայսմիկ, զի
ունիս՝ ի քեզ ստուգապէս զԱս
տուածն քո։ Արա մեծարանս ան
սահման փառաց նորին, և խոնար-
հեաց յոյժ առաջի նորա։

Բ. Զմտաւ ած, զի յընդունելն
զիսորհուրդս զայս՝ ընկալար զնոյն
զայն մարմին Յիսուսի՝ որ կազմե-
ցաւ՝ ի հոգւոյն սրբոյ,՝ ի մաքրա-
գոյն արենէ Մարիամու։ որ հրա-
շագործեացն այնչափ անչափ սքան-
չելիս։ որ կրեալ տարաւ այնպիսի
վաստակոց, և համբերեաց այնչափ
չարեաց վասն մեր՝ ի անօրէնու-
թեան մահացու կենացն։ և որ այժմ՝
նստի փառօք ընդ աջմէ Աստուծոյ
յերկինս, — զայն արիւն Յիսուսի,
որ հեղաւ՝ ի մանկութենէ անտի
իւրմէ՝ ի թլփատութեանն, և քա-
մեցաւ իսպառ՝ ի սեղանի խաչն։ —
զայն հոգին Յիսուսի, որ՝ ի վայր-
կենէ անտի մարդեղութեանն լի էր

շնորհօք և առաքինութեամբ, որ
 էջն՝ ի դժոխս և միւսանգամ միա-
 ցաւ ընդ փառաւորեալ և ընդ ան-
 մահ մարմնոյն. — զնոյն ինքն զաս-
 տուածութիւնն Յիսուսի, որ ըս-
 տեղծն զերկինս և զերկիր : Ո՞վ ան-
 պատումբարեացս. զՅիսուս Քրիս-
 տոս ստանալ բովանդակ : — Հե-
 տանդքն՝ որ յաւետարանան յիշեն,
 երանիս տային անձանց, եթէ աե-
 սանէին զնա յանցանելն իւրում,
 եթէ շօշափէին զքղանցս հանդեր-
 ձից նորա, եթէ գնէր նա ձեռս՝ ի
 վերայ նոցա, կամ թէ անկանէր՝ ի
 վերայ իւրեանց մի և եթ հայեցուած-
 նորա : Դակ ես՝ բոլորովիսբ իսկ ու-
 նիմ զնա՝ ի սրտիս. «Օրհնեա անձն
 իմ զԾէր, և ամենայն ոսկերք իմ զա-
 նուն սուրբ նորա » : — Ո՞վ սրբազն
 մարմին Յիսուսի, քեզ երկիր պա-
 գանեմ. ով պատուական արիւն
 Յիսուսի, ՚ի քեզ ապաւինիմ. ով
 ամենասուրբ հոգի Յիսուսի, ընդ
 քեզ միանամ. ով աստուածութիւն
 Յիսուսի, խոնարհիմ առաջի քո :

ՅԻՍՈՒԽ ՕՐԻՆԱԿ ԵՒ ՃՇՄԱՐՏՈՒԹԻՒՆ

Նախ քան զպատարացն

Ա. Զմառաւ ած, զի սլատարագս
այս համառօտութիւնն իմն է և կա-
տարումն ամենայն օրինակաց հնոյ
ուխտին. որպիսիք են ծառն կենաց
'ի դրախտին, հացն առաջաւորու-
թեան 'ի տաճարին, մանանայն յա-
նապատին, գառնն զատկին և տա-
պանակին ուխտի. պարփակեալ յին
քեան բերէ սա 'ի հոգիս մեր զա-
մենայն զօրութիւնն նոցին: Ի խոր-
հըրդեանս յայսմիկ՝ Տէրն մեր լի
ովորմութեամբ և մարդասիրու-
թեամբ եթող մեզ զյիշատակ սքան-
չելեաց իւրոց. « Յիշատակ արար
սքանչելեաց իւրոց ուղղոց. ողոր-
մած դժած է Տէր » : Բեր և համե-
մատեա ընդ մեծարանաց զոր մա-

առւցանէին օրինակացն այնոցիկ՝ ըզքո զվարկապարազի շուք, զոր դնես նմին իսկ ճշմարտութեանս այսմիկ։ Որսլիսի սրբութիւնս ոչ պահանձէին օրէնքն 'ի քահանայից և 'ի ժողովրդոց՝ առ 'ի մերձենալոյ առ ըստուերսն և առ գոյզն և անկատարնշանակլքն։ Քանի առաւել ակնածութեան չիցեն պէտք առ ընդունելոյ զՃշմարտութիւնն՝ որ ունի յինքեան զայն ամենայն։ «Առաւել լուազիս յանօրէնութենէ իմմէ և 'ի մեղաց իմոց սուրբ արա զիս»։

Բ. Զմտաւ ած, զի խորհուրդս այս գարձեալ օրինակ է և յիշատակ մահուանն Յիսուսի, ըստ այսց բանից զոր ասաց առաքելոց իւրոց և ընդնոցին համօրէն ամենայն քահանայից։ «Զայս արարէք առ իմոյ յիշատակի»։ Զեք և մի սպաս զգեստու քահանային, կամ սկաշտամունք պատարագի՝ որ ոչ յանդիման ածցեն զդէսս ինչ չարչարանացն։ Մատիցուք ուրեմն 'ի սեղանն նուլին հոգւով որով Յիսուսել 'ի գողգոթա առ 'ի մեռանել։

զգեցցուք զսրբաղան զգեստսն նու
մին յօժարութեամբ , որով նայն
ընկալաւ զհանդերձն զոր արկին
զնովաւ . երևեսցի և առ արտաքս'ի
մեզ՝ եթէ զգածեալք եմք յիշատա-
կաւ մահուան նորա . « Քրիստոսի
չարչանին մարմնով , և դուք 'ի նոյն
միտս վառեցարուք » : Եւ քանզի
զոհն զոր մատչիս մատուցանել , օ-
րինակ է և նուիրումն մահուան նո-
րա , քաջիկ կալջիր զայս յուշի :
Ո՞ւ Յիսուս , 'ի նորոգելն իմ արդ
զիշատակ չարչարանաց քոց , մի
տար ինձ թոյլ նորոգել և զմեղս՝ որք
եղեն այնմ պատճառք , այլ տուր
ինձ ընդունել նոր օճան 'ի փրկա-
գործութենէ այտի քումմէ . « Վա-
յելեսցուք միշտ զնոր արդիւնս փր-
կագործութեան քո » . զայս շնորհս
խնդրեմ 'ի քէն ընդ եկեղեցւոյ :

Զինի պատարագին

Ա . Զմուաւ ած , զի 'ի սեղանի
անդ ընկալար զՅիսուս Քրիստոս

Ճշմարտապէս՝ և ոչ օրինակաւ, որ-
 պէս ընդունէին Հրեայք յորժամ-
 ուտէին զզատիկն . և ոչ 'ի հոգւոջ
 միայն՝ որպէս ընկալեալ լինի'ի խոր-
 հըրդաբարն հաղորդութեան . այլ
 խակապէս, Ճշմարտապէս, գոյացա-
 պէս . զնոյն՝ զոր Հայրն ծնաւ 'ի
 յաւխտենից 'ի ծոցի իւրում, և զոր
 կոյսն սուրբ տարաւ իննամսեայ
 յարգանդի . « Հաւատամ Տէր, օդ-
 նեա անհաւատութեանս իմում » :
 Այս, ես զքեզ գոյացուցի 'ի սեղա-
 նին, զքեզ՝ զմիածին Որդիդ Աս-
 տուծոյ . « Ես այսօր ծնայ զքեզ » .
 մասնակից լինիմ երանութեան մօր
 քո, որ կրեաց զքեզ յարգանդին .
 « Երանի' որովայնին որ կրեացն ըզ-
 քեզ » . կցորդեմ զիմն ընդ նորայ-
 ումն պատրաստութեան, և նուի-
 քեմ քեզ զնորին շնորհակալիս .
 « Մեծացուսցէ անձն իմ զՏէր » :

Բ . Զմաւաւ ած, զի ընկալար ըզ-
 Յիսուս Ճշմարտապէս ոչ միայն որ-
 պէս էրն յերկրի և որպէս էն այժմ
 յերկինս, այլ ընկալար զնա ամե-
 նայն կատարելութեամբք նորին,

առաքինութեամբն և արժանեցք :
 Քաջ կշռեա զայս ամենայն : Ունիս
 արդ 'ի քեզ զայն Յիսուս՝ որ Աս-
 տուածն է յաւիտենական, անչափ
 և անբաւ . զՅիսուս՝ զարարիչն քո,
 զպահապանն քո, զփրկիչն քո և
 զդատաւոր . զնոյն Յիսուս՝ որ կա-
 րէ զամենայն՝ որ 'ի կարգի ընութե
 և շնորհաց և փառաց . զՅիսուսն
 զայն հեղ և խոնարհ, զհամբերողն
 և զգթած . զՅիսուս՝ որոյ մի ևեթ-
 գործ՝ առաւել արդիւնական եղե
 քան զամենայն գործս հրեշտակաց
 և սրբոց . « Յամենայնի մեծացա-
 րուք 'նովաւ » : Ո'վ, քանի՛ երախ-
 տեաց չիցէ 'նա արժանի՛ վասն այն-
 չափ և մեծամեծ բարեացն : Քանի՛
 ամօթ քեզ՝ զի այսքան սակաւ
 ինչ օդտիո 'ի 'նմանէ : Ո'վ Յիսուս
 իմ, տուր ինձ ընդունել և զհոդի՛
 քո 'ի մարմնոյդ ընդունելութեան .
 արա զիս մասնակից արդեանց քոց
 և առաքինութեանց, հաղորդելովս
 մարմնոյ քո սրբոյ և անգին արեանդ.
 որոց կարօտս եմ յոյժ յոյժ :

Գ.

ՑԻՍՈՒՄ ՔԱՀԱՆԱՅ ԵՒ ԶՈՀ

Նախ քանե զպատարազն

Ա. Զմբաւ ած, զի Յիսուս Քրիս-
տոս է քահանայապետն մեծ, քա-
հանայ յաւիտենական, քահանայ
համաշխարհական: — Քահանայա-
պետ մեծ՝ քանզի 'ի նմա ընակէ լը-
րումն սրբութեան և իշխանութե-
քահանայից, և 'ի նմանէ ընդունին
նորա զզօրութիւն և զիշխանու-
թիւն. — Քահանայ յաւիտենական,
զի քահանայութիւն նորա կացցէ
յաւիտեանս յաւիտենից 'ի յեր-
կինս, ուր մատուցանէ և մատու-
ցէ զանձն անդադար չօր իւրում.
— Քահանայ համաշխարհական, զի
նա ինքն է որ ներգործէ և խօսի 'ի
քահանայա, 'ի վամու պաշտաման:

2

Ա. Կ. Ա. Մաշնակյան
Առաջ հայութ Անգլիա

նոցա : « Ունիմք այսուհետեւ քա .
 » Հանայապետ մեծ , անցեալ ընդ
 » Երկինս . . . մատիցուք այսուհետեւ
 » Համարձակութեամբ առաջի ա .
 » Թուոյ շնորհաց նորա , զի ընկալ .
 » ցուք զողորմութիւն , և գացուք
 » շնորհս 'ի դէպ ժամանակի օգնա .
 » կանութեան » : — Յիսուս , Ճանա .
 չեմ զքեզ ինձ 'ի քահանայապետ .
 Հան ինձ մասն 'ի շնորհաց և 'ի սրբ .
 բութենէ քահանայութեան քո ,
 առ 'ի մատուցանել արժանապէս
 զխորհուրդս սրբութեան :

Բ . Զմտաւ ած , զի աստիճա .
 նաւդ քահանայութեան , գործի և
 սլաշտօնեայ ես Յիսուսի Քրիստո .
 սի . յանուն նորին գործես և խօ .
 սիս . և այնպիսի իմն սեռն և սերտ
 զօդ միութեան ունիս ընդնմա , մին .
 չե զամենայն զոր միանդամ ասես
 և առնես յանուն նորա , զնոյն և նա .
 ասէ և առնէ ընդ քեզ : Ի մլրտելն
 քո , « Կա է որ մլրտէ » . 'ի քաջա .
 լերելն քո՝ նա է որ քաջալերէ աս .
 տուածաբար բարեխօսութեամբ .
 'ի մատուցանելն քո՝ նա է որ մա .

տուցանէ զսուրբ խորհուրդ պատարագին : Ո՞վ, որպիսի պատիւէ քո, երեխլ առաջի սեղանոյն՝ ոչ որպէս մարդ մահկանացու, այլ որպէս այլ ոմն Յիսուս : Արդ տես եթէ իցե՞ս բաւական կարող լինելոյ յանդիման առնել զնա . ունիս զիշ խանութիւնն նորա, ունիցի՞ս արդեօք և զառաքինութիւնն նորին, զսրբութիւնն, զխոնարհութիւնն և զմեռելութիւն : Մի արդեօք քահանայ իցես ըստ աշխարհի, զգայամէր և փափկավար : Յո՞ արդ զնաս յայդպիսում դոլով վիճակի, որ զլսովին հակառակն է Յիսուսին : Մերկացիր զհին մարդն և զգեցիր զնորն . «Զգեցարուք զՅիսուս Քրիստոս » :

Չկնի պատարագին

Ա. • Զմանաւ ած, զի Յիսուս 'ի Գոհութեանս՝ յանդիման կայ հանապազ Աստուծոյ՝ Հօր իւրոյ, որպէս զոհ համաշխարհական ամենայն

մարդկան, առ՝ ի տալ նմա՝ յանուն
նոցին զպատիւն զոր պարտին, և
'ի ընուլ զարդարութիւննորա վասն
ամ մեղաց գործեցելոց: Եւ այժմիկ
յընդունելն քում զնա, սիրա քո եղե
նմա՝ ի սեղան նուիրման պատարա
գի նորա: որպէս զի կարող ես ա
սել ընդ մարդարէին. « Ազօթք իմ
առ Աստուած վասն կենաց խոց »:
Աստուած իմ, չեմ ես ինձէն բա
ւական՝ ի փառաւորել զքեղ ըստ
արժանեաց քոց, և ոչ ամոքել ըզ
բարկութիւն քո: այլ հայեաց՝ ի
Քրիստոսն քո: « Հայեաց յերեսս
օծելոյ քո »: ընծայեմ քեղ զա
րիւն նորա և զկեանս: կցորդեմ
զանձն իմ ընդ անբաւ արդեանց նո
րին՝ որբան է յիս կար:

Բ. Զմտաւ ած, զի ոլք ուտէինն
'ի մարմնոց զոհելոցն առ կուռս,
հաղորդք լինէին, ըստ Պօղոսի, ամե
նայն պաշտամանց նուիրելոց նո
ցին, նա և բազում անդամ ծա
ռայք իսկ այսոյն պլծոյ: քանիօն
աւաւել չիցէ սկարա և արժան ճա
շակողիդ: 'ի կենդանի պատարագէ

աստի ՚ի սրբոյ և ՚ի հաճոյականեց
Աստուծոյ, զգենուլ և լնուլ հոգ-
ւով նորին : Զայս իսկ կամի Տէրն
մեր . զի որ ուտէն ՚ի մարմնոյ իւր-
մէ , կեցցէ և նորին կենօք + «Որ
ուտէն զիս և նա կեցցէ վասն իմ » .
և այս իսկ է արդարեւ հաղորդն լի-
նել սեղանոյն : — Ո՞չ , Յիսուս իմ,
տուր ինձ զշնորհս կելոյ ըստ հոգ-
ւոյ քում , և մետուցանելոյ յիս
զոդի աշխարհիս :



՚

ՅԻՍՈՒՄ ՊԱՏՄԱՐԱԴ ՈՂՋԱԿԵԶ ԵՒ
ԳՈՀԱՑՈՂԱԿԱՆ

Նախ քանի զպատարազն

Ա. Զմտաւ ած, զի ամենայն սպա-
տարագք հնոյ օրինին անբաւական
գտան 'ի պատուել զԱստուած ըստ
նորին արժանեաց . վասն այսորիկ
Յիսուս հաստատեաց 'ի նորումն
զիսորհուրդ պատարագին, որոյ ան-
բաւ գոլով արժէիւք, մատուցանէ
Աստուծոյ զպարտուալատշաճ սլա-
տիւն՝ վասն իւր և վասն մարդկան .
և այսու հատուցանէ առաւելաւն
հանդերձ զպարտիս և զյանցանս
մեր . « Զզոհս և զպատարագս ոչ
կամեցար և ընդ ողջակէզս ոչ հա-
ճեցար . յայնժամ ասացի, թէ ա-
հաւասիկ եկի » : Ո՞վ սքանչելի ի-
մաստութեանն Յիսուսի . որ եզիտ

զհզօր զայս հնարս հատուցանելոյ
 բոլորովիմք զմեր պարտս յարգու-
 թեան և պաշտաման առ Աստուած :
 Միասցուք ուրեմն ընդ դիտման մը-
 տաց նորին՝ ի հաստատելն անդ իւ-
 րում զիսորհուրդ զայս պատարագի :
 մատուցուք զնա առ ՚ի պաշտել
 ընդ նմին զհայր՝ հոգւով և ճշմար-
 տութեամք . զի նա « այնպիսի եր-
 կրպագուս իւր խնդրէ » : Ո՞վ Յի-
 սուս , հրաժարիմ յամենայնէ որ
 չեցէն քեզ հաճոյ : Ե՛կ յիս ընուլ
 զթերութիւն անարժան և տկար
 երկրպագութեանցս , աղօթիցս , գո-
 հութեանցս և փոխարինի հատուց-
 մանց ամենայն յանցանաց իմոց :
 Ո՞վ , քանի նուազեալ եմ յամե-
 նայնի՝ զոր պարտիմս առ Ածն իմ :
 Ի . Զմտաւ ած , զի ՚ի պատարա-
 գի ողջակիզին՝ հրով ծախէր զոհն
 բովանդակ , ՚ի վկայութիւն ծայրա-
 լիր իշխանութեանն Աստուծոյ ՚ի
 վերայ արարածոցս : Տես , թէ ո՞ր-
 պէս յայսմ խորհրդեան՝ Յիսուս
 սիրով որ առ մեզ՝ ոչնչացեալ իմն
 ունայնանաց ՚ի սրբագործութեան

և՝ ի հաղորդութեան անդ, առ՝ ի պատուել զամենակարողութի, զինքն իշխանութիւն և զտէրութիւն Աստուծոյ՝ Հօր իւրոյ: Տես արդ, յերթալդ՝ ի մատուցանել զնոյն ովքակէղ, որպիսի ունիցիս յօժարութիւնս, իցե՞ն ինչ նմանք Յիսուսին: Իցե՞ս պատրաստ՝ ի զենումն ողջամբ ընդ նմին: Չիցէ ինչ իր յաշխարհի՝ որ մածեալ իցէ զքեւ, ազգականք կամ բարեկամք, դաստակերտք, հաճոյք, անդորր կենաց, կամ դու ինքնին, տաղանդք մտաց քոյ, առողջութիւն քո, համբաւ քո, կեանք քո: — Ո՛չ այդպէս, աստուածայինդ Յիսուս, այլ հրաժարիմ յամենայնէ, առ՝ ի տալ զիս՝ ի զենումն ընդ քեզ. «Օդնեա ինձ ըստ բանի քում և կեցո զիս. և մի յամօթ առներ զիս՝ ի յուսոյ իմմէ»:

Զինի պատարագին

Ա. Զմառաւ ած, զի ժամու ժա-
մու ընկալեալ մարդկան զանչափ
շնորհս Աստուծոյ, զարտաքինս և
զնեբքինս, զբլիսեալսն յանբաւու-
թենէ նորին սիրոյ, պարտականք էին
անդուլ գոհութիւնս նմա մատու-
ցանել. այլ զի առ տկարութեան
ընութեան իւրեանց չեն բաւականք
հանապաղ՝ ի հատուցումն պար-
տեացն, Յիսուս եղ զանձն՝ ի խոր-
հըրդեանս առ՝ ի լնուլ զպակասու-
թիւն նոցին, և մատուցանել յանկ
գոհութիւն առ Աստուծ՝ Հայր
իւր, որպէս և այժմիկ մատուցանե-
լնդ մեր: Ո՛, որպէս զի սուրբ և հա-
ճոյք են Աստուծոյ Հօրն՝ գոհու-
թիւնքդ այդոքիկ: Երջանիկ եմ ես
զի յանձն առնու հատուցանել Յի-
սուս զիրաւացի զպարտա իմ: Զո՞ր
շնորհս մատուցից քեզ, որ չունիս
պէտս բարեաց իմոց. « Բարիք իմ
չեն քեզ ինչ պիտոյ » . և առ՝ ի քէն

Են ամենայն զոր ունիմ։ Հաճեաց
ուրեմն ընդ գոհութիւնս զոր մա-
տուցանէ քեզ Յիսուս՝ ընդ իմ,
նուիրեմ քեզ զայնոսիկ՝ միացեալ
իմովսանն կամօք, որչափ և կարող
իցեմ։

Ի. Զմառաւ ած, զպարտմն զոր
ունիս առ Յիսուս, վասն տալոյ նո-
րա քեզ հնարս խմանալոյ զբարիսն՝
զոր արար ընդ քեզ Աստուած։
այնպէս զի նուիրելովդ նմա զՈրդին
իւր՝ առաւելաւն իսկ հատուցանէս
փոխանակ ամենայնի տուեցելոցն
քեզ։ Քանզի Որդին նորա է աղ-
բիւր ամենայն բարւոյ։ գերագոյնն
բարի, բարին էական, բարին ընդ-
հանուր, և զամենայն զոր միանդամ
տացէ քեզ Աստուած, բաց'ի նմա-
նէն, ելմունք և հոսանք ինչ են քեզ-
մնաւոր և անսպառ աղբերն այնո-
րիկ։ Ո՛վ, քանի՛ մեծ են քեզ այս-
պիսի սփոփանք։ Մի կասիր ապա
'ի գոհանալոյ զԱստուծոյ Հօրէ
Քրիստոսիւ Յիսուսիւ։ « Գոհա-
ցողք լինիթիք զԱստուծոյ և զՀօրէ
նովաւ »։ այսու օրինակաւ ձգես-

ցես՝ ի քեզ չնորհս նորանորս : Զայդ
աղդ առնէ քեզ եկեղեցի՝ յաղօթս
անդ պատարագին զոր ասեսդ զօր
ամենայն , թերեւս առանց քաջ միտ
դնելոյ , եթէ « Արժան է ստուգա-
պէս և իրաւ ամենայորդոր փու-
թով միշտ փառաւորել զքեզ , Հայր
ամենակալ . . . Քրիստոսիւ Յիսու-
սիւ տերամբ մերով » :



Ե

ՅԻՍՈՒՍ ՊԱՏԱՐԱԳ ՀԱՇՏՈՒԹԵԱՆ
ԵՒ ԸՆԴՈՒՆԵԼՈՒԹԵԱՆ

Նախ քան զպատարագն

Ա. • Զմոտաւ ած , զի համօրեն
մարդկութիւն ոչ էր բաւական 'ի
հատուցումն միոյ ևեթ մեղաց . իսկ
Յիսուս մարդ եղեւ , և մեռաւ 'ի վե-
րայ խաչին առ արժանիս առնել
զմեզ թողութեան մեղաց մերոց .
և հրաշափառագոյն իմն զթութը
եղ զինքն 'ի խորհուրդ հաղորդու-
թեան , առ 'ի սեփականել մեզ
զարդիւնս շնորհի հատուցման . վասն
որոյ և եկեղեցի տայ մեզ ասել զնը-
մանէ 'ի խորհրդեանս . «Ահա գառն
Աստուծոյ , որ բառնայ զմեզս աշ-
խարհի » : Ո՞վ անձառ մխիթարու-
թեանս , մատուցանել մեզ յաճախ
զպատարագն՝ որ կարօղ է ջնջել

զմեղս՝ զոր գործեցաք յաճախ , և
զոր գործեմքս օր ըստ օրէ , և որոց
՚ի վտանգի կամք գործելոյ յամե-
նայն կեանս մեր : Ո՞վ Յիսուս , յան-
դիման լինիմ քեզ որպէս մեղաւոր
մեծ . ողորմեա ինձ ըստ մեծի ողոր-
մութե քում . ջնջեա զնամ յանցանս
կենաց իմոց՝ զօրութեամք արեան
քո պատուականի : Անդիտանամ՝
եթէ արդեօք թողեր ինձ զայնոսիկ .
բայց գարշիմ մերժիմ ես 'ի նոցա-
նէն բոլորով սրտիւ իմով , վասն սի-
րոյ քո ևեթ . ոչ արհամարհես դու-
ըստ խոստման . քո՝ զակատարադ սըր-
տի խորտակելոյ և խոնարհելոյ .
« Զսիրտ սուրբ և զհոդի խոնարհ՝
Աստուած ոչ արհամարհէ » :

Բ . Զմտաւ ած , զի գիտելով Յի-
սուսի յառաջադոյն , եթէ լինիցին
միշտ յերկրի մարդիկ՝ որ արհա-
մարհեսցեն զԱստուած , եդ զինքն
՚ի հաղորդութեան՝ որպէս զոհ քա-
ւութեան , առ անդլակի խնդրել 'ի
Հօրէ իւրմէ զթողութիւն ամենայն
մեղաց գործելեաց , և առ 'ի զիջուցա-
նել զարդար բարկութիւն նորա 'ի

մարդկանէ . « Կա է , ասէ ոքն Յով .
 Հաննիէս , քաւութիւն մեղաց մերոց ,
 և ոչ եթէ մերոցն միայն՝ այլ ամե-
 նայն աշխարհի » : Եւ ուր երբէք ե-
 րևեցաւ գթութիւն այսքան լայնա-
 լիր որպէս և Յիսուսին : Մատու-
 րեմն Աստուծոյ՝ զայս պատարադ
 քաւութեան , ոչ միայն վասն քոյ-
 ոցդ ևեթ մեղանաց , այլ և վասն
 ամենայն քրիստոնէից , և վասն մե-
 ղաւորաց մեծաց՝ զոր ճանաչեսդ .
 Քեզ անկէ լալընդ մէջ աստիճանա-
 ցըն և սեղանոյն և ասէլ . « Խնայեա ,
 Տէր , 'ի ժողովուրդս քո » :

Զկնի պատարագին

Ա . Զմտաւ ած , զի մարդիկ 'ի
 սակս մեղաց իւրեանց՝ անարժանիք
 գոլով գամադիւտ լինել առ 'ի յԱս-
 տուծոյ և ոչ միոյ իմկիք շնորհի , Յի-
 սուս եղ զինքն 'ի գոհութեանս , առ
 ընդունելոյ զամենայն որոց միան-
 գամ կարօտինն , ըստ մարմնոյ և
 ըստ հոգւոյ , վասն ժամանակաւո-

ըիս և վասն յաւխենականին . և
այժմ յետ ընդունելոյ քո զնա , կա-
տարէ 'ի սրտի քում զպաշտօնս
զայս . « Կայ մշտնջնաւոր լինել բա-
րեխօս վասն մեր » : Ո՞վ բարեխօս
արժանաւոր . զի՞նչ կարէաք մեք
դործել առանց նորա . կամ թէ
էաք բաւական գէթ վասն անձանց
մերոց ընդունել շնորհ ինչ յԱս-
տուծոյ : — Գոհանամ զքէն Յիառւս ,
զի հաճիս բարեխօս լինել վասն իմ
առ Հայր . 'ի ձեռս քո յանձն առ
նեմ զամենայն օդուտն իմ . միաբա-
նիմ յաղօթս քո . ոչ ինչ այլ խըն-
դրեմ ես , բայց զոր դուդ խնդրես
վասն իմ , և զոր ուսուցերդ ինձ
խնդրել . « Հայր մեր , սուրբ Եղիշե
անուն քո » :

Բ . Զմտաւ ած , զի թէալէտ Յի-
սուս աղօթէ անդուլ վասն մեր 'ի
հաղորդութեան , և որում ինչ մի
ոչ զլանայ Հայրն , որպէս և ինքնին
վստահ առնէ զմեզ , « Գիաէի՝ զի
յամենայն ժամ լսես ինձ » . սա-
կայն առ արժանիս լինելոյ աղօթից
նորա , սլարտ և սլատշաճ է յար-

մարել զմեղ ոգւոյ նորին՝ որով ա
 զօթէ վասն մեր. սկարտ է մեղ ա
 զօթել ընդնմա որպէս և նայն։ Ո՞վ,
 քանի՛ սուրբ և հաճոյականք են ա
 զօթք նորա առաջի Աստուծոյ Հօր
 իւրոյ։ Որպիսի՛ ամփոփումն, քանի՛
 մտադրութիւն, որպիսի՛ փափաք,
 քանի՛ եռանդն։ Գեղեցիկ օրինակ,
 որում ունիս նմանել յաղօթսն քո։
 « Զնոյն խորհեսցի իւրաքանչիւր ոք
 'ի ձէնջ որ և 'ի Յիսուս Քրիստոս »։
 Մուտ'ինելքին պատրաստութիւնս
 Յիսուսի։ — Թերեւս մինչև ցայժմ
 ոչ ինչ խնդրեցեր յանուն նորա և
 արդեանց նորին։ « Մինչև ցայժմ
 ոչ ինչ խնդրեցէք »։ Եւ իցէ ինչ զար-
 մանաց զի սակաւ յոյժ օգտեցար 'ի
 պատարագէ աստի ընդունելութե՝
 զոր մատուցերդ յաճախ։ « Խընդ-
 րեցէք և առնուցուք »։ Խնդրեա՛ այ-
 սուհետեւ ընդ Յիսուսի և ըստ Յի-
 սուսի, և ապա ընդունիցիս զամե-
 նայն զոր և խնդրեսն։

Զ

ՅԻՍՈՒՍ ԱՍՏՈՒԱԾ ՄԵՐ ԵՒ ԹԱԳԱ-
ԽՈՐ ՄԵՐ

Նախ քան զպատարագե

Ա. Զմտաւ ած , զի Յիսուս 'ի
սուրբ Գոհութեանս գոլով ստու-
գապէս Աստուած , ընդ իւր ունի
զամենայն մեծութիւն իւր անբաւ
և անհասանելի , զամենայն կատա-
րելութիւնս իւր , — զմեծվայելըու-
թիւն , զամենակարողութիւն , զյա-
ւիաենականութիւն , զանչափու-
թիւն , զսրբութիւն , զվմաստու-
թիւն , զբարութիւն , զերկայնմը-
տութիւն , զարդարութիւն և զո-
ղորմութիւն : — Ո՞վ Աստուած իմ ,
Ճշմարտապէս Աստուած ոմն ես դու-
ծածկեալ 'ի խորհրդեանս յայսմիկ :
Եւ ոչ իսկ իբրև զմարդ զոք տեսա-
նեմ զքեզ աստանօր , և սակայն

կաս 'ի նմին՝ որպէս մարդ և որպէս
Աստուած : Հաւատամ այդմիկ 'ի
բոլոր սրտե և ճանաչեմ զքեղ Տէր
իմ և Աստուած իմ : Ո՞վ եմ ես,
Աստուած բարձրեալ, զի մատեաց
առ քեղ, ձօնեցից զքեղ և ընկա-
լսյց զքեղ :

Բ . Զմտաւ ած, զի Աստուածն
զոր հասանէ քեղ ընդունել՝ է ոքն
սրբոց և նոյն ինքն սրբութիւն . զի
յամենայն ժամանակի ինդրեաց
նա մաքրութիւն բազում՝ յամենե-
ցուն որ մատեանն առ նա : Տես
զինչ պահանջէ 'ի Մովսիսէ մինչեւ
թողացուցեալ նմին մերձենալ առ
մորենին վառեալ . կամի նմա առ
մեծարանաց բոկանալ զկօշիկան,
քանզի տեղին յորում կայը՝ երկիր
սուրբ էր . « Լոյժ զկօշիկս քո յո-
տից քոց . զի տեղիդ յորում կաս
դու 'ի դմա՝ երկիր սուրբ է » : Տես
զինչ ալատուէր տայ Ահարոնի և
որդւոց նորա . յառաջ քան զմտա-
նել 'ի դաբիրայն և ծխել նմա խուն
կըս, լուանալ ասէ զուս և զձեռս,
սպառնալիս մահու 'ի վերայ կա-

պեալ Եթէ արհամարհիցեն զպա-
տուիրանսաւն : — Ո՞վ Աստուած իմ ,
դու ինքն տուր ինձ զմաքըրութիւնն՝
որում պէտս ունիմ առ 'ի մերձե-
նալոյ առ քեզ : « Սիրտ սուրբ հաս-
տատեա յիս Աստուած , և հոգի ու-
ղիղ նորոգեա 'ի փորի խմօւմ » . զի
ո՞ կարիցէ սրբել զծնեալն 'ի պիղծ
արենէ . ո՞չ դու միայն , Տէր : Թէ-
պէտ և ունիցիմ զմաքըրութիւն հրեշ-
տակաց կամ զսրբութիւն Յովհան-
նու . Մկրտչի , համայն և այնպէս ոչ
գտայց անարատ յաչս քո :

Զկնի պատարագին

Ա . Զմաւ ած , զի այն Յիսուս
որ յաստուածատուր գիրս կոչէ
թագաւոր թագաւորաց և տէր տե-
րանց , 'ի սրտի քում է այժմիկ իբ-
րև թագաւոր բազմեալ 'ի գահոյն ,
և ակն ունելով գաանել մեծարանս ,
հպատակութիւն և հաւատարմու-
թիւն՝ զոր պարտիսդ նմա . ծանիր
զիշանութիւնորա , զտէրութիւն զոր

ունի 'ի վերայ քո որպէս թագաւոր. «Դու ես թագաւոր իմ և Աստուած իմ»: Դու ինքն, Յիսուս, դու ես իմ թագաւոր և Աստուած. Թագաւորեաց յաւիտեան 'ի վերայ ամենայն կարողութեանց հոգւոյ իմոյ և զօրութեանց մարմնոյ իմոյ: Ո'վ, քանի՛ փառք են ինձ հըպատակն կալ այսպիսւոյ մեծազօր թագաւորի որ նստին ընդ աջմէ չօրիւրոյ յերկինս. որում տուեալ է ամենայն իշխանութիւն, որ երկրպագի 'ի հրեշտակաց և 'ի սրբոց, յորմէ առնուն թագաւորք երկրի զթագ իւրեանց. ծառայել այսպիսւոյ վեհափառ թագաւորի՝ թագաւորել իսկ է: Ո'վ, քանի՛ շահաւետ է կեալ ընդ օրինօք այսքանոյ արդարակորով և բարերար արքայի, որոյ լուծն այնպէս քաղցր է և փոքրոգի: Ո'վ Յիսուս, դու լիցիս թագաւոր իմ յաւիտեան. երդնում քեզ հաւատարմութիւն անդըրժելի:

Բ. Զմտաւ ած, զոր պարտիսն Յիսուսի թագաւորին քո. 'նա փըր-

կեաց զքեղ՝ ի ըոնութենէ սատա-
 նայի և յամօթալի ծառայութենէ
 մեղաց. նա արար զքեղ իւր պաշ-
 տօնեայ և մտերիմ. հաւատաց՝ ի
 քեղ զայն ամենայն իշխանութիւնս՝
 որք առ ոտս քո բերեն զարքայս
 երկրի. զօր ամենայն բազմեցուցա-
 նէ զքեղ՝ ի սրբազան սեղանի իւ-
 րում: «Այսակէս լիցի ամենայն
 մարդոյ՝ զոր կամիցի արքայ փառա-
 ւորել»: Բարեկ, որպէս զի մեծա-
 շուք և բարերար թագաւոր է Յի-
 սուս. ցոր վայր ոչ ամբարձ զիս.
 մինչեւ՝ ի գահոյս իւր. զի՞նչ ինչ ոչ
 արար վասն իմ: «Բարձր առնեմ
 զքեղ, Աստուած իմ և թագաւոր
 իմ, և օրհնեմ զանուն քո յաւի-
 տեան և յաւիտեանս յաւիտենից»:

Է

ՅԻՍՈՒԽԾ ԱՐԱՐԻՉ ՄԵՐ ԵՒ ՓԲԿԻՉ

Նախ քանի զպատարազն

Ա. Զմտաւ ած, զի Յիսուս՝ գուլով Աստուած ճշմարիտ և կենդանի՝ ի Գոհութեան, արարիչ է քուու ովորմութեամբ իւրով արար զքեզ ուր ինչ եսդ, առանց կարօտելց քեզ։ Այս տեր, « Զեռք քու արարին զիս և ստեղծին »։ Արարիչն ամենակարող կամի դալ՝ ի քեզ, որոյ է իշխանութիւն անժխտելի՝ ի վերայ սրտի քու։ Քանի՛ խնամով արժան իցէ քեզ պատրաստել զդայընդունելութին նորին։ որով ջերմեռանդեամբ նուիրել զգանմա։ Ո՛վ Աստուածդ մեծ, արարիչ իս։ « Քո եմ ես բոլորովին »։ Մի մերժեր զբնակարան՝ զոր ինքնին շնուցեր վասն քու։ ուղղեալ զձեռագործ քու,

կարկառ զձեռն քո 'ի նմա . տուր
նմա զգեղեցկութիւնն զառաջին զոր
մերկացաւ մեղօք : Դու ստեղծել
զիս վասն քո , և քեզ փախադէ
անձն իմ . « Ծարաւեցաւ առ քեզ
անձն իմ , քանիպատիկ ևս և մար-
մին իմ » :

Բ . Զմառաւ ած , զի նոյն Յիսուս
որ ստեղծն զքեզ , պահէ հանա-
պազ զէութիւն քո և զիեանս՝ զոր
ետ քեզ . որպէս զի եթէ վերացու-
ցանէր առ վայր մի զձեռն իւր 'ի
քէն , իսկ և իսկ դառնայիր յոչինչն
ուստի ելէր : Այո , ոչ միայն կեանս
ետուր ինձ և լցէր բարեօք , այլ և
օդնութեամբ քով պահէս զոդիս
իմ : Ո՞հ , մըքան պարտական եմ
քեզ , Տէր : Ո՞ւր արդ լինէի եթէ
հեռացեալ էիր յինէն 'ի ժամանա-
կի յորում անարդէի զքեզ , և թե-
րևս անպատճաստ և գաղջութեամբ
մերձենայի 'ի սեղան քո : « Քանի՛ ե-
րանութիւն է ինձ այս՝ տակաւին
տեւել կեալ և հանգերձիլ 'ի մա-
տուցումն քո և յընգունելութիւն :
Տուր ինձ , Տէր , պատարագէլ այս

օր և յայսմհետէ եռանդագին ևս
յօժարութեամբ, առ ՚ի փոխարէն
առաջնոցս հեղգութեանց : Ո՛չ ո՛չ,
թերես վերջին իցէ այս պատարագ՝
զոր մատուցից քեզ : «Պահեա զիս
Աստուած իմ, զի ես ՚ի քեզ յուսա-
ցայ . պատարագս ուղղալիցս մա-
տուցից քեզ » :

Զկնի պատարագին

Ա. • Զմտաւ ած, զի վասն յան-
ցանաց նախամարդոյն՝ գերի եղաք
սատանայի և մեղաց, դատապար-
տեցաք մահու և դժոխոց : Վասն
այսորիկ առաքեաց Աստուած զոր-
դին իւր ազատել զմեզ յամենայն
վտանգաց մերոց . և զի, առաւելու-
թեամբ իմն շնորհաց և դժութեան՝
Յիառւս կատարէ մինչև ցարդ ըդ-
պաշտօն փրկչի՝ խորհրդեամբ Գու-
հութեանս : «Որ ետ զանձն վասն
մեր զի փրկեսցէ զմեզ յամենայն
անօրէնութենէ »: — Ո՛վ փրկիչ զը-
թած, զոր շնորհս փոխարինի հա-
տուցից քեզ ընդ այսքանոյ մեծի

բարութեան քում : « Խղեցեր զկա-
պանս իմ, քեզ մատուցից պատա-
րագ օրհնութեան » : Մի դադարիր,
երկնաւոր փրկիչ, կարկառել յիս
զարդիւնս փրկագործութեան, ո-
րում դեռ ևս կարօտս եմ : « Կեցո
զիս տէր և ողորմեա ինձ » :

Բ . Զմտաւած, զի Յիսուսի դնե-
լով զքեզ՝ չես այսուհետեւ քո ին-
քեան, այլ նորա : « Զեք անձանց
տէր » : « Նորա ես դու որպէս բա-
ժին և ստացուած, և ժառանգու-
թիւն իմն, որ կարի ծանրագնոյ ե-
ղեր նմին : Ոչ է քո իշխանութիւնն
յայսմչետէ ծախել զժամանակ քո
և զվաստակս, զբարիս, և զազատու-
թիւն և զկեանս 'ի զրկանս նորին :
Ո՛չ, քանիցս մատնեցեր զանձն քո
'ի մեղս, յաշխարհ, 'ի կիրս աղցա-
ւորս, յետ մի անգամ փրկելս 'ի
Յիսուսէ տէս, քանի՛ անիրաւեցար
նմա . և զի՞նչ դործեսցես առ քա-
ւելս զայդ : Ա ամս քո միայն կեցից
յայսմչետէ փրկիչ երկնաւոր : « Այ-
սուհետեւ մեծասցի Քրիստոս յան-
ձին իմում . քանզի ինձ կեանք՝ Քրիս-
տոս է, և մեռանել՝ շահ » :

Է

ՅԻՄՈՒՄ ՕՐԵՆՍԴԻՐ ՄԵՐ ԵՒ
ԱՌԱՋՆՈՐԴ

Նախ բան զպատարացն

Ա. Զմտաւ ած, զի Յիսուս նոյն
այն է 'ի Գոհութեան, որ եկն յաշ-
խարհ, խափանել զօրինակս և զծէսս
հնոյ օրինաց, և հաստատեաց ըզ-
նորս, որ են օրէնք շնորհաց և սի-
րոյ. ապա նա ինքն է օրէնսդիր մեր.
«Տէր դատաւոր մեր» : Քանի ըզ-
գուշութեամբ չիցէ մեղ արժան
պատրաստել զանձինս առ նա, որ
ազատս զմեղ արար 'ի բազմասկա-
տիկ պատուիրանաց անտի և ծխախ՝
որք ծանրանային 'ի վերայ Եբրայե-
ցւոց, և եղ մեղ առաջի օրէնս նբա ,
և արժանաւորս արար զմեղ շնոր-
հաց 'ի կատարումն նոցին . որ այն
քան յորդորական խոստմամբ և

ահագին սպառնալեօք խրախուսեաց զմեղ՝ ի սպատութրանապահութիւն։ Խոստովան լեռ զի չկը օրէնսդիրն աման սմին։ «Ոչ ոք է յօնէնսդիրս նման սմին»։ Բայց եթէ այնքան նախազգուշութիւնս պահանջեաց Աստուած՝ ի ժողովրդենէ իւրմէ՝ ի աալն նոցա զօրէնս, մինչեւ կամել՝ զի որդիքն Խարայէլի սրբեսցեն զանձինս և լուսոցեն զհանդերձս իւրեանց, և՝ ի կանանց իւրեանց հրաժարեսցեն զերիս աւուրս։ տես, թէ որպէս արժան է քեզ զգաստանալաւ ընդունել ըզնոյն ինքն զհեղինակն օրինաց։ Դու ինքն, տուր ինձ, ով Աստուած իմ, զպատրաստութիւն երկիւղի, սիրոյ և զմաքրութեան։ սրբեա զիս հեղմամբ շնորհաց քոց։

Է. Զմտաւ ած, զի Յիսուս օրէնսդիր մեր, որ կարէր ազատ կացուցանել զինքն յօրինացն՝ զորսեդ՝ ի վերայ մեր, յօժարակամարկ զանձն ընդ նոքօք, որպէս զի իւրով օրինակաւ ուսուսցէ մեղ զհրահանգ նոցին, և զի բարձցէ՝ ի մէնջ

զամենայն պատճառանս աղասո
կացուցանելոյ զանձինս 'ի նոցունց ,
և մերժեսցէ զամենայն հեթեթանս՝
որովք հնարիմքս ամոքել զիսստու-
թիւն նոցին : « Նա ինքն ասաց մեզ ,
« Ոչ եկի լուծանել զօրենս , այլ
ընուլ » : Հայեաց նախ յօրենս և
յառածս աւետարանի նորա , և ա-
պա 'ի գործս և 'ի կենցաղ նորա , և
դտանիցես ամենայն ուրեք հարթ-
հաւասար զուգութիւն : Ամաչեաց ,
'ի կշիռ եղեալ զհաւատարմութիւն
նորա ընդ սխալականութեան քում ,
զեռանդն նորա՝ ընդ մեղկութեան
քում : Մերձեցիր 'ի նա յօժարու-
թեամբ կատարելոյ զամենայն հրա-
մանս նորա : « Պատրաստեցայ և ոչ
խռովեցայ , զի պահեցից զհրամանս
քո » : Պատրաստ եմ անշփոթ և
անխեթ 'ի կատարել զհրամանս քո :

Զկնի պատարագին

Ա . Զմտաւ ած , զի Յիսուս է
դլուիս քո . եկեղեցի մարմին նորա ,

և անդամնորին . « Զնա եղ գլուխ
 'ի վերայ ամ եկեղեցւոյ » : Հայրն
 յաւիտենական ետ զնա իբրև գլուխ
 համօրէն եկեղեցւոյ , որ է մարմին
 նորա : Տես որպէս 'ի Գոհութեանս
 կատարէ զպաշտօն գլխոյ . զի վարէ
 զեկեղեցի իւր , առաջնորդէ նմա ,
 պաշտպանէ նմա , սփուշ զհոդի իւր
 և զշնորհս 'ի վերայ ամենայն ան-
 դամոց իւրոց , կենագործէ զնոսա ,
 և զուգաւորէ ընդ իւր : Ո՞հ , քանի
 մեծ է սպատիւս մեր , լինել անդամ
 սյնքանոյ սրբոյ գլխոյ և փառաւո-
 րելոց , ունել ընդ նմա միութիւն
 անանջատ , որպէս անդամոց ընդ
 մարմնոյն : « Անդամք եմք մարմնոյ
 նորա , 'ի մարմնոյ նորա՝ և յոսկե-
 րաց նորա » . նովաւ ընումք շնոր-
 հօք , նովաւ՝ որ է գլուխ ամենայն
 պետութեանց և իշխանութեանց :
 « Լերուք նովաւ լցեալք , որ է գլուխ
 ամենայն իշխանութեան և պետու-
 թեան » : — Ո՞վ Յիսուս որ ես գլուխ
 իմ , զօրացո զիս հոգւով քով , սրի-
 ուեա զզօրութիւնս շնորհաց և սր-
 բութեան քո 'ի վերայ ամենայն զօ-
 րութեանց հոգւոյ իմոյ :

Բ. Զմանաւ ած, զոր պարտիսդ
Յիսուսի՝ որպէս գլխոյ. մեծարել
զնա, սիրել զնա. և միացուցանել
զքեղ ընդ նմա. ըստ հոգւոյ նորա
կեալ, և յամենայնի հնազանդել
նմա: Քննեա և տես թէ որով օրի-
նակաւ հատուցեր զպարտա քո զայ-
սոսիկ: Ո՛հ, որպիսի կշտամբանաց
չիցես անձամբ անձինդ պարտական
վասն այդոցիկ: Քանիցս անարգե-
ցեր զգլուխ քո զայս: Որպիսի՞ցըր-
տութիւն առ նա. քանի՞ ընդդի-
մադրութիւն առ ոգի նորա. քանի-
պատիկ դրժանիք կանոնաց: Արդ
դարման տար ամենայնի թերու-
թեանցս այսոցիկ: Ո՛վ Յիսուս, պա-
տուեմ զքեղ որպէս զգլուխ. սի-
րեմ զքեղ բոլորով սրտիւ իմով.
զօդեմ զիս ընդ քեղ, որքան է յիս
կար. չկամիմ կեալ բայց միայն քոյ-
ին հոգւով. պատրաստ եմ հնա-
զանդել քեղ յամենայնի. «Պատ-
րաստ է սիրտ իմ առ քեղ Աս-
տուած, պատրաստ է սիրտ իմ»:

ՅԻՍՈՒԽ ՀՈՎԻԻ ՄԵՐ ԵՒ ՀԱՅՐ

Նախ քան զպատարացն

Ա. Զմտաւ ած զսեր հօրն յա-
ւիտենականի՝ ի տալ մեղ զՈրդին
իւր ՚ի հովիւր, առ ՚ի թափել զմեղ
՚ի մախանաց ոսոխաց, առ ՚ի տաշտ-
ուաննել զմեղ ՚ի յարձակմանէ նո-
ցին, առ ՚ի խնդիր ելաննել մեղ, յա-
ռաջնորդել և ՚ի սնուցաննել։ Աքան-
չացիր և տես թէ քանի սիրով վա-
րէ ՚ի մեղ Յիսուս ՚ի խորհրդեան
Գոհութեանս՝ զպաշտօն բարի հո-
վուի. զիա՞րդ ՚ի խնդիր ելանէ մեղ,
որպէս կազմ և պատրաստ է ՚ի տալ
զկեանս իւր վասն մեր։ Իսկ դու-
զի՞նչ առ այս Ո՛վ, քանի յամա-
ռութիւն, որպիսի՛ դրժանիք ՚ հո-
վիւր երկնային, ճանաչեմ զմոլորու-
թիւն իմ. « Մոլորեցայ ես որպէս

զոչխար կորուսեալ, ինդրեան զծառայս քո » : Ընդ առաջնորդութեք հովուիդ բարւոյ, ինձ ինչ ոչ պակասեցէ : Դա եղ զիս յեկեղեցւոյ իրեւե 'ի վայրի դալարւոյ « Ի վայրի դալարւոյ անդ բնակեցոյց զիս » : Գտից 'ի սեղանի աստ զարօտն պարարտ . շնորհեան ինձ միայն, Աստուած իմ, քաղել անտի օգուտս . քաղցրացն զայն 'ի քիմս իմ, և տուր ճաշակել ցանկ նորով փափաղանօք և եռանդեամբք սրտի :

Բ . Զմտաւ ած, զի հովիւն բարի ճանաչէ զիւր ոչխարսն . « Ճանաչեմ զիմսն » . և զի Յիսուս հովիւն քո քաջիկ ևս քան զինքդ ճանաչէ զքեզ : Ի պահու յորում հանդերձեալ ես մատչել 'ի սուրբ սեղանն, տեսանէ և զխորագոյն ծածուկս սրտիդ, զկամս քո, զմիտս, զխորհուրդս, զիղձս, նա և զպատրաստութիս . երկիր, մի գուցէ գտցէ զքեզ սխալեալ 'ի մեղս բազումս, զորոց թերես և ոչ կասկած ինչ եցէ քեզ : Ո՞հ, գարշիմ, Աստուած իմ, յամենայնէ զոր դու յիս 'ի մեզս

Համարիս . սուրբ արտ զիս՝ ի դադտ .
նեաց իմոց մեղաց , Աստուած իմ :
Քննեաւ դարձեալ և զայն եթէ Ճա .
նաչիցես և դու զՅիսուս Քրիս .
տոս՝ որպէս և նայն զքեղ Ճանաչէ .
զի ոչսարք նորա Ճանաչեն զնա » :
Մի արդեօք ոչ կարասցէ հարկա .
նել յերեսս քո , եթէ յորմէ հետէ
քահանայ եղեր և վարիս հանապա .
զօր ընդ նմա , տակաւին չէ քո քաջ
ծանուցեալ զնա : Իսկ եթէ Ճանա .
չիցես զնա ստուգիւ որպէս և էն ,
ուղղեսջիր ուրեմն զվարս քո ըստ
Ճանաչողութեանդ այդմիկ :

Զկնի պատարագին

Ա . Զմանաւ ած , զի Յիսուս՝ ի
Գոհութեանս հայր է մեր Ճշմա .
րիտ . զի յետ ծնանելոյ զմեզ՝ ի կո .
ղէն պատառելոյ՝ ի խաչելութեանն ,
որպէս մայր յարդանդէ , ոչ այլով
իւիք կամեցաւ կերակրել զմեզ .
բայց անձամբն իսկ իւրով . և ետ
քեզ զիւր իսկ զմարմին և զարիւն .

'ի կերակուր հոգեսը՝ հոգւոյ քո
 առ 'ի պահել և աճեցուցանել Ե
 կեանս շնորհաց : Ո՛վ արդարեւ հայ
 բական սիրոյս : Ո՞ւր արդեօք դը
 տաւ հայր դերագոյն՝ և առաւել
 արժանաւոր սիրոյ : Հարք մեր ըստ
 մարմնոյ՝ պարգևեն մեղ զկեանս
 անդամ և թ , կեանս մահացուու
 առիթ անչափ թշուառութեանց
 խել Յիսուս տայ մեղ կեանս մարմ
 նոյ և հոգւոյ , և կերակրէ զմեղ կ
 մարմնոյ անտի խւրմէ : Եւ արդ ոչ
 ճանաչեցես ընդ մարդարէին , զե
 իբրեւ զհայր խանդաղատինա զքե
 յիշեա զմիսիթարական բանսն որ 'ի
 դէսլ գան քեղ . « Որդեակ , դու
 հանապաղ ընդ խս ես , և որ ինչ
 իմ է՝ քո է » : Կարիցես և դու ա
 սել նոյնպէս առ Յիսուս հայրն քո
 Այս , Յիսուս խմ , քո եմ ես զլսո
 վին , և կամիմ լինել հանապաղ ընդ
 քեղ :

Բ . Զմտաւած , զի եթէ Յիսու
 քո հայր է 'ի Գոհութեան , պալ
 է քեղ մատուցանելնմա զպատի
 զսէր և զհլութիւն զոր պարտից

դի առ հայր իւր : Քննեա՛ արդըզ
 եղ յամենայնի յայսոսիկ , և տուր
 կատասխանի առ հարցուածն զոր
 քառնել քեղ 'ի ձեռն մարդարէին
 ԱՄաղաքիայ . « Եթէ հայր եմ ես ,
 սուր է փառքն իմ » : Ո՞ր եռանդն և
 միանձ է քո 'ի հայթայթել ինձ
 կառս : Խնդրիցես արդեօք զշահն
 իմ յառիթս և 'ի գէպս . ո՞ր վստա-
 հութիւն է քո յիս , և որպիսի
 իհակատակութիւն առ իմ կամս :
 Ո՞վ Յիսուս , Ճանաչեմ զքեղարդ
 իհայր իմ , և մատուցանեմ քեղ զա-
 յենայն մեծարանս զոր սկարտիմս :
 ԵԵւ ի՞բր ոչ սիրեցից զքեղ , զքեղ
 ո՞ր այնքան բարիս ինձ չնորհեցեր 'ի
 եանս իմ : Կամիմ կալ քեղ հա-
 ստարիմ , և հնաղանդ լինել մինչեւ
 մահ :

X

ԱԱ

ԱԱ

ԱԱ

Փ

ՅԻՍՈՒԽ ՓԵՍԱՅ ՄԵՐ ԵՒ ԵՂԲԱՅՐ

Նախ քան զպատարացն

Ա. Զմուռած ած, զի Յիսուս հան
գերձ այլովք իւրովք յատկութեք
յորջորջի ևս փեսայ հոգւոց մերոց .
և զի գոլով Աստուած անսահման
փառօք՝ յօժարեցաւ միանալ ընդ
մերումս ցածուն և վատթար բնու
թեան . և զայս արար նախ խորհրդ
դով մարդեղութեանն , և ապա ա
ռաւելութեամբ սիրոյն՝ ընդ որ ան
մարթ է սքանչանալ ըստ արժան
բաւականին , հաճեցաւ և միանալ
ընդ հոգիս իւրաքանչիւր 'ի մէնջ 'ի
ձեռն խորհրդոյ սրբոյ հաղորդու
թեանս . որ և սակա այսորիկ կոչե
ցաւ ընդարձակութիւն մարդեղու
թեան : Արդ ահաւասիկ փեսայն
որ գայ առ քեզ . ել ընդ առաջ նո-

ըա . « Ահա փեսայ գայ՝ արիք ընդ
առաջ նորա » : Պատրաստեա ըզ-
քեղ՝ ընդունել զնա որպէս խմաս-
տուն կուսանքն աւետարանին . և
տես [թէ բորբոքիցիս սուրբ սիրով
օրինակելով՝] լապակը վառեալ :

Բ . Զմտաւ ած , [թէ որպիսիք ի-
ցեն հանդամանք աստուածայնոյս
փեսայի . դեղ նորա գերազանցէ
քան զամենայն մարդոյ . « Գեղե-
ցիկ տեսանելով քան զամենայն որ-
դիս մարդկան » . դողտրիկ է նա
և խանդակաթ քան զամենայն
փեսայ , հաւատարիմ և սերտա-
գոյն , ըստ բանի մարդարէին Ով-
սեայ . « Եւ խօսեցայց զքեղ ինձ
յաւիտեան » : Որպիսիս արդ ազ-
դիցեն տպաւորութիւնս՝] քեղ՝ ա-
ռաւելութիւնք փեսայիդ Յիսուսի .
արասցեն և զքեղ կղկաթ կաթո-
դի : Զգայցես իղձ սաստիկ միանա-
լոյ ընդ նմա . իցէ՞ քեղ նա միայն
հաճոյ : Այլ և դու ինքնին՝ իցէս
նմա հաճոյական . կարիցես վստահ
լինել եթէ ոչ հարցես զնա բնաւ ու-
րեք ընդ սիրա : Այլ թերեւս և ոչ

իսկ վոյթ ինչ ունիցիս զնմանեւ : —
Գուցէ և նա զգուիցի ինչ՝ ի քէն :

Ո՞վ աստուածայինդ փեսայ , հա-
լածեա յինէն զամենայն որ ընդ-
հարցի ընդ աչս քո : Իմ մի միայն
բաղձանք այս են , հաճոյ քեզ լինել
և միանալ ընդ քեզ յաւիտեան :

Զինի պատարագին

Ա . Զմառաւ ած , զի Յիսուս Եղ-
բայր եղե մեզ յառնուլ անդ՝ ի մար-
դեղութեան իւրում զմերս ընու-
թիւն . և յաղագս այսորիկ սուրբն
Պօղոս կոչէ զնա « Անդքանիկն ՚ի
մէջ բաղում եղբարց » : Ո՞վ մեծի
մեր պատուոյ՝ զՅիսուս Եղբայր ու-
նել . բաց՝ ի մեղաց , ՚ի տղիտութենէ
և ՚ի ցանկութենէ , ամենելին իսկ
նման է մեզ . և ըստ սրբոյն Պօղոսի՝
՚ի լինելն մարդ ըստ նմանութեան
մերոյ , հարկ էր նմա անկանիլ ընդ-
կրիւք մերովք և ընդ կարեօք , զի
առաւել ևս վշտակից լիցի տկարու-
թեան մերոյ . « Ուստի պարտ իսկ

էր նմա ամենայնիւ եղբարց նմանել
զի ողորմած լինիցի » : Գնա արդ
ընդ նմա՝ որպէս ընդ եղբօր . մի
զանդիտեր յայտնել նմա զատառա-
պանս քո . վստահ լէր 'ի նա յամե-
նայնի , շնորհս կալջիր նմա զի հա-
ճեցաւ խոնարհեցուցանել զանձն
մինչև 'ի նմանութիւն քո :

Բ . Զմտաւ ած , զի Յիսուս 'ի գո-
հութեանս դարձեալ եղբայր մեր
է սեփական իմն օրինակաւ . զի տայ
մեզ զինքն՝ առ 'ի նմանողս նմա լի-
նել , ոչ միայն բնութեամբն , այլ և
բաղձանօք և մտօք . որպէս զի լինի-
ցիմք , եթէ օրէն իցէ ասել , մի Յի-
սուս Քրիստոս ընդ նմա : — Ո՛վ
Յիսուս , ներգործեա յիս զփոփո-
խութիւնս զայս հրաշալի , որպէս
զի կարող եղէց ասել ընդ սրբոյն
Պօղոսի . « Կենդանի եմ այսուհե-
տե , ոչ ես՝ այլ կենդանի է յիս
Քրիստոս » : Ահա այս է լինել եղ-
բայր Յիսուսի . ունել զնորա հո-
գին , զնորա սիրտ , զնորա խոր-
հուրդս և զիղճս . համարել զամե-
նայն որպէս նայն համարիցի . սի-

ըել զոր նայն սիրիցէ, և առնել ըդ-
կամն Աստուծոյ՝ որպէս նայն ա-
րար. « Որ առնէ զկամն Աստուծոյ՝
նա է խմ եղբայր » :



ԺԱ

ՅԻՍՈՒԽՍ ՎԱՐԴԱՊԵՏ ՄԵՐ ԵՒ ՓՐԿԻՉ

Նախ քան զպատարացն

Ա. Զմառաւ ած , զբարութիւնն
Աստուծոյ , զի յետ մարզելոյ ըզ-
մեղ 'ի ձեռն հրեշտակաց , նահա-
պետաց և մարդարէից , առաքեաց
և զորդին իւր՝ լինել մեղ վարդա-
պետ , կրթել զմեղ յօրէնս իւր և
վարժել 'ի նոսին : Որքան և լուսա-
ւոր իցես մտօք , համարեաց զքեղ
առաջի նորա որպէս աշակերտ կա-
րուտ հրահանգաց , թէպէտ և պարտ
էր քեղ լինել այլոց ուսուցիչ :
Ծանիր զտգիտութիւն քո և զկու-
րութիւն 'ի դործս փրկութեան և
կատարելութեան : Դիմեաւ առ վար-
դապետս աստուածային , և լուր
նմին . « Կմա լուարուք » : « Կա ու-

սուսցէ քեզ զոր ոչն գիտես . բայց
միայն զի ունիցիս հաւատոս և հլու-
թիւն հնազանդելց նմա . « Խօսեաց
Տէր , զի լուիցէ ծառայ քո » . ցոյց
ինձ զՃանապարհո քո , և ուստի ինձ
զշաւիլս քո :

Բ . Զմառաւ ած , զի Յիսուս վար-
դապեան մեր ոչ շատացաւ կրթել
զմեզ բանիւք լոկով , այլ և ինքնին
առնէր՝ զոր կամէրն թէ առնիցեմք
յետ նորա . « Սկսաւ Յիսուս առ-
նել և ուսուցանել » : Գործովք
հաստատէր յամենայն կեանս խոր՝
զոր բանիւ վարդապետէր . նա և
այժմ կրթէ զմեզ օրինակաւ խորով
՚ի սուրբ խորհրդեանս՝ յամենայն
առաքինութիւնս զորս և պատուի-
րեաց : Ո՞վ , քանի՛ այլազգ են Ճա-
նապարհք քո քան զնորայն : Ի խօ-
սելդ՝ արդարեւ վարդապետ երեխա ,
այլ ունիցիս և վարս՝ բանիցդ հա-
մեմատ : Բաղումս պահանջես յայ-
լոց պատրաստութիւնս առ ՚ի հա-
զորդութիւն , խել դու որ միշտ պա-
տարագեսդ՝ որպիսիս ունիցիս :
Քննեամ զսոսին առաջի Աստուծոյ ,

և ասա՞ցանձն քո զոր ինչ և ասեսդ
առ աղաշխարողան եկեալս առ քեզ :

Ո՞վ Աստուած իմ, վարանեալ
տագնապիմ յանձն իմ, տեսանելով
զայնքան բազմութիւն հոգւոց մաք-
րից մերձեցելոց 'ի սեղան քո՝ ա-
ռաւելագոյն սրբութեամբ և եռան-
դեամբ քան զիս • որում սկարտ էր
գերազանցել քան զնոսա 'ի մա-
սինս յայտիկ՝ որպէս և յայլն ամե-
նայն • Տէր, մի թողուր զիս յաւուր
միում դատապարտ լինել յօրինա-
կէ նոցին և յիմոցս բանից :

Զկնի պատարագին

Ա. Զմառաւ ած, զի անունս փըր-
կիչ Յիսուսի միայնոյ վայելէ • և ե-
թէ այլք յառաջ քան զնա կոչեցան
փրկիչք, կարի իմն սկստակաբար
էր այն • քանզի նոքա բազում ինա-
մով և վաստակօք փրկեցին, իսկ
Յիսուս փրկեաց զմեզ զնով կենաց
իւրոց • նոքա զմասն ինչ ժողովր-
դեան փրկեցին, Յիսուս փրկիչ է

ամենեցուն . նոքա 'ի ժամանակեան
չարեաց փրկեցին , Յիսուս ազա-
տեաց զմեղ 'ի յաւիաենիցն չա-
րեաց . նոքա փրկեցին մինչ կենդա-
նիքն էին , Յիսուս միշտ է փրկիչ :
Ազաղակեան ուրեմն վառեալ երախ-
տագիտութեամբ և սիրով , մինչ
ունիսդ արդ 'ի քեղ յինքն զսիրե-
լին քո փրկիչ . « Սա է ճշմարտիւ
փրկիչ աշխարհաց » : — Ո'վ Աստուած
իմ Յիսուս , դու ես ճշմարտիւ փրկ-
իչ , և ոչ այլ ոք . քեւ միայն յու-
սամ փրկիւ . « Զիք այլով իւեք փր-
կութիւն » :

Բ . Զ մտաւ ած , զի թէպէտ և
Յիսուս փրկեաց զքեղ , այլ ունիս
տակաւին պէտս առ 'ի նմանէ փր-
կադործութեան . զի են քո միշտ
մեղք՝ առ 'ի սրբել , պատերազ-
մունք՝ 'ի վանել , փորձութիւնք՝ 'ի
զգուշանալ , և շնորհք 'ի խնդրել :
Արդ առանց արժանեաց փրկչիս
այսորիկ՝ ոչ ինչ կարես առնել , և
միշտ 'ի վանդի կաս կորսաեան :
Խնդրեան վատահութեամբ զօդնու-
թիւն նորա և զպաշտանութիւն .

գոչեաւ՝ ի վիշտս որք շուրջ պաշա-
րեն զմեղ ամենայն ուստեք, «Տէր,
փրկեաւ զմեղ զի կորնչիմք աւասիկ».
կեամք յաշխարհի աստ՝ որպէս ՚ի
ծովու ծփելս ՚ի մրրկաց. եթէ թո-
զուս զմեղ մի ևեթ վայրկեան՝ ան-
դէն և անդ կորնչիմք։ Երկիր յոյժ
՚ի տկարութենէ քումմէ, յուսա-
զամենայն ՚ի Յիսուսէ փրկչէ քում-
մէ. դիր քաջ ՚ի մտի փախչել յառ-
թից մեղաց :



ԺԲ

ՅԻՍՈՒԽ ՀԻՒՐ ՄԵՐ ԵՒ ԹՈՇԱԿ

Նախ քան զպատարագն

Ա. Զմտաւած, զի Աստուած որ
ընակէն յերկինս 'ի մէջ հրեշտա-
կաց և սրբոց, հաճի դալ ընակել
'ի սրտի քում, որալէս հիւր յիւ-
րում տան. դոչեա ընդ մարդա-
րէին. «Ո՞վ է մարդ՝ զի յիշես դու-
զնա, կամ որդի մարդոյ՝ թէ այց
ինչ արասցես դու նմա»։ Զի՞նչ
իցէ մարդ, Աստուած մեծ, զի յի-
շատակաւ անդամ սկատուեսցես
զնա. այլ զի՞նչ և որդին մարդոյ,
այսինքն է արդարն՝ (ըստ խմանալոյ
սրբոյն Օգոստինոսի) զի յօժարես-
ցիս խոնարհել վասն նորա, մինչեւ
ինքնին դալ 'ի տես նորին։ Ես հող
եմ և մոխիր, և բաժին իմ տպա-

կանութիւն և մեղք։ այլ զի այս
պէս կամլա, «Տէր, Եթէ գտի շնորհս
առաջի քո, մի զանց առներ՝ ի ծա-
ռայէ քումմէ» :

Բ. Չմտաւ ած, զի խնամով իմն
վայել է սրբութիւն տանն Աստու-
ծոյ։ զի և Յիսուս նախանձաւոր
գտաւ հանապաղ ունել բնակա-
րանս մաքուրս։ Ընտրեաց զար-
դանդ մաքուր ամենասրբոյ կուսի,
հաստատեաց զնորհուրդն դոհու-
թեան ՚ի մաքրաղարդ վերնատան։
Նա և զինի մահուանն՝ ընարեաց
վարշամակ և գերեզման նոր։ Յուշ
լիցի քեզ և այն, զի առատապէս
վարձս ետ ասպնջականաց իւրոց,
զոր օրինակ սրբոյ կուսին, տանն
Չաքարիայ, հարսանեացն կանայ,
Մագդաղենացւոյն, և զինի մա-
հուանն՝ արդարոցն որ ՚ի դժոխս։
Ո՞վ, ո՞րպէս մեծվայելըութիւն հիւ-
րոյդ և շնորհքն առատազեղք՝ որք
ընդ իւր՝ յորդորեն զքեզ ՚ի պատ-
ճաստել նմա բնակարան արժանա-
ւոր։ Խնդրեա ՚ի նմանէ զի տացէ
քեզ ինքնին զառաքինութիւնս կա-

ըեւորս առ՝ ի յարդարել զսիրտ քո,
զոր ընտրեաց ինքեան՝ ի տապահակ.
« Եթէ ոչ Տէր շինէ զտուն՝ ի նանիր
վաստակին շինողք նորա » :

Զենի պատարագին

Ա. • Զմտաւ ած, զի յաշխարհի
աստ պանդուխտք և անցաւորք եմք:
Երկիրս այս Ճանապարհ է մեղ և
տեղի աքսորանաց. Երկինք են հայ-
րենիք և վախճան մերոց ընթացից.
Խակ Յիսուս տայ մեղ զանձն՝ ի թո-
շակ՝ խորհրդեամբս այսու, առ՝ ի
կազդուրել զմեղ՝ ի պանդխտու-
թեան մերում, և տալ զօրութիւն
հանապազորդելոյ յուղւոջս զմնա-
ցուածս աւուրց կենաց մերոց: Ո՞հ,
թէ քանի՛ պէտս ունէաք այսպի-
սւոյ իմն կարողագոյննապաստի՝ ի նո-
րոգումն ուժոյ մերոյ: Եւ այս ար-
դիւնք են ողորմութեանն Յիսուսի.
Երկեաւ նա արձակել զմեղ անթո-
շակս մի գուցէ նուազիցիսք զՃանա-
պարհայն. « Եթէ արձակեմ զլո-

սա նօթիս . . նքթիցին 'ի ճանապարհի : — Ո'կ սէր Յիսուսի , իցէ ինձ հնար օրհնել և փառաւորել զքեղը ըստ բաւականին : Ծնորհեա ինձ շահել 'ի փրկաւէտ պարգևաց աստի . լեր ինձ 'ի պաշար 'ի կեանս և 'ի ժամու մահուան իմոյ : «Պանդուխտ եմ ես առաջի քո , նժդեհ և անցաւոր , որպէս ամենայն հարք իմ . Ծոյլ արա ինձ՝ զի հանդեայց մինչ չել երթեալ իցեմուստի ոչ ևս դատանիցիմ » :

Բ . Զմտաւ ած , զի ընկալեալ գամ՝ մի զթոշակս զայս սուրբ , արժան է քեզ ընթանալ նորով քաջալերութեամբ , զի յայս խել սակս տուաւ քեզ : Պարտ է քեզ առանց ինչ կասելոյ կամ յետս դառնալոյ՝ յառաջել 'ի ճանապարհի փրկութեան և կատարելութեան , մինչեւ հասանիցես 'ի ծայր ասպարիզին , որպէս արար Եղիա յետ ուտելոյ զհացն առաքեալ յԱստուծոյ՝ 'ի ձեռն հրեշտակին . «Եւ գնաց զօրութեամբ կերակրոյն այնորիկ ըզքառասուն տիւ և զքառասուն զիւ

շեր, մինչև ցլեառնն Աստուծոյ՝ի
Քորէը » : Պարտ էր քեզ վաղա-
դոյն ևս յառաջադէմ գոլ զարգա-
ցեալ՝ի ճանապարհի առաքինու-
թեան, յետ այնքան բաղում ան-
դամ ընդունելոյ զսուրբ զայս ոռ-
ձիկ. և քո դեռ հաղիւ թէ սկիզբն
արարեալ է : Յամօթ լեր առաջի
Աստուծոյ. Երկիր, գուցէ դիշերն
հասցէ՝ի վերայ քո. դիր ջան դար-
մանելոյ զննաս կորուսելոյն :



Ժ.Գ

ՅԻՍՈՒՄ ԲԺԻՇԿ ՄԵՐ ԵՒ ԴԵՂ.

Նախ քան զպատարագն

Ա. Զմուռաւ ած, զլի Յիսուս բժիշկ
է գերագոյն հոգւոց մերոց և մար-
մնոց, որ Ճշդիւ դտակաւ գիտէ զա-
մենայն ախտս մեր. որ կարեկից
լինի մեղ. որ Եկն յաշխարհ առ՝ ի
փարատել զցաւս մեր. և յամենայն
'ի կեանս իւրում՝ փոյթ յանձին
ունէր օգնել հիւանդաց. որ կարէ
և արդ բուժել զամենայն ախտս
մեր զհոգւոյ և զմարմնոյ, եթէ դի-
միցեմք առ նա զօրէն հիւանդացն
աւետարանին, զնոցայն բերելով՝ ի
մեղ զվստահութիւն: Ծանիր զքեղ
առաջի նորա որպէս զհիւանդ՝ որ
մեծապէս կարօտ իցէ օգնականու-
թեան նորին: «Տէր, ահաւասիկ

զոր դուն սիրէիր՝ հիւանդացեալ
է» : Ոչ երկմտխմ, Տէր, ընդ կարո-
ղութիւն քո առ 'ի բժշկել զիս .
« Տէր, Եթէ կամիս, կարող ես զիս
սրբել» : Հաս ինձ վաղվաղակի 'ի
թիկունս, աստուածային բժիշկ
հոգւոյ իմոյ, առ 'ի բժշկել զսա .
« Բժշկեա զանձն իմ, ես մեղայ
քեզ» :

Բ. Զմտաւ ած, զի աստուա-
ծայինս այս բժիշկ, ոչ միայն զիտէ
զախտս մեր և կամի և կարէ բու-
ժել լոկով ևեթ բանիւ, այլ զի և
յինքն երարձ զամենայն զցաւս մեր
և զհիւանդութի . « Կա՝ զհիւանդու-
թիւնս մեր վերացոյց, և զցաւս մեր
երարձ » : Որպէս զի յանձին փոր-
ձոյ ծանիցէ զդեղմն որոց պէտս ու-
նիցիմք, և զի աղդողադոյնս ևս դոր-
ծեսցէ զնոսին՝ յանձն էառ փոր-
ձիլ, պահել, քրտնիլ, վաստակել,
և տիրիլ և հոգալ, և կրեաց կիրս
ըստ ամենայն հոգեկան զօրութեցն
և ամենայն մասամբ մարմնոյն : Ո՛վ
բժիշկ գլժած . Երեւցաւ ոք ուրեք
երբէք քեզ հանգունատիպ, կամ

ո՞ ոք առաւել կարեկից տկարութեանցս մերոց, անձամբ զփորձ առեալ զամենայնի՝ բաց 'ի մեղաց. « Փորձ է ամենայնիւ ըստ նմանութեան, առանց մեղաց » : Եւ զի՞նչ քան զայս յորդորագոյն կայցէ մեղյան 'ի նա վստահանալ. « Մատիցուք այսուհետեւ համարձակութեան առաջի աթուոյ շնորհաց նորա, զի ընկալցուք զողորմութիւն, և գըտցուք շնորհս 'ի դէպ ժամանակի օդնականութեան » :

Զկնի պատարագին

Ա. Զմտաւ ած, զի Յիսուս 'ի գոհութեան ոչ միայն բժիշկ է գերագոյն հոգւոց մերոց և մարմնոց, այլ և տայ մեզ նովիսմբ զինքն 'ի դեղամենայն ախտից մերոց : Չէ նա նըւազեալ յառաջնոյ զօրութենէ անտի իւրմէ. զի եթէ ապաքինէր զախտաժէտս հեռաւորս, որպէս և ըզմերձաւորս՝ այն ինչ մատուցեալ առ ինքն, զի՞նչ ոչ դործեսցէ նա

քեզ, յորժամ բովանդակ իսկ ըզնոյն զինքն ՚ի քեզ կրիցես : « Օքհնեա անձն իմ զՏէր, . . . ո քաւել ըզմեղս քո, բժշկէ զամենայն հիւանդութիւնս քո » : Եւ ուստի է ինձայս, յետ ընդունելոյ յաճախ ըզգեղս զայս՝ անկանել դարձեալ ընդախտիւք : — Ոչ յանհնարութենել դեղոյն է, զի հզօր է ՚նա և ազդու և համաշխարհական, և զբազմաց յայտ յանդիման բժշկէ զախտս . այլ իմ են յանցանքն, ուլԱսառւած իմ, խոստովան լինիմ զայն առաջի քո . առւր շնորհս, զի յետ այսուիկ յօդուտ իմ վարեցայց սովաւ :

Բ. • Զմտաւած, թէ որպէս սպարտ իցէ քեզ զգուշանալ, զի ազդեցէ ՚ի քեզ դեղս այս : Նախ արժան է քեզ տիրապէս փափագել բժշկութեան անձինդ . « Կամի՞ս ողջ լինել » . կամիցի՞ս զայն . առնուցուս արդարեւ յանձն՝ առնել զամենայն, ձեռնամուխ լինել յամենայն, կրել զամենայն, ՚նուիրել զոհել զբոլոր՝ առ ՚ի բուժումն ամբարտաւանութեանդ, ցասմանդ, ադահութեանդ

և ցանկութեանդ : Եթէ այսպիսի
կամս ոչ ունիցիս՝ ոչ իմիք ազգեսցէ
քեզ դեղդ : — Երկրորդ անգամ,
սլարտ է քեզ հաստատութեամբ
դնել՝ի մտի՝ եթէ կարող է նա՝ի
բժշկել զքեզ . քանզի այսպէս և
հիւանդքն աւետարանին ընկալան
զբժշկութիւն ախտից իւրեանց ,
որպէս և յայտ է՝ի բանէս՝ որ լսի
անդ յաճախ , « Հաւատք քո կե-
ցուցին զքեզ » : — Դարձեալ հարկ
է թէ չզուցէ ինչ՝ի քեզ արդելիչ ,
այսինքն մեղք : Բեկուեա զայսոսիկ
՝ի սրախդ , և զգոյշ լեռ զի մի դեղդ
քաջ աղգու՝ փոխիցի քեզ՝ի դեղ
մահու . ինդրեա՝ի Տեառնէ զի ինք-
նին սլատշաճեցուցէ զայն վիրաց
քոյ :

ԺԴ

ՑԻՍՈՒՄ ԽՈՐՀԵԴԱԿԱՆ ՄԵՐ ԵՐ
ՄՏԵՐԻՄ

Նախ քանի զպատարազն

Ա. Զմառաւ ած , զի Եսայի վերա-
ձայնեաց զՅիսուս խորհրդական , և
զի նմա կարի իսկ ախորժելի է լի-
նել այնպիսի 'ի սուրբ Գոհութեա :
Եթէ որդիքն Խորայէլի և 'ի դոյզն
ինչ ծփանս տարակուսանաց հար-
ցանէին զբերան Տեառն առաջի տա-
սլանակի ուխտին , որ յարացոյց
և թէ էր առընթերութեան նորա ,
քանի առաւել հարկ 'ի վերայ կայ
մեղ հարցանել խորհուրդ 'ի Յի-
սուսէ 'ի հաղորդութեան , ուր կայն
իրապէս և դոյացապէս : Ո՞րչափ
պէտս ունիմք խորհրդոց նորա՝ թէ-
պէտ վասն մեր և թէպէտ վասն

այլոց, 'ի պէսպէս դխուռածո՞ որ
մեզն պատահեն։ Ամենայն յանցա-
նաց զորս դործեմք 'ի պաշտաման
մերում՝ պատճառ այն է, զի ոչ
հարցանեմք ստէալ խորհուրդ 'ի
Տեառնէ։ Ե՛թ ապա առ այս հա-
ւատարիմ խորհրդական։ չգտանի-
ցես զայլ ոք իմաստնագոյն, զգօնա-
գոյն, և որ առաւել օդտախնդիր
քո իցէ։ նա է աղբիւր ամենայն
խորհրդոց բարեաց։ « Ես իմաս-
տութիւն բնակեցայ 'ի խորագի-
տութեան։ զխորհուրդս և զդիտու-
թիւն կոչեցի յիս։ իմ է խորհուրդ
և զգուշութիւն, իմ է հանձար և
զօրութիւն »։

Բ. Զմտաւ ած, զի աստուա-
ծայինս այս խորհրդական առ 'ի
թելադիր լինել մեզ՝ երկու ինչ իրս
պահանջէ 'ի մէնջ, հլութիւն և հա-
ւատարմութիւն։ Սկսիր արդ լու-
ծանել զբնակարծիս քո։ հրաժա-
րեա՛ 'ի դատաստանաց քոց, յանձե-
իշխան կամացդ, յամենայն սեփա-
կան մտահաճութեանց, և 'ի մարդ-
կային կարծեաց։ առ 'ի լինելոյ ուն-

կընդիր և առ ՚ի զհետ դալոյ խրա-
տուց Յիսուսի միայնոյ : Ծանիր
իբրև Սոլոմոնն զտգիտութիւն քո,
և խնդրեա որպէս զնա սիրտ հեշ-
տալուր . «Տէր Աստուած իմ, ես
եմ մանուկ փոքր և ոչ գիտեմ զել
և զմուտ իմ . և ծառայ քո ՚ի մէջ
ժողովրդեան քո է՝ զոր ընտրեցեր
ժողովուրդ քո . և տացես ծառայի
քում սիրտ լսելոյ և դատելոյ զժո-
ղովուրդ քո արդարութեամբ , իսե-
լամուտ լինել ՚ի մէջ բարւոյ և չա-
րի » :

Զինի պատարագին

Ա . Զմտաւ ած , զի Յիսուս ՚ի
գոհութեանս քաջիկ ծանուցանէ
մեզ զի է հաւաստեաւ բարեկամ
մեր , որովհետեւ յայնչափ ընտա-
նութիւն խոնարհի ընդ մեզ , մինչեւ
բաժանորդս առնել զմեզ ամենայ-
նի՝ զոր ունի . ամենայնի՝ որ էն .
զի խնամ ածէ պիտոյից մերոց , զի
այ մեզ զգանձս իւր , զի ոչ միայն

առ մեզ դայ, այլ և 'ի մեզ. և այն-
պէս գրկապինդ միանայ ընդ մեզ,
որպէս թէ մի ևեթ լինել ընդ մեզ,
եթէ օրէն իցէ ասել: Բերկրեաց
ընդ երջանկութիւնդ, զի ստանաս
լիովին զՅիսուս, որ է ստուգապէս
քո ջերմ բարեկամ. կենակից լեր
նմին՝ որպէս ընդ դողար մտերմի.
մի ինչ ակն ածիցես առ 'ի նմանէ.
մերկեաց առաջինորա զքո կարիս և
անձկութիւնս. 'ի նմա դացես զա-
մենայն միսիթարութիւնս որովք կա-
րօտիս. ասա ընդ հարսին Երդոց
երգոյն, « Սիրելին իմ ինձ և ես
նմա » :

Բ. Զմտաւ ած, զի խտիր մեծ 'ի
միջի կայ ընդ Յիսուս և ընդ այլ
բարեկամն. ոչ ինչ այնպէս դոյզ-
նագիւտ քան եթէ բարեկամ ան-
կեղծիկ, բարեկամ անշահասէր,
բարեկամ հաւատարիմ և տեօլ:
Քեզէն առւր զիրաւն քոյով սեփա-
կան փորձիւ. յորմէհետէ յաշխարհ
մտեր՝ դաեր ուրեք երբէք բարե-
կամ զոք այսպիսի. ոչ ապաքէն
բազմագոյնք 'ի բարեկամաց սուտա.

Նունք ոմանկք Էն՝ որ սիրեն՝ ի վերին
երեսս, բերանով և բանիւք չափ,
բարեկամք կամակատարք որ ստկեն
մեղ և տածեն զթերութիւնս մեր.
բարեկամք՝ որոց ոգիքն կցեալ են
ընդ մեղ ցորվայր շուք դնեմք նոցա
և կարօղ ինչ եմք օգտամատոյց լի
նել. բարեկամք՝ ըստ բերելոյ ժա-
մանակին և ըստ պատահման, որք
խնդրեն զմեղ՝ ի բարօրութեան, և
'ի ձախողական՝ յուրաստ լինին՝ ի
մէնջ: Առ ինչ ասկա կապիցիս ընդ
նոսին. ընդէր չունիցիս զՅիսուս առ
միակ և միայն քո բարեկամ. Եթէ
երբէք անտեսեաց զքեղ՝ ի կարօ-
տութեան քում. կարիցես երբէք
գտանել զոք ազնուագոյն: — Ո՞վ
Յիսուս, զքեղ միայն կամիմ սիրել
և 'ի քեղ միայն ասլաւինիլ. զայս
դնեմ՝ ի մտի: « Գտի զոր սիրեաց
անձն իմ, կալայ զնա և ոչ թողից »:

ԺԵ

ՅԻՍՈՒԽ ԱՌԱՋՆՈՐԴ ՄԵՐ ԵՒ ԸՆԿԵՐ

Նախ քանի պատարագն

Ա. Զմտաւ ած, զի էջ Յիսուս
յերկնից առաջնորդել մեղզամենայն
առուրս սլանդիստութեան կենաց
մերոց . և ոչ դադարէ յառաջնոր-
դելոյ մեղ և 'ի խորհրդեան գո-
հութեանս յայսմիկ : Հորդեաց նա
առաջի մեր զՃանապարհս Երկնից,
և գիտէ ցուցանել մեղ զնոյն ան-
խոտոր . « Ցոյց ինձ Ճանապարհ
յոր գնացից » . Թերեւս գնաս գու-
ընդ թիւր և ընդ մոլար որ տանին
'ի մահ : « Առաջնորդեա ինձ 'ի շա-
ւիղս սլատուիրանաց քոց, զի ընդ
նոսա հաճեցայ » :

Բ. Զմտաւ ած, զի Յիսուս ոչ
միայն առաջնորդ է քո, այլ և Ճա-

նասլարհ ընդ որ պարտ իցէ քեզ
Երթալ։ Հարցանէր Թովմաս, Տէր
որպէս կարիցեմք գիտել զՃանա-
պարհն՝ ընդ որ մարթ իցէ մեզ գալ
առ քեզ։ Պատասխանեաց նմա Յի-
սուս. «Ես եմ Ճանապարհն . . . ոչ ոք
գայ առ Հայր՝ Եթէ ինչ ինե»։ Ո'վ,
որպէս սուրբ է Ճանապարհդ այդ,
քանի՛ ապահով։ սակայն որպէս
դուն ուրեք գնացեր դու ընդ դա։
Պարտ և արժան է քեզ մտանել
յայդ շաւիլ և ընդ դա խաղալ.
խնդրեած ՚ի Տեառնէ անդանդաղ
զընորհդ, զի քան զայդ չիք այլ հնար
փրկութեան։ «Ընդ իս թէ ոք մը-
տանիցէ, կեցցէ։ մացէ և ելցէ, և
Ճարակ դացէ»։

Զինի պատարագին

Ա. Զմտաւ ած, զի Յիսուս ՚ի
Գոհութեան լինի իմն մեզ Ճանա-
պարհակից. զի թէսլէտ և անմահ
է նա և փառաւորեալ, այլ թուի
դարձեալ յահճն առնուլ զկեանա

ուղեռի, ոչ թէ միայն վերաբերեց
լով առ մի մի 'ի մէնջ՝ զոր վասն հա-
սարակաց ամենեցուն և ասաց և
կրեաց, այլ և ընակելով 'ի մեզ,
այց առնելով ախտացելոցս, և օդ-
նելով կարօտութեան մերում։ Եւ
զի՞նչ քան զայս պատիւ մեծ իցէ
քեզ՝ զՅիսուս ունել ուղեկից։ Ըը-
նորհս կալիքը զերախտեացն. և զի
հաճի նա ընակել ընդ քեզ, այսու-
հետև զամենայն գուն գործեա հա-
ճոյ լինել նմա, և զգոյշ լեր զի մի
երբէք լքեալ թողցէ զքեզ՝ վասն
քոց անգիտութեանց։ « Մի թո-
ղուր զիս տէր Աստուած իմ, և մի
'ի բացեայ առնիր յինէն » :

Բ. Զմտաւ ած, զի որովհետեւ
կամի Յիսուս լինել մեզ առաջնորդ
և ընկերակից, հարկ 'ի վերայ կայ
մեզ երթալ ընդ հետս շաւղաց նո-
րա անստերիւր։ Եւ զի՞նչ զհետ եր-
թալն իցէ Յիսուսի, եթէ ոչ նմա-
նել նմա։ Զի՞նչ իցէ գնալ ընդ շա-
ւղս նորա, եթէ ոչ կեալ որպէս
նայն եկեաց, և որպէս կեայր ար-
դեօք եթէ 'ի մերումն պայմանի կե-

նաց էր գտեալ : — Առնիցեմք և մեք
նոյնալէս : Հանապազօր ընդունիմք
զՅիսուս իբրև զառաջնորդ մեր և
գնամք ընդհանապարհս հակառակս
շաւղին՝ ընդ որ կամի նա առաջնոր-
դել : Եւ այս զլինչ իցէ , Եթէ ոչ
ծաղը առնել զնովաւ : — Ո՛վ աս-
տուածայինդ Յիսուս , Ծող ինձ
զանցեալ հեստութիւնս իմ . « Ե-
կից և ես զկնի քո՝ յոր վայր և եր-
թիցես » : « Տէր , ընդ քեզ պատ-
րաստ եմ և 'ի բանդ և 'ի մահ եր-
թալ » :



ԺՂ

ՅԻՍՈՒՄ ԲԱՐԵԽՈՍ ԵՒ ՀԱՇՏՈՒԹԻՒՆ
ՄԵՐ

Նախ քան զպատարագն

Ա. Զմոռաւ ած, զի Յիսուս միջնորդ մեր եղե՛ի վերայ խաչին, և է խակ յերկինս, և կամի լինել առանձին իմն եղանակաւ՝ի Գոհութեան։ Աստուած է նա նման Հօր, մարդ՝ նման մեզ, վասն որոյ և քաջ գիտէ զերկոսին ևս արգահատել։ Ճանաչէ մերովսանն զմեծութիւն և զծանըութիւն մեղաց մերոց, տեսանէ զպէտս մեր, լսէ աղօթից մերոց։ յաստուածակողմն կուսէ ընծայէ Հօր իւրում հատուցումն պատշաճական, մատուցանէ պատիւ անբաւ և ժամի վասն պիտոյից մերոց։ Ո՛վ, որպիսի փառք, ունել քեզ

բարեխօս այսպիսի առ Աստուած ,
առ անբաւն մեծվայելըութեամբ ,
զոր այնքան թշնամանեցաք : «Եւ
եթէ մեղիցէ ոք , ասէ սուրբն Յով
հաննէս , ունիմք բարեխօս առ Աս-
տուած զՅիսուս Քրիստոս՝ զար-
դարն և զանարատ » : Դիմեա վըս-
տահութեամբ առ միջնորդս եր-
կնային , և գուն գործեա ընդունակ
լինել բարեխօսութեան նորին , և
միացիր մտօք ընդ նմա :

Բ . Զմտաւ ած , զի թէպէտ Յի-
սուս միայն է բարեխօս ընդ մար-
դիկ և ընդ Աստուած , զի նա միայն
կարէ հաշտեցուցանել ընդ մեզ ըդ-
հայր , այլ առանձինն իմն չնորհիւ
հաճեցաւ յանձն առնել 'ի մեզ ըդ-
պաշտօն հաշտութեան , առ 'ի մըշ-
տընջենաւորել յանուն իւր և յար-
դիւնս՝ զպաշտօն միջնորդութեան .
«Ետ մեզ զպաշտօն հաշտութեան » :
Զայս վարեմք սպաշտօն 'ի խորհըր-
դեան ապաշխարութեան , և առա-
ւել ևս 'ի սրբումն սեղանի , ուր
ընծայեմք առ հայրն յաւիաենական
զՅիսուս Քրիստոս զՈրդին իւր միա-

ծին : Ո' , քանի՛ սրբութիւն , քանի՛
եռանդն և զղջումն ոչ պահանջիցէ
առ 'ի մէնջ միջնորդութեանս այս
պաշտօն . և ո՞լքան հեռի եմք 'ի
պատրաստութենէ աստի : Աստուա-
ծայինդ Յիսուս , լցո ղթերութիւն
անարժանութեան իմոյ , հաշտեցո
զիս ընդ հօր քում , մինչեւ իցէ իմ
մատուցեալ յայլոց հաշտութիւն .
առաւել ևս ինձ սկիառյ է քո միջ-
նորդութիւնդ՝ քան ժողովրդեանս ,
զի մեծ ևս են մեղք իմ . և առանց
քո ուստի՞ գտանիցեմ յոյս թողու-
թեան : Զնջեա զնոսա , Աստուած
իմ , որպէս զի ընդունելի լիցի պա-
տարագն զոր ընծայեցից . գարշիմ
մերժիմ ես 'ի նոցանէ յամենայն
սրտէ :

Զկնի պատարագին

Ա . Զմտաւ ած , զի Յիսուս կա-
լողութեամբ իւրով ետ աշխարհի
զխաղաղութիւն , և պահէ զնոյն
խորհրդով Գոհութե , զոր և վասն

այսորիկ իսկ սուրբ հարք իոչեն զօդ
խաղաղութեան, շաղկապ ընդ Աս-
տուծոյ, ընդ ընկերի և ընդ անձին
իսկ : Վայելես արդ՝ի ցանկալի խա-
ղաղութեդ . Յիառւս՝ի սրտի քում
մաղթէ, և աայ քեզ զիսաղաղու-
թիւն՝ զոր ետ աշակերտաց իւրոց
՝ի վերնատանն . « Խաղաղութիւն
ընդ ձեզ » : Ո՞ր քան զայս երանու-
թիւն մեծ կայցէ, խաղաղութիւն
ունել հոգւով ընդ Աստուծոյ : Զիք
պարզե գերագոյն քան զատ . որ ե
ըստ սրբոյն Պօղոսի, « Խաղաղու-
թիւն Աստուծոյ՝ի վեր է քան զա-
մենայն միտս » : Եւ արդ ուրախ լեր
և տուր փառս Աստուծոյ :

Բ . Զմտաւ ած, զի այսպէս գե-
րագոյն և սքանչելի գոլով շնորհի
խաղաղութեան, պարտ է քեզ զա-
մենայն հնարս հնարել առ՝ի պա-
հելոյ զայն : Եւ զի՞նչ հնարքն իցեն :
Առաջին, փախիր՝ի մեղաց, « Զիոչ
գոյ խաղաղութիւն ամպարշտաց » :
Երկրորդ, հնաղանդ լեր յամենայնի
կամացն Աստուծոյ . « Զի ո՞ խստա-
ցաւ ընդ Աստուծոյ և հանդար-

տեաց ո : Երրորդ, կատարեա զա-
մենայն պարտս քո անթերի և ե-
ռանդեամբ . «Զի արդարութիւն և
խաղաղութիւն համբուրեսցին » :
Առաջադրեա զգուշանալ ամենայնի
այսոցիկ : — Այո , Տէր , առ ոչինչ
համարեցայց զամենայն վիշտ և վր-
տանդ , առ ՚ի չկորուսանել զխաղա-
ղութիւն իմ որ ընդ քեզ , և շնոր-
հիւ քով պահեցեց զայն մինչև ՚ի
մահ :



ԺԵ

ՅԻՄՈՒՄ ՎԿԱՅ ԵՒ ԴԱՏԱԽՈՐ ԳՈՐԾՈՅ
ՄԵՐՈՅ

Նախ քան զպատարացն

Ա. Զմտաւ ած, զի Յիսուս վկայ
է ամենայն գործոց մերոց. Քանզի
Աստուած դոլով՝ ամենուրեք է և
տեսանէ որ ինչ անցանէ ընդ մեղ՝ ի
ներքոյ և արտաքոյ. այլ առաւել
ևս վկայ է՝ ի խորհրդեանս. Քանզի
զօր ամենայն յեկեղեցիս մեր կամք
առաջի նորա. անդ կատարեմք զմե-
ծամեծ պաշտամունս մեր, և անդ
ազնուագոյնն՝ ի պաշտամանց անտի
կատարի յերկրապելի անձն նո-
րին՝ ի նուիրական պատարագի :
Եւ այսպէս տեսանէ նա զամենայն
զոր գործեմք և թէ որպէս գոր-
ծեմք։ Վկայ է և այժմիկ յօժա-

բութեանց յոր կասդ : Խոստովան
Եք Ճշմարտութեանս այսմիկ : «Կէն
դանի է Տէք Աստուած զօրութեանց,
Աստուած Խորայելի, որոյ կացի ա-
ռաջի նորա» : — Աստուած մեծ, դու-
տեսանես զներքին իմ, Եթէ իցեմ
բաւական մատչելոյ առ քեզ, Եթէ
իցէ՞ հոգիս իմ մաքուր ըստ արժան
բաւականին, Եթէ ոչ դացես ինչ
'ի նմա՝ որ չիցէ հաճոյ աստուածայ-
նումդ ներկայութեան : Եւ որքան
են ինձ պատճառք ընդ սյս խիթա-
լոյ : Ծանո ինձ, Տէք, զծածկեալն
յիս . որպէս զի խոտան դրեցից զոր
միանդամ անհաճոյն է յաչս քո :

Բ . Զմտաւ ած, զի պատճառ
բազում խոտորնակ զնացից մերոց՝
չհաւատալն է ջերմն հաւատով Ե-
թէ Աստուած տեսանէ զմեզ և կայ
ամենուրեք . և զի յայս սակս կամք
եղեն Յիսուսի զգալի օրինակաւ
մնալ 'ի միջի մերում ընդ սրբագոր-
ծեալ տեսակօք հաղորդութեան
պատարագին : Խակ արդ, յորմէհե-
տէ ընկալաք զիսորհուրդս զայս, մի-
թէ ճանհաջիցեմք հաւաստագոյն ևս

զներկայութիւն Աստուծոյ ամիսութիւնը պատահած է և զուշ մտաց
 մերոց, և կայցեմք հզօրագոյն և եռանդեամբ յեկեղեցւոջ և առաջի
 սեղանոյն։ Ո՞հ, քանի անպատկա-
 ռութիւն, քանի անհամեստու-
 թիւնք և ցրումն մտաց 'ի գործս
 պաշտամանց մերոց։ Համարիցին
 որք տեսանենն զմեղ՝ եթէ հաւա-
 տայցեմք մեք յիսկական առաջի-
 կայութիւնն Քրիստոսի 'ի սուրբ
 խորհրդեանս։ Հատո արդ փոխա-
 րէն ամենայն յանցուածոց զորյան-
 ցեարդ ընդդէմ նորա 'ի խորհր-
 դեանս յայսմիկ պատրաստեա զան-
 ձըն քո ընդունել զնա մեծագոյն
 ևս յարգանօք քան զանցեալն։ «Որք
 Երկնչին 'ի Տեառնէ, ասէ իմաս-
 տունն, պատրաստեսցեն զսիրտս
 իւրեանց և առաջի նորա խոնարհե-
 ցուցեն զանձինս իւրեանց »։

Զկնի պատարագին

Ա. Զմտաւ ած , զի՞նոյն Յիսուս
 որ գալոց է 'ի կատարածի դարուց
 դատել զկենդանիս և զմեռեալս ա-
 հագին լուսով փայլմամբ , և որ սահ-
 մանեացէ 'ի վախճանի կենացս կամ
 զերանութիւնն անվախճան և կամ
 զաղէտս , կայ 'ի Գոհութես յայսմ ,
 որպէս յաթոռ դատաստանի , ուս-
 տի զօր ամենայն կարդայ մեզ վը-
 ճիւս շնորհաց և մահուան , ըստ
 օրինակին՝ որով ընդունիմքս զնա՝
 բարւոք կամ չարաչար . քանզի
 խրատէ զմեզ առաքեալ , եթէ «Որ
 ընդունի զնա անարժանութեամբ՝
 դատաստանս անձին իւրում ուտէ
 և ըմպէ » : Երկիր պադ Յիսուսի 'ի
 հաղորդութեան՝ որպէս դատաւորի
 քում : « Կա է սահմանեալն յԱս-
 տուծոյ դատաւոր կենդանեաց և
 մեռելոց » : Պատկառ կաց ամենայն
 դատաւորական ձրից նորին , իշխա-
 նութեանն , իմաստութեան և ար-

գարութեան նորա . Երկիլը 'ի վրձ
ողն զոր եհատ 'ի վերայ ամենայն
պատարագացն զոր մատուցեր յօլք
քահանայութեանդ և զոր հանդեր-
ձեալդ ես մատուցանել . ընկեա ըլզ
քեզ գլխովլին 'ի ձեռանորա : — «Աս-
տուած իմ , 'ի ձեռս քո է ժառան-
դութիւն իմ » . քեզ յանձն առ-
նեմ զայն . այժմէն առնում յանձն
զոր և սահմանիցես ինձ վասն կե-
նացս , վասն կատարածիս և վասն
յաւիտենականութեան իմոյ :

Ի . Զմտաւ ած , թէ ցորվայր
հասանէ բարութիւնն Յիսուսի դա-
տաւորին քո 'ի Գոհութեանս . ծած-
կէ զամենայն զփառս մեծվայելըու-
թեան իւրոյ , որպէս զի համարձա-
կագոյն ևս մատչիցիս առնա . պատ-
րաստ է լսել քեզ յամենայն ժա-
մու , և կատարել զինդրուածս քո :
Ո՞վ մեծի բաստիդ , ունել քեզ դա-
տաւոր այդքան քաղցր և անյիշա-
չար : Արդ գիտած զօդուտ քո մինչ-
դեռ ժամանակ է շնորհաց և գթու-
թեան , մինչչե իցէ եկեալ օր բար-
կութեան նորա և վրիժուց : Գուն-

դործեա ողոքել զնա , մինչդեռ 'ի
ձեռս քո է : « Տէր մի սրտմտու-
թեամբ քով յանդիմաներ զիս և մի
բարկութեամբ քով խրատեր զիս :
Ողորմեա ինձ Տէր , զի հիւանդ եմ
ես » : Պատժեա զիս որպէս հայր և
մի որպէս դատաւոր . պատժեա զիս
առ 'ի փրկել և մի առ 'ի կորուսա-
նել . հայեաց ընդ յանցանս իմ որ-
պէս ընդ անդիտութիւնս , և մի որ-
պէս ընդ արհամարհանս անբաւդ
մեծվայելութեան . դժա 'ի մեղա-
ւորս որ զողորմութիւն խնդրէ 'ի
քէն : « Աստուած քաւեա զիս զմե-
զաւորս » :



ԺԼ

ՅԻՍՈՒԽՍ ԳԻՒ ՄԵՐ ԵՒ ՎԱՐՁՔ

Նախ քան զպատարագն

Ա. Զմտաւ ած, թէ ո՞ր դին իցէ
հոգւոյ քո, և որքանոյ եղենա Յի-
սուսի: « Ոչ ապականացու արծա-
թեղինօք և ոսկեղինօք փրկեցա-
ըուք, այլ պատուական արեամբն
Քրիստոսի, իբրև անքիծ և անա-
րատ դառին »: Ահաւադիկ դին քո
'ի Գոհութեան աստ: Խորհեա և
տես, ո՞րքան պարտիս զդա մեծա-
րել, և զինչ ինչ առնել վասն Աս-
տուծոյ՝ որ արար քեզ զայդ ամե-
նայն: Եւ չիցէ արդար և իրաւացի՝
նուիրել քեզ նմա զանձն գլխովին
և ծառայել նմա միայնոյ, զնա միայն
փառաւորել ըստ քում կարի, և
իրել զնա պատկառանօք 'ի մարմնի

Քում՝ որ նմա իսկ անկէ : Զայս
այսպէս իմաստասիրէ սուրբ առա-
քեալն Պօղոս ըստ մտաց բանիցս
եթէ « քանզի գնոց դնեցայք, փա-
ռաւոր արարէք զԱստուած՝ի մար-
մինս ձեր » : — Դու պատրաստեա
զհոգի իմ և զմարմին, աստուածայ-
ինդ Յիսուս, որ կամիսդ առնել
զնոսին քեզ՝ի սրբարան և 'ի տա-
պանակ զքոյդ՝ քեզ մատուցանեմ։
Ժառանդեա զդամինչեւ յաւիտեան :

Բ. Զմտաւ ած, զի թէսլէտ զինք
զոր ետ Յիսուս՝ի ստանալ զմեզ,
մեծ յոյժ և շատ իցեն՝ի փրկանս
հազարաց աշխարհաց, սակայն ոչ
զօրիցեն բաւել՝ բայց եթէ ինքնին
'ի մեզ ձգիցեմք զարդիւնս նորին,
արժանապէս մերձենալով՝ի խոր-
հուրդն սուրբ։ Ո՞րքան պէտս ու-
նիմք տակաւին արեանն Քրիստոսի
առ՝ի մաքրութիւն անձանց մերոց։
և քանի՛ ջանից չիցէ մեզ կարեոր՝
առ՝ի վայելելոյ յարդիւնս նորին։
Ո՞չ, ո՞րքան սակաւք իցեն որք յօ-
դուտ արկանիցեն զվաստակս նորա
և զմահ։ Լուր, զիսրդ ամբաստան

լինի՝ ի ձեռն Եսայեայ մարդարէի, և Երկիր զի մի և զքէն իցեն տըրտունջքս . « Զուր ուրեմն վաստակէի տարապարտուց, յոչինչ ետու զզօրութիւն իմ . վասն այտորիկ իրաւունք իմ՝ ի Տեառնէ, և վաստակ իմ առաջի Աստուծոյ իմոյ »: — Ո՞՛ Յիսուս, մի, մի վայրապար վատնիցին վասն իմ դինքս այս անքաւ . մաքրեա զհոդի իմ զօրութեամբ արեան քո պատուականի :

Զկնի պատարագին

Ա. • Զմտաւ ած, զի որ վարձ է հրեշտակաց և սրբոց յերկինս Յիսուս՝ նոյն և քո խակ վարձք է՝ ի հաղորդութեան . խտիր այս միայն է, զի սուրբք դէմ յանդիման տեսանեն զնա յերկինս, խակ դու ընդ քօղով խորհրդեանս : Ո՞վ բարութեանն Յիսուսի, որ տայն մեզ կանխագոյն զվարձս մեր՝ ի հաղորդութեան : Զօրականն ոչ պատկի մինչչեւ քաջ մարտուցեալ . և մշակին ոչ հատու-

ցանեն մինչև նորա գործեալ . իսկ
Յիսուս յառաջէ տալ մեզ զվարձա
մեր . 'ի կշիռ ած զինդութիւն զոր
ունիցիս յերկինս 'ի ժառանդելդ
զԱստուածն քո՝ 'ի քաղցրութենէ
աստի յայսմանէ՝ յոր վայելեսդ
այժմիկ , թէպէտ և ժառանդիցես
զնա թերակատար , ընդ աղօտ և 'ի
ծածուկ : — Ո՞րպէս սիրելի են յարկք
քո , Տէր . ցանկայ և փափաքէ հոգի
իմ լինել 'ի տան Տեառն , և ահա
ոււազի յանձկանաց ըղձից եռան
բանն : Ո՞վ Յիսուս , յետ այնքան
ոււագս ընդունելոյ զքեղ 'ի կեանս
յայսոսիկ , ժառանդեցից զքեղ յա
խտեան 'ի հանդերձեալսն . « Ամե
նայն գործք քո գովեսցեն զքեղ ,
Տէր , և սուրբք քո օրհնեսցեն ըղ
քեղ » :

Բ . Զմտաւ ած , և տես թէ յոր
վայր ժամանէ առատութիւն և մեծ
վայելըութիւն Յիսուսի . զօր ամե
նայն տայ զանձն իւր մեզ 'ի վարձս
դուղնաքեին և փոքուն՝ զոր թէ առ
նեմք ինչ վասն նորա : Եթէ միան
դամ ևեթ յամենայն կեանս մեր

ընդունէաք զնա, տակաւին առաւ-
ւելքան զոր արժէաքս՝ առնուաք .
և ահա Յիսուս հանապազօր տայ
զվարձս մեր, քանիցս անդամ՝ թէ
պատարագիցեմք : Ո՞վ, որսկիսի՝
արժան էր մեղ բերիլ եռանդեամք
'ի պաշտաման նորին . և ոհ, թէ
զիա՞րդ հեղդք եմք և դաղջք : Հա-
զիւ թէ զոր 'ի հարկէն պահանջիմք՝
առնեմք . աւաղ ամօթոյս և կորա-
նաց : « Տուք բարձրելոյն ըստ տրոց
նորա, և առատ ակամք զգիւտ ձե-
ռաց . զի Տէր հատուցանողէ, և
եօթնպատիկ հատուցէ քեզ » :



ԺԹ

ՅԻՍՈՒԽ ԿԵԱՆՔ ԵՒ ՄԱՀ

Նախ քանի զպատարագել

Ա. Զմոտաւ ած, զի Յիսուս կենացնի է աստ՝ որպէս էրն երբեմն 'ի վերայ երկրի և էն այժմիկ յերկինս. և զի կեանքն գործովք յայտնին՝ գործէ նա հանապաղ. մատուցանէ հօրն գոհութիւնս վասն իւր և վասն մեր, առաւելքան զամենայն գոհութիւնն հրեշտակաց և սըրբոց համանդամայն՝ զանցեալն և զապագայ: Խոկայ զմէնջ, Ծախանձի վասն մեր, և տայ մեղ շնորհս առաւելքան զարժանն մեր. և կարէ ասել՝ ի սուրբ հաղորդութեանս զոր ասէր՝ ի տնօրէնութեանն իւրում. « Որպէս առաքեաց զիս կենացնին չայր, և ես կենդանի եմ

վասն Հօր» : Ո՞վ, քանի՛ անարատ
են կեանք Յիսուսի՝ ի հաղորդու-
թեանս սրբում : Երանի՛ էր մեզ
եթէ գոնեայ մերձաւոր իմն նորայ-
ումն լինէին կեանք մեր, որոց ե-
հաս քահանայանալ առ ՚ի յարա-
ձգել զկեանս նորա ՚ի վերայ եր-
կրի : — Ո՞վ Յիսուս, աես և կործ յիս
զայլ ամենայն կեանս, զկեանս ըզ-
դայարանաց, զկեանս կրից, զկեանս
խառնուածոյ բնութեան, զկեանս
խելաց և մտաց . զի կեցից կենօք
հաւատոյ, և աստուածային քո
կենօք :

Բ . Զմտաւ ած, զի Յիսուս որ
կեանք է յաւիտենական՝ որ էն առ
Հօր, որպէս ասէ սուրբն Յովհան-
նէս, և երևեցաւ մեզ՝ ի մարդեղու-
թեան իւրում ընդ քողով մահկա-
նացու կենացս, ՚ի սուրբ հաղոր-
դութեանս յայսմ է աղբիւր ամե-
նայն կենաց և շնորհաց սփուելոց՝ ի
հոգիս : « Տեսաք մեք զնա, ասէ,
Յովհաննէս, լի շնորհօք և ճշմար-
տութեամբ : Երթ ուրեմն առ աղ-
բիւրն առատ՝ զի լցցիս կենօքն շնոր-

Հաց և առաքինութեա , որում այն-
շափ կարօտ ես : Արեա 'ի քեզ զքաղց
կենդանարար և զծարաւ սաստիկ
այսմ արդարութեան , մինչև յա-
գեսցիս և արբեսցի ծարաւ քո . ա-
սա ընդսամարուհւոյն . «Տէր , տուր
ինձ զջուրն զայն , զի մի ևս ծարա-
ւեցից » :

Զկնի պատարագին

Ա . Զմուաւ ած , զի Յիսուս որ
կենդանի է յինքեան և աղքիւր կե-
նաց մեր է 'ի սուրբ Գոհութեանս ,
փոխեցաւ 'ի վիճակ խորհրդական
մահուան՝ ընդ անշունչ աեսակօք
սրբութեանս , զի առաւել ես պա-
տուեսցէ զհայրն , և սէր մեծագոյն
մեզ ցուցցէ . մինչև Ճահագոյնս ա-
սել նմա քան սրբոյն Պօղոսի , «Հա-
նապազ մեռանիմ» : «Նա վասն քո
մեռաւ 'ի վերայ սեղանոյն . դու
զի՞նչ առնեցես 'ի հատուցումն : Ե-
թէ և հազար կեանս ունէիր , ոչ
ապաքէն պարտ իսկ էր քեզ հան-

գերձել նուիրել նմա զամենայն :
Արդ դոնեա դիր՝ ի մտի՝ ի սպասու
նորին վարել զայն, 'ի նորա փառս
և յընկերին փրկութիւն : — Ո՛վ Յի-
սուս, չեմ արժանի կրել զմարտի-
բոսութիւն վասն քո, որսէս բա-
զումք՝ ի սրբոց արարին, այլ կա-
միմ տանել ամենայնի վասն քո .
« Յանկամ ելանել՝ ի մարմնոյս և
լինել ընդ Քրիստոսի » :

Բ. Զմտաւ ած, զի Յիսուս փո-
խեցաւ յայս վեճակ մահու, զի իւ-
րով օրինակաւ ուսուսցէ քեզ կեալ
որսէս զմեռեալ . այս է՝ զերծ՝ ի
կապանաց աշխարհի և անձին . ա-
ռանց ինչ գորովաբար փարելոյ զա-
բարածովք : Յայս միտս արժան է
քեզ հռչակել զմահն Յիսուսի յա-
մենայն նուագս հաղորդելոյ քոյ .
« Քանիցս անդամ թէ ուտիցէք ըզ-
հացս զայս և զբաժակս ըմակիցէք,
զմահն Տեառն սպատմեցէք » : Ո՛հ,
որքան հեռի ես՝ ի պայմանէ աստի
մահու՝ յորում՝ ի դէպ էր քեզ լի-
նել : Յիշեա զբանն Տեառն զոր ա-
սաց . « Եթէ ոչ հատն ցորենոյ ան-

կեալ յերկիլը մեռանիցի՝ ինչքն միայն
կայ . ապա եթէ մեռանիցի , բա-
զում արդիւնս առնէ » : — Ո՞վ Յի-
սուս , տուր ինձ զշնորհս մեռանե-
լոյ աշխարհի և անձին , աչս ունել և
ոչ տեսանել , ականջս և ոչ ինչ լսել .
տանիցել զզգայութիւնս և զկիրս
ճգնութեամբ , զի նմանող եղեց
մեռունակ կենաց քոց :



ՅԻՍՈՒԽՍ ՍՆՈՒԽԴԻ ՄԵՐ ԵՒ ՇՆՈՐՀԱ

Նախ քանի զպատարացն

Ա. Զմտաւ ած, զի Յիսուս կամի սնունդ մեր լինել՝ ի Գոհութեան, առ ՚ի տածել և պահպանել զատուածեղէն կեանս որ տուաւ մեզ. քանզի տուաւ մեզ հոգին սուրբ առ ՚ի բնակել՝ ի մեզ և լինել կեանս հոգւոց մերոց: Արդ առ ՚ի պահել զԱստուած, պէտք են մեզ Աստուծոյ. զի ոչ է մարթ Աստուծոյ կերակրիլ՝ եթէ ոչ ինքեամբ: Վասն այսորիկ իսկ ասաց Յիսուս ՚ի ձեռն Յովհաննու, եթէ եկն՝ «Զի ըդկեանս ունիցին, և առաւել ևս ունիցին»: այսինքն է, եկն յաշխարհ ՚ի տալ մեզ զառաջին կեանս՝ քառութեան մեղաց. և դայ դարձեալ

Խորհրդով հաղորդութեան՝ առ ՚ի
Դարմանել և աճեցուցանել զառա-
ջնազայն կեանս զոր ետն մեղ : — Ո՞վ
իմաստութիւն Յիսուսի , ովքարու-
թիւն Յիսուսի , որ այսքան սքան-
չելապէս մատակարարէ մեղ կերա-
կուր հոգւոյ : Քանի՛ մեծարանօք
չիցէ ինձ օրէն ընդունել զսրբազանս
զայս կերակուր . այլ և քանի՛ մտք-
րութեամբ սրտի , ըստ սրբոյն Պօ-
ղոսի : «Փորձեսցէ մարդ զանձն իւր ,
և ասկա ՚ի հացէ անտի կերիցէ » :

Բ . Զմառաւ ած , զի կերակուրս
այս աստուածային՝ ներգործէ ՚ի հո-
գիս մեր զարմանալիս մեծամեծս ե-
թէ ընդունիցիմք որսպէս և արժանն
է : «Սախ , յօդէ զմեղ սերտ ընդ Յի-
սուսի , ըստ քանին Յովհաննու , թէ
«Որ ուտէ զմարմին իմ և ըմպէ
զարիւն իմ , յիս ընակեսցէ և ես ՚ի
նմա » . Երկրորդ , սլահէ և յաւե-
լու զկեանս հոգւոյ և զընորհս . Եր-
րորդ , մեռուցանէ զախտս մեր , և
ախորժելիս գործէ մեղ զաստու-
ծոյսն : Տես եթէ աստուածայինս
այս կերակուր՝ ներգործեամց և ՚ի

Քեզ զայս ամենայն . մի՛ գուցէ և ոչ
մի ինչ յայդցանէ քաղեցեր դռ
մինչև ցայսօր : Եթէ այսպէս իւէ ,
դիտասաջիր առանց ինչ երկբայելոյ ,
զի ընկալեալ ես զնա անբարի պատ-
րաստութեամբ , առանց ըղձակաթ
սիրոյ և յօժարութեամբ առ մեղս
ինչ : — Ո՞վ Աստուած իմ , մի՛ սար
հասանել յիմ վերայ այսքանոյ ա-
զիտիս . տուր ինձ աճել շնորհօք և
առաքինութեամբք՝ ըստ յաճախ
ընդունելութեան իմոյ զսրբազանս
զայս կերակուր . զոր և խնդրեմ 'ի
քէն այսօր այնու փափագանօք՝ ո-
րով քաղցեալ ոք և սովեալ խնդրի-
ցէ զոգեպահիկն . « Զհաց մեր հա-
նապազորդ՝ տուր մեզ այսօր » :

Զկնի պատարազին

Ա . Զմտաւ ած , զի այս խտիր է
ընդ Գոհութիւն և ընդ այլս 'ի խոր-
հըրդոց , զի նոքա ածեն շնորհս և եթ
պատահականս , զելմունս և զեղ-
մունս զառաջին շնորհացն . իսկ հա-

լորդութիւն ունի յինքեան զիսկա-
կան շնորհս , զհեղինակ և զլրումն
ամենայն շնորհաց՝ զՅիսուս Քրիս-
տոս , զտէրն մեր , զՃշմարիան Աս-
տուած և զՃշմարիա մարդ . « Ի՞նմա ,
ասէ առաքեալն Պօղոս , բնակէ ա-
մենայն լրումն աստուածութեանն
մարմնապէս » . այսինքն է՝ Էապէս ,
և ոչ առերևոյթ ինչ տեսլեամբ ,
կամ շնորհաց ևեթ բնակելով 'ի
նմա : Ո՞հ , քանի՛ մեծ է բաղդ քո ,
զի բերես 'ի քեզ զտուիչն շնորհաց
էապէս : Հատո նմա զալաշտօն քո
և զերկրապագութիւնս . հայցեա 'ի
նմանէ որբել զքեզ , և տալ քեզ
շնորհս՝ ըստ կարօտութեան քում
և ըստ սրբութեան կարգի քում :

Բ . Զմատաւ ած , զի յընդունելք
զՅիսուս , զտուիչն շնորհաց , բնկա-
լար զաղբիւր իսկ ամենայն շնորհաց .
զարբոց առաքելոց , մարտիրոսաց ,
խոստովանողաց , կուսանաց , քա-
հանայից և ապաշխարողաց . և զի
զայդ ամենայն ժառանգէս 'ի Յի-
սուս : Ո՞վ , որսկիա՞ առատութիւն ,
քանի՛ ճոխութիւն անճառելի : Եւ

ես զիարդ այսպէս սակաւս օգտեց
 յայ անտի : Ընդէլը չունիցիմ ես զնա-
 խանձ առաքելոց , զհամբերութիւն
 և զարիութիւն մարտիրոսաց , զհո-
 ւատս խոստովանողաց , զմաքրու-
 թիւն կուսանաց , զերկիւղ սուրբ
 քահանայից , զմեռուցումն սրբոց
 ապաշխարողաց , մինչ ընդունիմն
 յաճախակի զտուիչն և զաղբիւր
 ամենայն առաքինութեանցս այսո-
 ցիկ : — Ո՞հ , Տէր , հոգի իմ առաջի
 քո կայ որսկէս երկիր անջրդի .
 « Անձն իմ որսկէս երկիր ծարա-
 ւի է առ քեզ » : Ամաչեմ ես .
 յանցաւոր եմ ես . օրինակք սրբոց
 քոց դատապարտ առնեն զիս , զի
 առաւել քան զիս հաւատարիմք
 եղեն շնորհաց քոց . այլ ես որքան
 աղքատ եմ յառաքինութեանց՝ այն-
 քան և պէտս ունիմ շնորհաց : Լցցի
 հոգի իմ շնորհօք , յադեսցի և պա-
 րարեսցի . և բերան իմ օրհնեսցէ
 զքեզ ցնծութեամբ սրբով :

ԻԱ

ՅԻՍՈՒՍ ԱՊԱՍՏԱՆ ՄԵՐ ԵՒ ՅՈՒՍ

Նախ քանի զայտարագն

Ա. • Զմտաւ ած , զի Յիսուս 'ի
Գոհութեանս ապաստան մեր է .
և որպէս 'ի Հնումն հաստատեալ
էր Աստուծոյ յԽարայելի քաղաքս
ապաստանի՝ յապաւինութիւն յան-
ցուցելոց , և առ 'ի կալ յապահովի
յերեսաց թշնամեաց իւրեանց , նմա-
նապէս կարգեաց և Յիսուս զիսոր-
հուրդս զայս 'ի նորումս՝ լինել մեզ
տեղի ապաւինի 'ի թշնամեաց որ
շուրջ պաշարեն զմեզ : — Այո , Աս-
տուած իմ , դու ես ապաւէն իմ 'ի
տառապանս՝ յոր ըմբռնեալս եմ .
'ի քեզ գտից զԱստուածն իմ պաշտ-
պան և ամուր փրկութեան իմոյ .
« Լէր իմ , Աստուած , պաշտպան

և տուն ապաւինի ասլրեցուցանել զիս. զի հզօրիչ իմ և ապաւէն իմ դու ես » : Առանց քո՝ աշխարհ, մարմին և սատանայ, թշնամիք իմ՝ յաղթանակեցեն 'ի վերայ տկարութեան իմոյ . իսկ յեցեալ յօդնութիւն քո՝ ժախմ տեսել ամենայնի . « Քեւ փրկեցայց 'ի փորձութենէ . Աստուծով իմով անցից ընդուարիստու » :

Բ . Զմառաւ ած, զի Յիսուս 'ի գոհութեանս է ապաստան մեր և յերեսաց բարկութեան չօր իւրոյ . զի հաշտ առնէ զնա զենմամբն իւրով, և յարաժամ պատարագաւն լինի բարեխօս և միջնորդ վասն մեր : « Աէմբ ապաւէն նապաստակաց » . Քրիստոս ինքն վէճն և ապաւէն մեղաւորաց դիղացելոց խռուացելոց մեղօք : Քանիօն չիցեմք բարեբաղդք զայտպիսի ունելով մեղ ապաւէն անկասկած : Համար, դիմեսցուք առնա լի հաւատով, ծածկեսցուք ըզմեղ 'ի ծերպս վերացնորին . մի զանդիտեսցուք ընաւ հուստ մատչել առնա, թէ և կարի յոյժ մեղաւորք իւ

ցեմք, զի ինքնին հրաւեր կարդայ
մեղ մատչել առ ինքն։ «Եկայք առ
իս ամենայն աշխատեալք և բեռ
նաւորք, և ես հանգուցից զձեղ»։
Եւ արդ ես յու եղէց ապաստան,
Յիսուս իմ, եթէ ոչ 'ի քեզ։


Չեմի պատարացին

Ա. Չմտաւ ած, զի Յիսուս է
միակ յոյս մեր'ի Գոհութեան։ ինքն
է աղքիւր ամենայն բարութեանց,
շնորհաց և փառաց։ և զի առանց
արդեանց նորին՝ ընդունիմք և ոչ
ինչ։ Կա ինքն կամի և կարէ օգնել
մեղ։ Խոստացաւ և հաւատարիմ
է 'ի խոստման իւրում։ այս առաւ
ելութիւնք են՝ զորս չիք երբեք
դաշնել յարարածս։ Յո՞ կարից ես
հաստատել յապահովի զյոյս քո՝
եթէ ոչ 'ի նա։ Ընդէր յենուս 'ի
բազուկ մարմնեղէն։ Եւ զի՞նչ հա-
տուցին քեզ մինչեւ ցայժմ ամե-
նայն ակնկալութիւնք մարդկայինք։
Ի՞մ իմիք յուսայցես յաշխարհէ,

'ի մեծամեծաց և 'ի մտերմացդ . ոչ
ամենեքին նոքա 'ի չեք դարձցին 'ի
միասին և բարձցին յերկրէ : Ո՛հ ,
զե՞ բարի է տալ զանձն Աստուծոյ ,
քան դնել զյոյս իւր 'ի մարդ մահ-
կանացու . «Բարի է յուսալ 'ի Տէր՝
քան յուսալ 'ի մարդիկ » : Ի քեզ
միայն , Յիսուս իմ , 'ի քեզ միայն
դնեմ զամենայն զյոյս իմ և յայսմ
աշխարհի և 'ի հանդերձելումն . յոր
վիճակ և գտից զանձն իմ , միշտ 'ի
քեզ կացից ապաստան :

Բ . Զմառաւ ած , զի թէպէտ և
Յիսուս իցէ բովանդակ յոյս մեր 'ի
Գոհութեան , այլ սակայն կամի զի
գործեսցուք և մեք զամենայն՝ զոր
պարտիմքս առ 'ի լինել արժանիս
պաշտամանութեան նորին : Ազաշես-
ցուք զնա , գործեսցուք զբարիս ,
լիցուք հաւատարիմք 'ի պարտս մեր .
և 'ի վերայ ամենայն ջանից և վաս-
տակոց՝ ծանիցուք զմեզ ծառայս
անպիտանս . ապ' եթէ ոչ 'ի զուր
և սնոտի է ամենայն յոյս մեր և
ակնկալութիւն . «Յուսա 'ի Տէր , և
արա զքաղցրութիւն , և բնակեաւ

յերկրի՝ և հովուեսցիս՝ ի մեծութեան նորա » : Մատո գոհութիւնս զամենայն բարեացն՝ զոր ընկալար՝ ի նմանէ . ակն կալ և այնմ ամենայնի՝ զոր խոստացաւ քեզ . և առ՝ ի լինել արժանի նոցունց՝ դիր հաստատապէս՝ ի մտի՝ շնորհօք նորա ջամենայն զօրութէ քումմէ:



ԵԲ

ՅԻՍՈՒՄ ԳԱՆԶ ՄԵՐ ԵԿ ԲԱՐՈՐՈՒԹԻՒԽՆ

Նախ քան զպատարացն

Յ. Գմուաւ ած , զի Յլուս ՚ի
Գոհութեան՝ գանձ է ստուդապէս
ծածկեալն յագարակի , զորմէ ճա-
ռէ յաւետարանն . քանզի բովան-
դակէ յինքեան զամենայն լրմունս
ածայինս , զամենայն լաւութիւնս և
զամենայն արդիւնս երկրագելի
մարդկութեանն Փրիատոսի . զամե-
նայն մեծութիւնս շնորհաց , զամե-
նայն պարգևս Հոգւոյն սրբոյ , թէ
պէտ և զակար տարերս հացին և
դինոյ միայն տեսանիցեմք մէք : Ե-
թէ քաջ ՚ի վերայ հասեալ իցես
Ճշմարտութես այսմիկ , չկայ չմնայ
ինչ զոր չիցէ քեզ արժան տալ առ
՚ի ստացուած մեծագնի գանձուս՝

որպէս և տեսանեմք յաւետարանի
զգտող դանձու, որ վաճառեաց զա-
մենայն զոր ունէրն՝ առ ՚ի զնել
զայն։ Յայս միտս էր և Պօղոս։ աղէ
խորհրդագրած լեր և զոյդ ընդ նմին
ասա անկեղծ մտօք։ « Յամենայնէ
զրկեցայ և համարիմ կղկղանս, զի
դիրիստոս շահեցայց » :

Բ. Զմտաւ ած, քանի խնդու-
թիւն լինի մարդոյ որ գտանիցէ
գանձ։ որպիսի ժրութեամբ բառ-
նայ զայն, քանի խնամօք ծածկէ,
և որքան խիթայ ընդ կորուստ նո-
րին, և որպէս անդուլ զայնմանէ
խոկայ։ « Ուր գանձն ձեր է, անդ և
սիրտք ձեր եղիցին »։ Քննեա արդ
և տես եթէ իցէ՞ սիրտ քո ՚ի հա-
զորդութեանս, եթէ իցէս առլցեալ
նովաւ, եթէ փափաքիցէս այնոմ
միայնոյ։ Ո՛չ, քանիօն ցրտութիւն
և անփութութիւնն է ՚ի քեզ։ Թե-
րես սիրտ քո իցէ յաշխարհի, ՚ի
հեշտութիւնս, ՚ի պատիւս, ՚ի մե-
ծութիւնս։ գուցէ ոչ յայլ ինչ այն-
պէս խնամով հոգայցէս՝ որպէս ՚ի
կուտել գանձս ապականելիս, զոր

գողք կարեն գողանալ . որպիստ
անմտութիւն : Օ՞ն , խնդրեա այ
սուհետև զգանձն անսպառելի , որ
ոչ յաւելու և ոչ նուազի . « Գանձ
անսպակաս » : Խնդրեա զՅիսուս
Քրիստոս և ասա ընդ սրբոյն Խցիա
տեայ , զՔրիստոս միայն վայելեցից
Յիսուս , զքեզ ևեթ խնդրեմ , այլ
իմիք չէ ինձ սկիտոյ :

Զկնի պատարագին

Ա . Զմտաւ ած , զի ընկալար ՚ի
սրբում պատարագի՝ զՅիսուս ըզ
նոյն , որ ընդ Հօր և Հոգւոյն սրբոյ
անօրինել յերկինս զամենայն երա-
նութիւն հրեշտակաց և զսրբոց . որ
բարեբաստսառնէ զՀոգիստեսլեամբ
աստուածութեն իւրոյ , և զմարմինս՝
մարդեղութե իւրով . և ըստ այսմ
սարասի նա ինքն է երջանկութիւն
մեր գլխովին . քանզի առիթ է էա-
կանի և գերագունի մերոյս երա-
նութեան : Մուտ յուրախութիւն
հրեշտակացն և սրբոց , միացիր ընդ
նոսա 'ի փառաբանութիւն և յեր-
կըրպագութիւն , 'ի սեր և 'ի շնոր-

Հակալութիւն . « Օրհնեցէք զտէր
յերկնից , օրհնեցէք զնա 'ի բար-
ձանց . օրհնեցէք զնա ամենայն հրեշ-
տակը նորա . օրհնեցէք զնա ամե-
նայն զօրութիւնիք նորա » :

Բ . Զմառաւ ած , զի Յիսուս 'ի
Գոհութեան՝ ոչ միայն երանութիւն
է մեղ՝ 'ի յաւիտենականութիւն
ոնդը , այլ և յառօրէիս յայսմիկ :
Քանզի նա ազատէ զմեղ յամենայն
աղիակից մերոց , և լնու զմեղ ամե-
նայն բարեօք , նա միայն բաւական
է լնուլ զամենայն իղձս սրտից մե-
րոց : Ծանիր զմոլորութիւն կենցա-
զասէր մարդկան , որ գնեն զամե-
նայն բարօրութիւնս իւրեանց 'ի
հեթեթանս . « Երանեցից ժողովր-
դեան՝ որոց այս այսպէս է » : Բա-
րեբաստիկ համարին զընչեղս , զբար-
ձրացեալս պատուվէք , և զօրա-
ցեալս հեշտութեամբէք : Քանի՛ խա-
բին նոքա , Աստուած իմ : « Երանի՛
ժողովրդեան՝ որոյ տէր Աստուած
է նոցա » : Զուարձացիր ընդ այս-
ովիակս մեծ բարերջանկութիւն , և
ուահեա զդա առաւել քան զամե-
նայն գանձս աշխարհի :

իգ.

ՅԻՍՈՒՄ ՓԱՌԻՔ ՄԵՐ ԵՒ ԽՆԴԱԿԹԻՒՆ

Նախ քան զպատարացն

Ա. Զմտաւ ած, զի չկը մեղ և ոչ
մի տեղի պարծելոյ յանձինս մեր.
զի ոչ ինչ եմք, ոչ ինչ ունիմք, ոչ
ինչ դիտեմք, ոչ ինչ կարեմք. «Վա-
սրն անձին ինչ ոչ պարծեցայց»,
ասէ առաքեալն մեծ: Այլ որչափ
արժան իցէ մեղ խոնարհել վասն
աղքատութեան մերոյ, նոյնչափ և
օրէն է պարծիլ՝ ի Քրիստոս Յիսուս.
Քանզի նա արար զմեղ ամենայնիւ
որ ինչ եմքն, և նովաւ զամենայն ըն-
կալաք. զի նա է Աստուած մեր և
մեք ժողովուրդ նորա. ինքն գլուխ
և մեք անդամք նորա. նա քահա-
նայապետ և մեք պաշտօնեայք նո-
րա. մեծութեան նորա ոչ գոյ չափ,

և զիա պաշտէ ամենայն երկիր . թա-
դաւորք յերեսս անկեալ երկիր պա-
դանեն նմա , և մէք առընթեր ու-
նիմք զնա : Այո , Տէր , դուես փառք
իմ . ամենայն ուրեք ոչ ինչ գտա-
նեմ եթէ ոչ զոր արհամարհել ար-
ժան է , և յորմէ ունիմ խոնարհել :
Որպիսի փառք են ինձ մատչել 'ի
սեղան քո իբրև զպաշտօնեայ :

Բ . Զմտաւ ած , զի Յիսուս Քրիս-
տոս է փառք մեր՝ ոչ միայն 'ի ճա-
ճանչ աստուածութեան իւրոյ , 'ի
գերահրաշ լաւութիւնն , 'ի սքան-
չելիս , 'ի պարտութեան թշնամեաց
իւրոց և 'ի փառաւորեալ խորհուր-
դըս իւր , այլ և 'ի նուաստութեան
մարդեղութեան իւրոյ , յաղքա-
տութեանն , 'ի տառապանսն զորս
ընկալաւ , 'ի վշտակրութիւնն , 'ի
մահն խաչի՝ զոր ճաշակեաց վասն
մեր ամենեցուն : Ապա ուրեմն ա-
սասցուք ընդ նախանձաւոր Առա-
քելոյն . « Ինձ քաւ լիցի պարծել՝
բայց միայն 'ի խաչն Տեառն մերոյ
Յիսուսի Քրիստոսի » . քանզի խո-
նարհութիւնք նորա աղբիւր են

փառաց նորա և մերոցս : Պարծես
ցուք նա և յայն՝ զի ժուժամբ առ
սէր Յիսուսի արհամարհանաց , հա-
կառակութեանց , աղքատութեան
և այլոց կարեաց աստի կենացս :
Մերձեսցուք առ սեղանն այսպիսի
մտօք :

Չենի պատարագին

Ա . Զմտաւ ած , զի Յիսուս որ
է ամենայն փառք մեր 'ի Գոհու-
թեան , է ևս խնդութիւն մեր բովան-
դակ . քանզի նա ինքն է որ ուրախ
արար զմարգարէս և զնահապետս՝
յայտնելովնոցա զհանդերձեալգա-
լուստ իւր . ըստ այնմ զոր առ հր-
բեայսն ասաց . «Աբրահամ հայր
ձեր ցանկացաւ տեսանել զօր իմ ,
ետես և ուրախ եղե » : «Նա ինքն է
որ բերկրեցոյց զկոյսն սուրբ՝ յոր-
ժամ զգեցաւ մարմին յարգանդի
նորա . նոյն ինքն՝ զորոյ զծնունդ աւե-
տարանեցին հրեշտակը իբրև պատ-
ճառս ուրախութեան մեծի . նոյն

ի՞նքն՝ զոր յետ յարութեան նորա
տեսին առաքեալքն խնդութեամբ
բազմաւ։ Մուտ ուրեմն 'ի հասա-
րակաց ուրախութիւն անդր, որով
հետեւ ստանաս զնա։ Հաճի նա բնա-
կել 'ի քեզ, հաճեաց և դու կալ
ընդնմին։ — Ո'վ Յիսուս իմ, դու ես
ամենայն ուրախութիւն իմ 'ի վե-
րայ երկրի։ « Լաւ է ինձ մի օր 'ի
գաւիթս քո, քան զհազարս »։ Ու-
րախութիւնսարհի խարէպատիր է,
չարայօժար և դիւրանցուկ ։ Խակ այն
զոր դու, Աստուած իմ, չնորհես
մեզ, միշտ անապակ է, միշտ սուրբ,
միշտ հաստատուն։ Ուրախ եղէց և
ցնծացայց 'ի քեզ։

Բ. Զմանաւ ած, զի Յիսուս 'ի
Գոհութեանս ուրախ առնէ զմեզ
ակնկալութեամբն ժառանդելոյ մեզ
զնա յերկինս։ « Յուսով խնդա-
ցէք »։ Ո'հ, որպիսի ուրախութիւն
իցէ սրբոցն՝ որ վայելեն այժմ զե-
րանութիւնս զայս։ որպիսի ուղիսք
փափկութեան արբեցուցանեն զնո-
սս։ Քանիօն և մեզ խակ ուրախ լի-
նել հասանիցէ, յորժամ ազատեալ

'ի մարմնոյ աստի մահու՝ տեսանի-
 ցեմք զԱծն մեր երես առ երես :
 Իցէ՞ թէ վասն այսորիկ բերկրիցիմք
 յառաջագոյն . միսիթարիցէ՞ արդեօք
 զմեղ 'ի նեղութեան մերում ակըն
 կալութիւնս այս , և իցէ՞մք առաւե-
 լեալ 'ի զօրութեան և յեռանդեան :
 Այս այն առիթ էր ուրախութեան՝
 զոր բազում անդամ Յիսուս մա-
 տուցանէր աշակերտաց իւրոց .
 «Տրտմութիւն ձեր յուրախութիւն
 դարձցի » : Բերկրեաց և տուր նշան
 զուրախութեան քո . մեծամեծ վար-
 ձուց հատուցմունք սկահեալ կան
 քեղ յերկինս : Հապա , ստէալ կաց-
 ցուք 'ի խոկմանս յայսմիկ . յարուս-
 ցուք 'ի մեղ զաստուածայինս զայս
 ակնկալութիւն՝ յորմէհետէ ունիմք
 զառհաւատչեայ նորա : — Ո՛վ Յի-
 սուս , լեր իմ ուրախութիւն յեր-
 կինս , որպէս եսդ 'ի վերայ երկրի :

ԻԴ

ՅԻՍՈՒԽ ԺԱՌԱՆԳՈՒԹԻՒՆ ԵՒ ԱՄԵ
ՆԱՅՆ ԻՆՉ ՄԵՐ

Նախ քան զպատարագն

Ա. Զմտաւ ած, զի եթէ Աս-
տուած՝ ի հնոււմն ասէր զինքն լինել
Ժառանգութիւն պաշտօնէից իւրոց,
« Ես եմ բաժին քո և Ժառանգու-
թիւն » . Քանիօն առաւել Յիսուս
Քրիստոս իցէ մերս . զի սրբագոյն
քան զՀրէիցն եղաք դաշն ընդ նմա .
և անդստին՝ ի խառնիլս մերում
յուխտ մանկանց եկեղեցւոյ՝ ընտ-
րեցաք զնա՝ ի Ժառանգութիւն մեր,
ասելով . « Տէր բաժին Ժառանգու-
թեան իմոյ և բաժակի իմոյ, դու-
ես որ այսրէն դարձուցանես դժա-
ռանգութիւն իմ յիս » : Ո՞վ, քանի՛
ազնուական է Ժառանգութիւնս

այս , քանիօն գերազանց , ո՞րչափ
շահաւէտ . « Ճառանգութիւն իմ
հաճոյ եղեւ ինձ » : Եւ քանիսլատիկ
հչ քաղեցաք մէք բարիս 'ի նմանէ
մինչև ցօրս այս . և որքանեաց ևս չիցէ
մեզ արժան ակն ունել առ 'ի նմա-
նէ : Յարգեսցուք ուրեմն դժառան-
գութիւնս զայս առաւել քան զա-
մենայն բարութիւնս աշխարհի . մի
լիցի մեզ ուրախութիւն մեծ քան
զստանան զայս . Ժրասցուք օգտիլ
և վայելել առ 'ի նմանէ : Ըստ ա-
ռաւելութեան ջանից մերոց՝ յաւել-
ցի մեզ և առատութիւն շնորհաց :

Բ . Զմտաւ ած , զի որպէս 'ի հին
անդ օրէնս՝ Աստուած նախ պարտս
դնէր պաշտօնէից իւրոց հրաժարել
'ի մասնակցութենէ երկրի որդւոցն
Խորայելի , « Յերկրի նոցա մի ժա-
ռանգեսցէս , և բաժին քո ընդ նոսա
մի լիցի » . և ապա տայր նոցա զինքն
'ի ժառանգութի . նոյնպէս և Քրիս-
տոսի չմարթի լինել ժառանգութի
մեր , և թէ ոչ դէմ սրտիւ և յօժա-
րութեամբ՝ հրաժարեսցուք յաշ-
խարհէ և յամենայն յաւելորդաց

յաւիտենիս . զի ժառանգութիւնս
այս սուրբ՝ որպիսի Քրիստոսն է ,
ոչ կարէ միաբանել ընդ ժառան-
գութիւնս արտաքինս՝ ընդ որս թէ-
բեկուեալ իցեմք : Քննեաց միանգամ
թէ որպէս բերիցիս առ Երկրաւոր
բարիս . չիցե՞ս իսկ ըստ չափ դրա-
ւեալ 'ի նոցանիէ . շատանայցե՞ս ար-
դեօք հարկաւորաւն . չխանդայցե՞ս
ընդ այնոսիկ՝ որք ճոխագոյն քան
զքեզն իցեն . չկայցէ՞ ինչ իր ընդ ո-
րում բեկուեալ իցես , ողատրամսա
իցես զոհել զամենայն վասն Յիսու-
սի : — Աստուած սրտի իմոյ , դու
ես բաժին իմ հանասլաղ , որում
ակն կալայց յերկինս . և իմ իմլիք
փափաքեցայց յերկրի աստ , բայց
քեզ միայնոյ . « Զի՞նչ կայ իմբնաւ
յերկինս կամ 'ի քէն զի՞նչ ես իրնդ-
բեցից յերկրի . Աստուած սրտի ի-
մոյ , բաժին իմ Աստուած յաւի-
տեան » :

Զկնի պատարագին

Ա. Զմտաւ ած, զի Յիսուս ՚ի
Գոհութեան՝ է մեր ամենայն ինչ.
Քանզի զնա տալով մեզ Աստուծոյ՝
Ետ զամենայն միանդամայն . իբրու
զի նա միայն շատ է մեզ յամենայն
ալէտս մեր, և զի յետ մահուան նա
միայն մնայ մեզ . « Զիա՞րդ ոչ նո-
վաւ հանդերձ զամենայն չնորհիցէ
մեզ » : Եթէ ստացար զնա, ստացեալ
ունիս զամենայն, և եթէ զնա միայն
չունիցիա՝ ոչ ինչ ոչ ունիս . քանզի
բաց ՚ի նմանէ « Ունայնութիւն ու-
նայնութեանց, ամենայն ինչ ընդու-
նայն է » : Մեծարեալ զՅիսուս՝ որ
է ամենայն քո ինչ . ինդան զի ունիս
զնա ընդ քեզ . հան նմա նուեր զա-
մենայն մտածութիւնս, յօժարու-
թիւնս, զխօսս, զգործս և զամենայն
վայրկեան կենաց քոց :

Բ. Զմտաւ ած, զի գոլովՅիսու-
սի ամենայն ինչ քո, ոչ է քեզ օ-
րէն ինդրել բայց զնա միայն, զնա

ևեթ սիրել, զամենայն ինչ արհա-
մարհելքաց 'ի նմանէ. արժան է
քեզ ամենայն խնամով դուն դոր-
ծել առ հաճոյանալ նմա, ողահել
զքեզ 'ի շնորհս նորին. զամենայն
հնարել առ 'ի ստանալոյ դնա 'ի յա-
լիտեանսն. « Զ մ'ինչ օդաիցի մարդ՝
եթէ զաշխարհ ամենայն շահեսցի և
զանձն իւր տուժեսցի » : — Ո'վ
Յիսուս իմ, դու ինձ եղիցիս միշտ
ամենայն մեծութիւն իմ, ամենայն
բարութիւն, ամենայն միսիթարու-
թիւն, ամենայն յոյս իմ, ուրա-
խութիւն իմ և սէր. այլն ամենայն
առ ոչ ինչ համարեսցի. « Աստուած
իմ և ամենայն ինչ » :

ԻԵ

ՏԵՍՈՒԽՍ ՏՈՒՐԲ ԱՍՏՈՒԾՈՅ ԱՌ ՄԱՐ
ԴԻԿ , ԵՒ ՏՈՒՐԲ ՄԱՐԴԿԱՑՆ ԱՌ
ԱՍՏՈՒԱԾ

Կախ քան զպատարագն

Ա . Զմտաւ ած , զի Յիսուս 'ի Գո-
հութեանս է մեծագոյն 'ի պարգևս
շնորհեալս յԱստուծոյ կամ կարե-
լիս 'ի տալառ մարդիկ . զի նա ինքն
է Որդին նորա միածին , հաճու-
թիւն աստուածութեանն իւրոյ ,
համագոյակից իւր , և նկարագիր և
բան . յամենայնի նման նմա , և զոյդ
նմին մի Աստուած : Ո'վ անձն իմ ,
եթէ ծանուցեալ էր քո զպարգևս
զայս , զպատուականութիւնն սորա ,
զգին և զպիտանութիւնն , և զամե-
նայն զոր յինքեան բերէ բարիս .
«Եթէ զիտէիր դու զպարգևմն Աս-

ոռւծոյ » . Քանիօն եռափափագ
ունչմամբ արդեօք ընդունէիր զնա :
« Տէր , յաւել մեղ հաւատս » , զի
ծանուցեալ ընկալցուք զքեղ ամե-
նայն յարգանօք , մաքրութեամբ և
սիրով ըստ քումդ արժանաւորու-
թեան :

Բ . Զմտաւ ած , զի Աստուած
ետ մարդկան զորդին իւր 'ի ձեռն
բազմապատիկ խորհրդոց , այլ 'ի
Գոհութեան ետ զնա լրիւ իւրով .
այն է՝ լրութեամբ խորհրդոց իւ-
րոց , արդեանց և կատարելութեց :
Ի տղայութեան՝ արդիւնք կենացն
չէին դեռ ևս գլխաւորեալք . 'ի կեան
սըն՝ արդիւնք մահուն չև էին լր-
ցեալք . 'ի մահուն՝ անշուք իմն էր
և չունէր զզօրութիւն և զգանձս
նորոյ կենացն . 'ի յարութեան և 'ի
համբարձման՝ թուի իմն մեկուսա-
ցեալ առ Աստուած՝ և վերացեալ
'ի մարդկանէ : Խոկ 'ի խորհրդեան
Գոհութեանս՝ չկորուսանելով և ոչ
մի ինչ , ոչ զմտանելն առ Աստուած ,
ոչ զառատութիւննորոյ կենացն և
ոչ զմեծվայելութիւն փառացն ,

տուեալ լինի մարդկան լրութեամբ
ամենայնի այսոցիկ պայմանաց և
իւրոց խորհրդոց : — Ո՞վ իմաստու-
թիւն , ով սէր , ով մեծագործու-
թիւն Աստուծոյ իմոյ . յաւերժ գո-
հութիւնք քեզ և փառք վասն ան-
պատումն պարզեիս . « Շնորհք
Աստուծոյ 'ի վերայ անպատում
պարզեացն նորա » : Եւ քանիցս ա-
ռատաձեռնեալ շնորհեցեր ինձ
զայդ . նա և այսօր հաճիս մասնա-
ւորելինձ դմին , որում չեմն բնաւ
արժանի , յորմէ դոյզն ևեթ օգտե-
ցայ և զօր ամենայն առ ոտն հար-
կանեմ զքեզ : Այո , այո , կարեմ և
ես ասել տիրապէս . « Զի ուր ա-
ռաւել եղեն մեղքն , առաւել ևս
յաւելան շնորհքն » :

Զկնի պատարագին

Ա . Զմտաւ ած , զի Յիառւս 'ի
Գոհութեանս է միակ ընծայ ար-
ժանաւոր Աստուծոյ՝ զոր տուեալ
իցէ մարդոյ մատուցանել նմա .

Քանզի այլ ամենայն ընծայ՝ չափաւ-
 որ է և թերուղիղ, վասն որոյ և
 կարի յոյժ յետնեալ՝ ի մեծութե-
 նէն և 'ի սրբութենէն Աստուծոյ,
 որոյ կատարելութեանց չեք սահ-
 ման։ Ամենայն խորհուրդք մեր և
 բանք, սէր և գործք, և բարիք և
 կեանք ինքնին գլխովին՝ չեն ըստ ար-
 ժան բաւականին սուրբք և պա-
 տուականք՝ առ 'ի նուէր Աստու-
 ծոյ։ բայց նա հաճեցաւ տալ մեզ
 զորդին իւր՝ որ հաւասար է նմա
 յամենայնի, և դոյ մեզ հնար մա-
 տուցանել նմա զայն՝ յաղերս պա-
 տուոյ, հնազանդութեան և սիրոյ։
 Ըստհ կալչիր նմա վասն այսպիս-
 ւոյ պարգևի՝ որով յաջողէ քեզ
 հեշտեաւ հատուցանել նմա զպար-
 տը քո։ և քանզի 'ի սրտի քում
 կրես այժմիկ զՅիառւ, զմիածին
 Որդին Աստուծոյ, մատո ուրեմն 'ի
 ձեռն նորա առ Աստուած Հայր
 պատարագ գոհութեան։ « Արդ 'ի
 ձեռն նորա մատուցուք պատա-
 րագ օրհնուե յամենայն ժամ ԱՇ»։
 Բ. Զմտաւ ած, զի 'ի պարզեին

մեզ Յսի բովանդակապէս 'ի Հօրէն
յաւիտենականէ՝ Գոհութեամբս,
մեր եղեւ բոլորովին և 'ի մեր սլէտս.
որպէս զի մարթ իցէ մեզ առնել
նովաւ զամենայն, որ ինչ առ Հայր
իւր պատշաճիցի ։ ամբառնալ զմեզ
առ նա, Երկիր պագանել նմա, գո-
վել զնա և շնորհս մատուցանել,
կարդալ յօդնականութիւն, հաշտ
առնել զնա և սիրել. քանզի նա
ինքն է օրհնութիւն մեր և գոհու-
թիւն, խաղաղութիւն մեր և սեր.
քանզի և ոչ այլով իւեք ընդունի
Աստուած առ 'ի մէնջ զագարտիս
զայսոսիկ՝ բայց զի հաղորդեալ եմք
մարմնով յորդին նորա : Ո՛վ Ած
իմ, Երկիր պագանեմ քեզ, գոհանամ
զքէն, սիրեմ զքեզ և աղաչեմ, և ըն-
ծայեմ քեզ զիս ընդ Յսի Քսի և Յսիւ
Քսիւ, որպէս առնէ և եկեղեցի 'ի
խորհրդեան սրբոյ պատարագին .
« Նովաւ, ընդ նմա և 'ի նմին՝ քեզ
Հօր ընդ Հոգւոյդ սրբոյ ամենայն
փառք և պատիւ » . և որպէս հրեշ-
տակըն և սուրբքն յերկինս՝ « Կայ-
ին առաջի գառինն՝ . . և Երկիր պա-
գանէին Աստուածոյ ասելով, ամեն» :

ԵԶ

ՅԻՍՈՒՍ ՎԱԽԱՏԱՆ ՄԵՐ ԵՒ ՕՐԻՆԱԿ

Նախ քան զպատարացն

Ա. Զմտաւ ած , զի Յիսուս է
վերջին վախճան մեր 'ի Գոհութեան .
և զոր օրինակ ամենայն արարածք
ուժգնակի իմն միտեալ ձգին առ
կետ նպատակի իւրեանց , իւրու զի
անդ գտանեն զհանդիստ , զանդորր
և զերանութիւն՝ որ 'ի Ճահ իցէ նո-
ցա , պարտ էր և մեղ զդալ 'ի մեղ
տենչ եռանդուն դիմելոյ առ Յի-
սուս՝ յաստուածային յայսմ խոր-
հըրդեան , որպէս 'ի կետ վախճանի
մերոյ + առ 'ի գտանել 'ի նմին զհան-
դիստ մեր , զմլսիթարութիւն մեր և
զերջանիկութիւն : Եւյլ փոխանակ
այնորիկ որպիսի ցրտութիւն և որ-
պիսի անզգայութիւն . բանզի , ո՛չ ,

ոչ հանաչեմք զՅիսուս որպէս ըզ-
միակ և վերջին վախճան մեր . քան-
զի ոչ հաւատամք 'ի Յիսուս Քրիս-
տոս : — Ո'վ Աստուած իմ, տուր
ինձ Ճանաչել զմիակ վախճանն իմ .
« Ցոյց ինձ, Տէր, զկատարած իմ » ,
զի մի եղէց ըղձակաթ՝ բայց քեզ
միայնոյ ըստ մարդարէին : « Որպէս
փափառէ եղջերու յաղբերս ջուրց,
այնպէս փափառէ անձն իմ առ քեզ
Աստուած » :

Բ . Զմտաւ ած, զի որպէս Գո-
հութիւնս կատարած է այլոց ամե-
նայն խորհրդոց, որք առ 'ի պատ-
րաստել ևեթ զմեզ առ սոյն սահմա-
նեալ եղեն . այսպէս և անկ էր մեզ
յայսմ խորհրդեան զՅիսուս միայն
ունել նպատակ ամենայն խոկ-
մանց մերոց, բանից և գործոց . որ-
պէս զի յայս միայն կրթէին 'ի պատ-
րաստել զմեզ 'ի հանապազօր մա-
տուցումն և յընդունելութիւն նո-
րին 'ի սեղանի անդ սրբութեան .
ըստ առածի սրբոյն Պօղոսի . « Զա-
մենայն՝ զոր և առնիցէք բանիւք և
արդեամբք, զամենայն յանուն

Տեառն Յիսուսի արասջեք » : Այս
սու օրինակաւ համօրէն կեանք մեր
լինէին անընդհատ պատրաստու-
թիւն առ սուրբ Խորհուրդ պատա-
րագին : Այլ քանիօն հեռի իցեմք
'ի կրթութենէ աստի յայսմանէ :
Զամենայն զգործս մեր առնեմք
զրեա թէ վասն աշխարհի , և կամ
դոնեա առանց ինչ մտախոհ լինելց
առնել վասն Յիսուսի : — Ո՛վ Յի-
սուս , չկամիմ առնել բայց որ ինչ
վասն քո իցէ . յայսմհետէ դու լի-
ցիս միակ վախճան ամենայն պաշ-
տամանց խոց , բովանդակ հնարից
խոց և ամենայն վաստակոց խոց :

Չկնի պատարագին

Ա . Զմտաւ ած , զի Յիսուս 'ի
Գոհութեանս օրինակ է ամենայն
առաքինութեանց , զորս 'ի պատկեր
նմանողութեան կարգէ մեղ Հայրն
յաւիտենական . քանզի չկը և ոչ
մի 'ի լաւութեանց , զորոյ չեցէ նո-
րա տուեալ մեղ զօրինակ , կամ

չկարիցէ ասել, որպէս ասէրն զհեց
զութենէ և զխոնարհութենէ, «Ու-
սարուք յինէն՝ զի հեղ եմ և խո-
նարհ սրտիւ ». Թէ ուսարուք յի-
նէն զի 'ի խորհրդեանս սրբում՝ ոչ
միայն քաղցր եմ և խոնարհ սրտիւ,
այլ և համբերող, գթած և հնա-
զանդ : Հարց և ուսիր յաստուա-
ծային օրինակէ աստի, մինչդեռ ու-
նիսդ 'ի քեզ, ուսիր մտադիւրու-
թեամբ, և սքանչացիր ընդ կատա-
րելութիւն նորա և ընդ սրբու-
թիւն . Երկիր տեսանելով զքեզ
այդքան հեռացեալ 'ի նմանէ, ջանա-
մերձենալ առ նա . զի ոչ վասն այ-
լս իմիք ետ քեզ զօրինակ, բայց զի
նմանող նմա լինիցիս : «Օրինակ մի
ետու ձեզ, զի որպէս ես ձեզ արա-
րի, և դուք առնիջիք » :

Տ. Զմտաւ ած, զի Յիսուս 'ի Գո-
հութեանս գալափար իմն է՝ որ միու-
խադրէ զամենայն զօրութիւնս՝ զո-
րոց տայն մեզ զօրինակ . և զի ոչ
միայն ցուցանէ մեզ զոր պարտիմքն
առնել, այլ և տայ զշնորհս և զզօ-
րութիւն կատարելոյ . և վասն այ-

սորիկ իսկ գայ նա տալ քեզ զանձն
 Ո՞վ Յու իմ, ո՞վքան պարտական
 եմ քեզ։ Առանց օդնականութեան
 քոց շնորհաց զի՞նչ կարող իցեմ
 առնել։ Քանի առաւել պարտ էր
 ինձ նմանադոյն լինել քան զայժ-
 մուս, փոխանակ զի զօր ամենայն
 յանդիման առնեմ զքեզ՝ ի սեղանի
 անդ, և զի կամիս պաշտօնէից քոց
 զհետ քո երթալ։ «Եթէ ոք զիս
 պաշտեսցէ, զինի իմ եկեսցէ»։ Զը-
 գեան զիս զհետ քո։ «Զհետ քո՝ ի
 հոտ իւզոց քոց ընթասցուք»։



իէ

ԶՈՐՈՒԹԻՒՆ ԵՒ ԻՄԱՍՏՈՒԹԻՒՆ
ՅԻՍՈՒԽԻ Ի ԳՈՀՈՒԹԵԱՆ

Նախ քան զպատարագն

Ա. Զմտաւ ած, զի Յիսուս ե-
րևեցուցանէ զզօրութիւն իւր' ի Գո-
հութեանս յայսմիկ՝ ոչ 'ի վերայ
ոչնչի, որպէս յարաբագործութե-
անդ, ոչ 'ի վերայ հողոյ և մոխրոյ՝
որպէս 'ի յարութեան մեռելոց.
ոչ 'ի վերայ երկնից կամ երկրի կամ
տարերաց, որպէս յայլ նշանագոր-
ծութիւնսն. այլ 'ի վերայ մարմնոյ
իւրում՝ միացելոյ ընդ Աստուածու-
թեան, փառաւորեցելոյ և անմա-
հի՝ զոր ունի 'ի յերկրի անշքապէս,
և ընդ անկենդան տեսակօք հացի և
գինւոյ: Քանզի մարմինս այս՝ Աս-
տուածոյ գոլով մարմին, հարկ է թէ

իցէ յերկինս . փառաւորեալ գո-
լով՝ ՚ի դէպէ է ամենեւին իսկ զար-
դարեալ գոլ փառօք . անմահ գո-
լով՝ հարկ է մշտաշարժ լինել : Եւ
սակայն Յիսուս սքանչելի իմն ար-
դասեօք զօրութեան և սիրոյ իւրոյ
որ առ քեզ, հաճեցաւ փակիլ՝ ՚ի
տապանակս մեր սքողեալ և ծած-
կեալ ընդ խորհրդական տեսակօքն :
Սքանչացիր և ծանիր զզօրութիւն
Յիսուսի ՚ի խորհրդեանս յայսմիկ :

Աստուածացեալդ. Յիսուս, ամե-
նայն զոր կամիս՝ հնարաւոր է քեզ .
՚ի կամելն քում՝ և լինի ամենայն :
Այլ քանզի և զանհնարաւորն կա-
միս դու վասն իմ, ոչ ապաքէն ար-
ժան իցէ և ինձ առնել գոնեա զկը-
ժուարագոյնն անգամ : Այլ ես հա-
զիւ հազ յանձն առնում և զթե-
թեագոյնս իսկ ՚ի հրահանգաց, և
զդուզնաքեայն ջան յաղթելոյ ան-
ձին իմում : — Խոնարհեցո զքեզ ընդ
ամենակարող ձեռամբն Աստուծոյ,
և աղաչեա զնա կասեցուցանել զըն-
թացս կրից քոց զօրութեամբ չնոր-
հաց իւրոց :

Բ. Զմտաւ ած, զի զօրութիւնն
Յիսուսի 'ի Գոհութեանս՝ այնու
իսկ առաւելահրաշ փայլէ, զի զա-
մենայն զսքանչելիս գործէ՝ ոչ իւ-
րով ձեռամբ՝ որպէս յընթրիսն
անդ, այլ 'ի ձեռն քահանայից, ա-
րանց նուաստից, մահկանացուաց,
մեղաւորաց, բազում անգամ և մե-
ծամեծ մեղաւորաց • որոց տայ զա-
մենայն զիւր իշխանութիւն. իբր ոչ
եթէ 'ի շնորհս ինչ բարեպաշտու-
թեան նոցին կամ արժանաւորու-
թեանն և հաւատոցն, այլ վասն
կարգի պաշտամանն • որպէս զի յա-
մենայն ժամու և ամենայն ուրեք և
յամենայն վիճակի կարասցեն սըր-
բագործել. և նա խկոյն անյապաղ
կացցէ յանդիման 'ի վերայ սեղա-
նոյն, և առ դոյզն բարբառ բանի
նոցա : Փառաւորեա զԱստուած
« զտուիչն այնպիսի իշխանութեան
մարդկան » , և առանձինն քեզ՝ ո-
րում այնքան անարժանդ ես : Տես
թէ զիարդ վարեցար այնու մինչեւ
ցայժմ . երկիր, թէ դուցէ և արդ
զեղծանիցիս նովաւ . « Զի որում

բազում աւանդեցաւ, առաւել ևս
պահանջեսցեն 'ի նմանէ » :

Զկնի պատարագին

Ա. Զմոտաւ ած, զի այնու գեր 'ի
վերոյ երևեցաւ խմաստութիւն Քրիս-
տոսի 'ի մարդեղութեանն, զի Աս-
տուծոյ անհնար գոլով վշտակրել,
և մարդոյ հատուցանել փոխանակ
անհնարին արհամարհանացն, ինքն
խել մարդ եղեւ. որսկէս զի իրեւ Աս-
տուծած՝ հատուցէ լիովին, և իրեւ
մարդ ախտակրեսցի ըստ չափ գոր-
ծեցելոց յանցանացն: Ոչ ինչ ընդ-
հատ յայնմանէ և 'ի սրբում գո-
հութեանս երեխ խմաստութիւնն
Յիսուսի. քանզի անհնարին գոլով
ճաշակել զնա առանց սոսկալոյ՝
յիւրումն տեսակի, և զի դարձեալ
հացի լոկոյ չեր մարթ օժանդակել
հոգւոց մերոց, ծածկի նա ընդ տե-
սակօք հացին և գինւոյ, որսկէս զի
կարասցուք կերակրիլ 'ի մարմնոց
նորա և յարենէ: — Զամենայն ինչ

իմաստութեամբ արարեր, աստուածայինդ Յիսուս • այլ ոչ ուրեք այն պէս զարմանալի գաաւ իմաստութիւն քո՛ որպէս 'ի հնարյն զոր հնարեցեր առ 'ի տալ զքեղ մարդկան: Ո՛հ, ընդէ՞ր չիցեմ և ես հանձարեղ ըստ բաւականին առ հայթայթանս հնարից յարգելոյ և սիրելոյ զքեղ, այլ միայն 'ի գիւտ շահու անձին իմոյ. « Տուր ինձ զքոյ յոցդաթոռոց զդարանակալ իմաստութիւն » , զի ընդ իս լիցի և ընդ իս գործեսցէ :

Բ. Զմտաւ ած, զի եթէ Յիսուսի տուեալ էր մեզ զանձն հանդերձ շքովն և մեծվայելը ութեամբ՝ որոց վայելէր զհետ նորին ընթանալ, ահ մեծ երկիւղի արկանէր 'ի հոգիս. և բազմոց զահի հարեալք զանդիտէին մատչել առ նա. այլ նա անբաւազօր իմաստութեամբն եղիս հընարս հաղորդակցելոյ ընդ մեզ ամենահեշտ իմն օրինակաւ, և առանց ինչ ազդելոյ 'ի մեզ երկիւղ, հաստատութեամբ սրբոյ խորհրդեանս, որով ընդունիմքս զնա այնիքան դիւ-

բաւ և հեշտեաւ : Ո՞հ , քանիօն ի-
րաւամբ ասաց իմաստունն , եթէ
« Զգտի 'ի ծագաց մինչ 'ի ծագս օդ-
տակար առողջութեամբ , և դար-
մանէ զամենայն քաղցրութեամբ » :
Գոհացիր զՏեառնէ՝ որ այդքան դիւ-
րացոյց քեզ մերձենալ առ ինքն .
այլ տես , մի՛ երբէք մարդասիրու-
թիւն նորա բարձցէ 'ի քէն զեր-
իկիւղ և զակնածութիւն՝ զոր սպար-
տիսդ առ նա . « Ծառայեա Տեառն
երկիւղիւ , և ցնծա առաջի նորա
դողութեամբ » :



ի՞.

ԲԱՐՈՒԹԻԻՆ ԵՒ ՍԵՐ ՅԻՍՈՒՄԻ

Նախ քանի զպտարագն

Ա. Զմտաւ ած, զի Աստուած
ըստ Երից զանազան կարգաց հա-
ղորդեաց զինքն արարածոց իւրոց.
ըստ կարգի բնութեան՝ արարչա-
գործութեամբն, մասնաւորելով
զնոսա գոյութեան իւրում. — ըստ
կարգի շնորհաց՝ սրբակերտութե,
տապաւորելով՝ ի հոգիս պատկեր իմն
սրբութեան. — ըստ կարգի փառաց՝
լիապատար առնելով զերանեալսն
իւրովիս աստուածային պայծառու-
թեամբ : Այլ եղիտ Յիսուս նոր իմն
հնարս հաղորդելոյ մեզ զինքն՝ ա-
ռանձին իմն օրինակաւ, տալով
մեզ զանձն դլխովին, որ է աղքիւր
ամենայն բարութեանց և ամենայն

լաւութեանց . և առնել զայս խոր հըրդեամբ գոհութեան : — Իբրև զի բարի ես , աստուածայինդ Յիսուս . « քաղցր ես դու » : Ո՞ իցեմ ես , զի՞նչ ինչարարեալէ իմ՝ զի հաղորդ ինձ զքեզ արացես . զքեզ ինքն տալով անձամբ բնաւին , և ամենայնիւ որ եսդ : Դոյզն մի ՚ի շնորհացդ , հայեցուած մի ևեթ քո՝ մեծ պարզե բարեզթութեան էր վասն իմ . Երջանիկ զիս համարէի ընդ քանանուհւոյն՝ ի քաղելն զփըշը բանս սեղանոյ քոյ . խակ զիարդ այժմ կարիցեմ սքանչանալ ըստ բաւականին ընդ բարութիւն քո առ իս և օրհնել զայն : Ամաչեմ ընդ այս , Աստուած իմ , և խոսառվանիմ զիս անարժան յամենայն սրաէ :

Բ . Զմտաւ ած , զի Յիսուս թէ պէտ անխտիր առ ամենեսին ցուցանել զբարութիւն իւր , սակայն առանձինն իմն օրինակաւ հաղորդի ընդ այնոսիկ ոյք յուսան ՚ի նաև խնդրեն զնա . « Բարերար է Աստուած՝ ի վերայ համբերողաց իւրոյ » . Բարի է նա ընդ բարիս և

տայ մեզ զինքն նովին չափով որով
տայցեմք մեք նմա զանձինս : Բաց
ուրեմն նմա զսիրտ քո , զի հեղցի
՚ի նմա զեղումն բարութեան նորա .
դատարկեա՝ զի լցցէ զայն Աստուած .
սկատրաստ լեռ տալոյ նմա զանձնդ
ողջոյն , որսկէս զի և նա տացէ քեզ
զինքն ողջոյն :

Զինի պատարագին

Ա . Զմտաւ ած , զի Աստուած
այնչափ սիրեաց զաշխարհ՝ մինչեւ
ետ նմա զնոյն ինքն զՈրդին իւր . և
Որդին այնչափ սիրեաց զմեզ՝ մինչեւ
ետ մեզ զինքն միոյ միոյ առանձին .
և այն զի ոչ արժանիք ինչ մեր կամ
բարեմասնութիւնիք , և ոչ նորին
ինքեան շահ օգտի՝ ձգեցին զնա ՚ի
հաղորդելընդ մեզ այսքանեաւ զար-
մանալի եղանակաւ , այլ միայն սէրն
որ առ մեզ . սէր՝ որ անդրագոյնս
վարի քան զկարծիս մտաց մերոց .
և որ ևս հիանալին է՝ յաճախ առ
՚ի մէնջ զապաշնորհութեան ընդու-

նելով զհատուցումն : Եւ արդ հարցանէ քեզ՝ զոր հարցանէր առ Պետրոս . « Սիրեն զիս », որ այնչափ սիրեցին զքեզ : Տես թէ կարիցե՞ս տալ սլատասխանի , գործովք մանաւանդ քան եթէ բանիւք , « Այո , Տէր , և գու գիտես զիս սիրեմ զքեզ » : — Այո , Յիսուս : սիրեմ զքեզ , և փափաքեմ առաւել ևս սիրել ըդքեզ . բոցակիզեա զիս հրով սրբով սիրոյ քո , և մի տար ինձ թոյլ սիրել արարած ինչ 'ի վեր քան ըդքեզ , կամ քո չափ :

Բ . Զմտաւ ած , թէ քանի՛ սքանչելի է սէրն Յիսուսի զոր ցուցանէ մեզ 'ի խորհրդեանս յայսմիկ . եթէ ուշով քննիցեմք զպարդեն զոր տայն մեզ , զվախճան նորին , զժամանակն տալոյն և զեղանակն որով տայ , ամենայնն առ հասարակ հիացումն և զարմանս ածցէ մեզ և հրճուանս սիրայինս : Զանձն իւր տայ մեզ և տայ 'ի նշանակ սիրոյն իւրոյ . տայ 'ի պահուն՝ յորում փոքր միւս ևս և մեռանելոց էր վասն մեր . տայ մեծաւ ցանկութեամբ զօրէն կե-

բակրոյ : — Ո՞վ սէր Յիսուսի, քանի՛
սակաւ իցես ծանուցեալ : Եւ ով
կարասցէ 'ի միտ առնուլ զերկայ-
նութիւն, զլայնութիւն, զբարձրու-
թիւն և զխորութիւն սիրոյդ : Տայր
ոք ինձ, Յիսուս իմ, զբովանդակ
սէր հրեշտակաց և զսրբոց, առ 'ի
սիրել զքեղ այնչափ՝ որչափ ամե-
նեքին նոքա միահազոյն սիրեն ըզ-
քեղ : Կամիս սիրել զքեղ, գոնեա
յամենայն զօրութենէ իմմէ և տալ
քեղ ցոյցս սիրոյ յամենայն առիթս:
Վայ այնմիկ որ ոչն սիրիցէ զքեղ :
« Եթէ ոք ոչ սիրէ զտէր Յիսուս,
եղիցի նզովեալ » :



Ի Թ.

ՀՆԱԶԱՆԴՈՒԹԻՒՆ ԵՒ ՀԱՄԲԵՐՈՒԹԻՒՆ
ՑԻՍՈՒՍԻ

Նախ քան զպատարացն

Ա. Գմտաւ ած, զի ոչ շատա-
ցեալ Յիսուսի տալ զանձն՝ ի մահ
խաչի, առ ՚ի հնազանդել հրամա-
նաց Հօր իւրոյ, առաւել իմն ցու-
ցանե հնազանդութիւնն՝ ի խորհըր-
դեան Գոհութեանս, յանդիման լի-
նելով՝ ի կէտն պայմանեալ ձայնի
քահանային. « Հնազանդելով ան
Աստուծոյ՝ ձայնի մարդկան » . դնէ
զանձն իւր՝ ի ձեռս նորա . բաւա-
կանանայ տեղեաւն զոր նայն ցուց-
ցէ նմա . փակի յանձուկ սահմանի
դոյզն նշխարին, չելանելով բնաւ-
անտի արտաքս ինքնօրէն՝ որչափ և
արհամարհանս ածցեն նմա՝ ի խոր-

հըրդեանն , որսլէս 'ի ժամանակի
չարչարանաց իւրոց : Ո՛վ , որսլիսի
հնազանդութիւն . Աստուած ամե-
նակարող՝ հպատակի անզօր ստեղ-
ծուածոյ . տէրն՝ ծառային , սուրբն
նբց՝ առն մեղաւորի : Որսլիսի՝ խրատ
օրինակի ինձ՝ որ հետեւմս պատուի-
րանաց նորա : Զիարդ իշխեցից մատ-
չել առ Ած հնազանդ՝ իմովս խեռ և
ամբարտաւան ոգւով , որ կամի հա-
նապաղ հրամայել և ոչ երբէք
հնազանդել : — Ո՛վ Աստուած
իմ , ահա հրաժարիմ յանձնահաճ
կամաց , և զայն միայն կամմիմ՝ զոր
դու կամիս . « Ուստի ինձ առնելըզ-
կամս քո , զի դու ես Աստուած իմ » :

Բ . Զմաւաւ ած , զի հնազանդու-
թիւն Յիսուսի է ամենայօժար կա-
մօք . քանզի կարող է խզել զկա-
պանսն և ազատանալ 'ի հպատա-
կութենէ անտի : Սակայն նա կամի
ընակել անբաժանաբար 'ի փոքու-
տարածութեան փանաքի նշխարի
խորհրդեանն , ըստ կամս քահա-
նային՝ որ կախեալն է զնմանէ յա-
մենային . որսլէս զի կարող իցէ ա-

սել՝ ի գոհութեանս՝ զոր զմահուա-
 նէն իւրմէ ասէր. «Ես դնեմ զնա
 անձամք իմով» . գէպէ՝ որ գերա-
 զոյն ևս հանդիսացուցանեն դհնա-
 զանդութիւն նորա : Արդ զայսպի-
 սի ունելով օրինակ՝ տակաւին ծանր
 համարիցիմք հնազանդել վերակա-
 ցուաց մերոց . կատարել այդպէս
 դժուարաւ զհրամանս նոցա , դան-
 դատելով և քրթմնջելով ընդ խը-
 տութիւն նոցա , և ոչ հպատակե-
 լով, եթէ ոչ առ անհրաժեշտ հար-
 կի : Դիցուք արդ՝ ի մտի հնազան-
 դել նոցա . « Եբրեւ ծառայք Քրիս-
 տոսի առնել զկամն Աստուծոյ .
 սրտի մտօք ծառայել իբրեւ Տեառն
 և մի՛ իբրեւ մարդկան » . առ ՚ի կեր-
 պարանակիցս լինելոյ Յնի տեառն
 մերոյ : Մատիցուք՝ ի սեղան անդը
 այսու հոգւով հնազանդութեան :

Զկնի պատարագին

Ա. Զմտաւ ած, զի Յիսուս դարձեալ նովին Երկայնմառւթեամբ վարի՝ ի ոք հաղորդութեան՝ որով ժուժկալեաց՝ ի կեանսն և՝ ի մահուն. Համբերէ և աստանօր, ոչ միայն դուզնաքեայ հաւատոց, յարդանաց և եռանդանն ըտզմաց՝ ի քրիստոնէից՝ նաև՝ ի քահանայից իսկ, այլ և անսպատկառութեանց և անառակութեանց որք գործին յանդիման Երեսաց իւրոց, նա և սրբազնութեանց և սեղանակապտութեանց իսկ՝ որք գործին յանարժան հաղորդելոց ումանց: — Ո՛վ համբերութիւն Աստուծոյ իմոյ, զի սքանչելի ես. «Կախատինք նախատչաց քոց անկան՝ ի վերայ իմ»: Ըղդամ, Յիսուս իմ,՝ ի խորոց սրտիս՝ զամենայն անարդանս որ հանդիպին քեզ՝ ի խորհրդեանս. և ընդէրոջ միոխարինել այնչափ արհամարհանաց որոց տարար, կամ արդե-

լուլ՝ զի մի և նորանորս՝ ի վերայ յաւելցեն : Մատուցանեմ քեզ, Աստուած մեծ, զիսորին պատիւ հրեշտակաց և սրբոց քոց, զերախտիս զոր ընկալար՝ ի հաւատացելոց քոց, և զշուք զոր մատոյց քեզ եկեղեցի . ներեած ժպրհութեանց իմոց :

Բ . Զմառաւ ած, զի համբերութիւն Յիսուսի փայլէ սքանչելապէս յամենայն՝ ի դէպս յայսոսիկ . նախ այնու իսկ զի կրէ յանարդ և՝ ի խոտան արարածոյ, Աստուած գոլով մեծ և ահեղ, որ կարէ՝ ի չեք դարձուցանել՝ ի վայրկեան ժամանակի զամապարիշտ անարգուսն : Երկրորդ, զի դժնիկագոյնս կրէ նախատինս՝ ի ժամանակի՝ մինչդեռ լնուզմեզ մեծամեծ պարգևօքն և բարութեամբք . « Հատուցին ինձ չար փոխանակ ընդ բարւոյ » : Երրորդ, զի կրէ զարհամարհանսն յորմէ հետէ կարգեաց զիսորհուրդս զայս, և պատրաստէ՝ ի կրել և ևս : — Ո՞վ Յիսուսիմ, դուհամբերութիւնինքնին ես, զի կրեցեր յինէն և երկայ-

նամուցեր . իւ իւիք ցուցից քեզ
զերախտիս իմ : Մի ևս տար ինձ
զառածանել համբերութեամբ քով-
արա ինձ զնորհս զայս՝ զի յընդու-
նելն իմ զքեզ յաջախ , զքեզ որ
Աստուածդ ես ովորմած և երկայ-
նամիտ , կարացից ըստ քում օրի-
նակի՝ տանել համբերութեամբ ար-
համարհանաց և հակառակութեց :



ԱԴՅԱՏՈՒԹԻՒՆ ԵՒ ԽՈՆԱՐՀՈՒԹԻՒՆ
ՅԻՍՈՒՍԻ Ի ԳՈՀՈՒԹԵԱՆ

Նախ քան զպատարագն

Ա. Չմառաւ ած , զաղքատութիւն
Յիսուսի 'ի Գոհութեան , զի ընտրէ
ինքեան զանարդո և զհասարակ ինչ
տեսակս 'ի բնակութիւն . նա և 'ի
բաղում տեղիս այնպէս աղքատօ-
րէն առնու սպաս , մինչև յայտ յան-
դիման երևել եթէ նոյն Աստուածն
է որ ծնաւ 'ի բեթղահէմ 'ի մսրին ,
'ի յարդի վերայ : Սակայն և յայսմ
պայմանի աղքատութեան , անբաւ
է նորա Ճոխութիւնն , և զօրու-
թիւն . թագաւորէ նա 'ի վերայ
թագաւորաց և հրեշտակաց , և
ուարաւառ առնէ զամենայն զօրու-
թիւն՝ Երկնաւորաց և Երկրայնոց՝

անկանել՝ ի խոնարհ և պաշտել զնա .
 'ի միասին մեծութիւն և աղքատու-
 թիւն միացեալ են 'ի նմա : Ծանիր
 զնա Աստուած քո՝ յայդմ' ի դոյն
 վլիճակի խոնարհութեան . և թէ կա-
 միցիս հաջոյ դտանիլ առաջի նո-
 րա , յայսոսիկ խոկասջիր : Յուշ
 լիցի քեզ զոր ասացն յաւետարա-
 նին , եթէ « Որ ոչ հրաժարեոցէ յա-
 մենայն ընչից իւրոց ոչ կարէ իմ ա-
 շակերտ լինել » : Յամօթ լեր վասն
 աւելորդաց կարասեացդ և զգես-
 տուց , և վասն ամենայնի որ ինչ
 հային 'ի խնամս կենցաղոյս , մինչդեռ
 Աստուածն քո թափուր յամենայ-
 նէ՝ չունի անգամ և տեղի՝ դնելոյ
 զգլուխ իւր :

Բ . Զ մտաւ ած , զանչափ աղքա-
 տութիւնն Յիառասի 'ի Գոհութես ,
 մինչեւ չլինել նմա ոչ ինքեան և ոչ
 վասն ինքեան , այլ բոլորովին մեր .
 որ և 'ի սակս մեր ոչ միայն մերկա-
 ցաւ յամենայն բարեացն , այլ և
 զանձն ևս եթող , զի մեզ լիցի բո-
 վանդակ . « Զի վասն ձեր աղքա-
 տացաւ՝ որ մեծատունն էր , զի դուք

նորա աղքատութեամբն մեծաս-
ջիք » : Ո՞վ իմն Յիսուս, մասնաւո-
րեա զիս մեծութեանց քոց, շնոր-
հացդ, կարողութեանց և արժա-
նեաց. քանզի աղքատ եմ Ճշմար-
տապէս . « Խոնարհեցն , Տէր , զուն-
կըն քո . զի աղքատ և տնանկ եմ
ես » :

Զինի պատարագին

Ա . Զմառաւ ած , զի թէպէտ և
խոնարհութիւնն Յիսուսի քաջա-
յայտ երևեցաւ 'ի մարդեղութեան
իւրում , զի « զանձն խոնարհեցոյց՝
զկերպարանս ծառայի առեալ » այլ
առաւել ևս ցուցաւ 'ի Գոհութես ,
յորում արկ զինքն 'ի կերպարան
նուաստագոյն՝ քան զամենայն կեն-
դանեաց և շնչայնոց . քանզի հաց
լոկ տեսանի աստ , և այնալիսի իմն՝
որպէս թէ չունիցի ոչ կեանս , ոչ
շարժումն , ոչ բան և ոչ գործ . և
որ զարմանալին ևս է , զի կայ մնայ
'ի սմին պայմանի և հաճի իսկ ընդ

այս : Ո՞վ, քանի՛ յամօթ առնէ մար-
դեղութիւնն Յիսուսի զհարարու-
թիւնս մեր . նա ոչ կամի երևել որ
ինչ էն, իսկ մեք կամիմք երևիլ որ
ինչ չեմքս : Ո՞վ Աստուած իմ, Ճա-
նաչեմ ես զմեծութիւն քո և զո-
շընչութիւն իմ, զզօրութիւն քո և
զակարութիւն իմ, զսրբութիւն քո
և զիմս ապականութիւն : Որչափ
նուաստագոյն զանձն քո ցուցեր
վասն իմ, այնչափ և սիրելի ինձ
եղեր . « Որքան նուաստ քան զիս,
այնքան և բաղձալի » : Երկիր պա-
դանեմ քեզ՝ ի ցածութիւնս քո,
և ոչ թէ միտին չհամարիմ ինձ ա-
մօթ, այլ և փառս ինձ :

Բ . Զմտաւ ած, զի Յիսուս ա-
մենելին իսկ մեծ դոլով՝ յանձն էտո
խորագոյնս խոնարհել՝ ի խորհր-
դեանս . առ ՚ի խրատել զմեզ եթէ
բարձրութիւնք և մեծութիւնք ոչ
զոք ազատս կացուցանեն՝ ի խոնար-
հելոյ . նա մանաւանդ որչափ ոք մեծ
իցէ, այնչափ և պարտի զանձն խո-
նարհ առնել, զի պէտս շնորհաց ու-
նի առ ՚ի կալոյ՝ ի բարձրութեան

անդ, և շնորհքն՝ խոնարհաց տը-
 ւեալ լինին. քանզի մեծագոյն հա-
 մարս պահանջի այնպիսին, և 'ի մե-
 ծի վտանգի կայ անկանելոյ 'ի փոր-
 ձանս հպարտութեան և ունայ-
 նամտութեան. վասն որոյ և ասաց
 հոդին սուրբ 'ի ձեռն իմաստնոյն.
 « Որչափ մեծ իցես՝ այնչափ խո-
 նարհեցո զանձն քո, և առաջի
 տեամն գտցես շնորհս » : Քրիստո-
 սի չկայր ուստեղ խէթ 'ի մեծու-
 թենէ անտի իւրմէ՝ զի անմեղսն
 չական էր. շնորհաց ինչ պէտս ոչ
 ունէր, զի ինքն խակ էր տէր և աղ-
 բիւր նոցին. սակայն խոնարհեցաւ
 առ 'ի խրատ մեր՝ ամբարձելոցս 'ի
 վերոյ քան զայլս, զի ուսանիցիմք
 եթէ ամենելին խակ կարեւոր է մեզ
 խոնարհութիւն : Չգաստացիր արդ
 յօրինակէ աստի սորա, և հայեաց
 'ի քեզ որպէս 'ի արուալն 'ի մարդ-
 կանէ . կալ քեզ հանապազ զվեր-
 ջին տեղին և անդէն կացջիր . « Բազ-
 միջիր 'ի յետին տեղւոջ » . Ժտեա
 'ի Քրիստոսէ՝ զի մասնակից արաս-
 ցէ զքեզ խոնարհութեան իւրում » :

Ա.Ա.

ՄԱՅՐՈՒԹԻՒՆ ԵՒ ՅԱՐԱՏԵԿՈՒԹԻՒՆ
ՑԻՍՈՒԽԻ Ի ԳՈՀՈՒԹԵԱՆ

Նախ քան զպատարագն

Ա. Զմառաւ ած , Եթէ որպիսի
ինչ իցէ մաքըրութիւնն Յիսուսի 'ի
սուրբ խորհրդեան . իբրև Աստուած՝
նոյն ինքն է որ նախ քան զամենայն
յաւիտեանս ծնաւ անձառաբար 'ի
հօրէ իւրմէ . իբրև մարդ՝ է նոյն ինքն
որ էտու մարմին 'ի մաքուր արենէ
կուսի՝ զօրութեամբ չոգւոյն սըր-
բոյ . նա ինքն որ եկն յերկիր ու-
սուցանել մարդկան զմաքըրութեանն
առաքինութիւն . որ չէտու երբէք
զփորձ խլրտմանց ցանկականին . որ
ջնջեաց զամենայն աղտեղութիւնս
աշխարհի , առանց վարակելց և
դուզնաքեաւ իւիք արատով : Ատ

ինքն Աստուած և մարդ միանգամայն, որ է քահանայ և զենլի պատարագին՝ զոր մնայ քեզ մատուցանել։ Յաւել և զայս զի խորհըրդոյս այսորիկ նիւթ է յաղնուադոյն ցորենոյ և յանխմոր հացէ՝ որ տպաւորէ զմաքըրութիւնն . և ձեն՝ է ձայն նորուն ինքեան Աստուծոյ։ Յետ այսր ամենայնի զմտաւ ածջիր եթէ որպիսի արժան իցէ լինել մաքըրութեան. քո առ ՚ի տեսանել ազօք, շօշափել ձեռօք, ընծայել և ընդունել զՅիսուս՝ զնոյն ինքն մաքըրութիւնն։ Ո՞հ . որպէս կուրանան ոմանիք առ տեղեաւս . զբոյշ լեր, մինչեւ բարիոք քննեալ զանձն քո՝ մի հուպ երթայցես առ մատուցարանն . նա և փոքր ինչ հեշտախտութիւն՝ բազում այն է զի յանցումն մեծ է և կարի յոյժ գարշելի առաջի Աստուծոյ . « Որ հովուեն ՚ի մեջ շուշանաց » :

Բ. Զմտաւ ած, զի Յիսուսի կամք այն իսկ են՝ հաղորդս առնել զմեզ մաքըրութեան իւրոյ ՚ի Գոհութես . և զի է սա ՚ի թուոյ դիսաւոր ար-

գասեաց սրբութեանս այսմիկ, նշա
 նակեալ բանիւքս մարդարէին Զա-
 քարիայ . « Զի որ ինչ բարին իցէ՝
 նորա է, և որ ինչ լաւն՝ նորին . ցո-
 րեան՝ երիտասարդաց , և զինի ա-
 նուշարար՝ կուսից » : Այս արգա-
 սիք ներդործին նախ՝ ի միանալ
 անդ կուսական մարմնոյն Յիսուսի
 ընդ մերումն . զի եթէ պատարագն
 զոր ի հնումն մատուցանէին վասն
 մեղաց՝ կարօղ էր սրբելոյ զամե-
 նայն ինչ յոր մերձենայր , զիարդ
 մարմինն Յիսուսի որ այսչափ մա-
 քուր պատարագ է՝ ոչ սրբեսցէ
 զմարմինն որ միանայ ընդ նմա : Եւ
 երկրորդ անդամ , որովհետեւ ար-
 դասիք իմն Են սրբութեանս յաւե-
 լու զսէր , զհետ զայ զի և նկուն
 առնէ զհեշտախտութիւն : Ո՞հ , որ-
 չափ պէտս ունիցիս զօրաւոր օդ-
 նութեանս այսմիկ՝ առ ի ստանալ
 և պահել զայսպիսի մեծ առաքի-
 նութիւն . որպէս մարթէր քեղ պա-
 հէլ զայն մինչեւ ցայսօր՝ առանց ըս-
 տէալ հաղորդակցութեան խորհըր-
 դոյս : Գտհացիր զմարմնոյն և զա-

րենէն Յիսուսի եթե ոչ ինչ խախ-
տեցար 'ի փորձութեան . ընկալ
զնա վստահութեամբ առ 'ի կալ
յուժի առ յապայ և խնդրեա սիրտ
սուրբ 'ի Տեառնէ մերմէ :

Չինի պատարագին

Ա. Չմառաւ ած , զաւողութիւնն
Յիսուսի 'ի խորհրդեանս գոհու-
թեան . յորմէ հետէ սահմանեացն՝
եկաց միշտ 'ի նմին ստուգապէս և
ճշմարտութեամբ . դործք այլոց
խորհրդոց անցանեն , այլ սորայս
տեսող և մշտնջենաւոր է ինքն յին-
քեան : Անդանօր կայ Յիսուս 'ի փա-
ռաւորել զհայր իւր , առ 'ի գոհա-
նալ զնմանէ վասն բարերարութեց
իւրոց . յաղաճել զնա վասն մեր և
'ի բաշխել մեղ զպտուղս հաճու-
թեան իւրոյ . մինչեւ յաւիտեանս
ժամանակաց ոչ դադարեացի նա 'ի
կալոյ անդէն և միշտ և հանապազ
զնովին գործով գալոյ որպէս և խոս-
տացաւն . «Ահաւասիկ ես ընդ ձեզ

Եմ մինչեւ՝ ի կատարած աշխարհի»
 «Նորհակալ լեր նմին՝ փոխանակ զ
 հաճի բնակել միշտ ընդ մեղ, առ՝
 ըստւ զմեղ սպարգեօք իւրովք. »
 դեպ է զի և որք ծառայենն նմա
 լինիցին տեսովք: Ա՛յ, որպիսի ան
 հաւասարութիւն. որպիսի յու¹
 դողդութիւն՝ ի վարս քո. թերեւ
 ունիցիս եռանդն ինչ ի ժամու
 յայսմիկ, անզբաղ իցես մտօք
 լցեալ բարի բարի դիտաւորութեք
 այլ փոքր մի ես և չմնասցէ ինչ ան
 դանօր: Աչ այդպէս, Աստուած իւ
 Յիսուս, ընտրեմ մանաւանդ մե
 ռանել քան լինել ուխտադրուժ
 « Ես ասացի՝ ի բարեկենդանու
 թեան իմում թէ ոչ սասանեցա
 յաւիտեան »:

Բ. Զմտաւ ած, զի Յիսուս
 օրինակ ինչ ևեթ է տեսովութեան
 ՝ ի սուրբ Խորհրդեանն, այլ և պատ
 ճառ նորին: Նախ՝ զի մնունդ է հո
 դւոյ մերում. բուծանեէ և պահ
 զհոգեորական կեանս շնորհաց, որ
 պէս կերակուրք մնուցանեն զկեան
 մարմնոյ. և ապա զի պահէ զմել

՚ի մահուչափ մեղաց՝ որով կորու-
սանեմք զնորհս . և դարձեալ զի
խորհուրդս այս տայ զօրութիւն
յաղթելոյ փորձութեանց և ժուժ-
կալ լինելոյ : Ո՞վ, քանի պարտա-
սպանք իցեմք Յիսուսի՝ որ ետ մեղ
այսպիսի զօրաւոր հնարս տեսելոյ .
ի՞բր էր մեղ մարթ կալ յակաստա-
նի և առ մի եեթ վայրկեան՝ առանց
նորա : Գոհացիր զնմանէ վասն շնոր-
հացս այսոցիկ . Երկիր զի յետ այն-
չափ անկանելոյ՝ մի արդեօք իցես
չարաչար ընդելացեալ խորհըր-
դեանս . ապաշաւեաց ընդ ամենայն
անհաւատարմութիս քո, և խընդ-
րեա ՚ի տեառնէ զպարգևս տեսելոյ :
— « Աստուած իմ, հաստատեա
զոսս իմ ՚ի շաւիլս քո, զի մի գոյ-
թակղեսցին գնացք իմ » :

ԲՆԱՌԻԹԻԻՆ ԽՊՃԻ



Տէր Հայր իմ և դատաւոր, տուր
ինձ անարժան քո պաշտօնէիս՝ Ճա-
նաչել զարարտ և զարարտապահու-
թիւնս իմ, լուսաւոր մոօք, ան-
խարդախ սրախ, խոնարհ հոգւով
և հաստատուն կամօք քաւութեան
մեղաց և ուղղութեան սղալանաց
իմոց։ Աստուածային ողորմութե-
քով հայեաց 'ի մեղուցեալս, և հաշ-
տեաց ընդ զզջացելոյս։ ընկալ հա-
ճութեամբ զխոստովանութիս իմ,
և պահեա զիս 'ի խնամն շնորհացդ
և սիրոյդ։

Ա. Քահանայ Աստուծոյ եմ ևս,
միջնորդ կարդեալ ընդ Աստուած
և ընդ մարդիկ։ յիշեմ արդեօք յա-
ճախ զնորհս աստիճանիս և կեամ-

ըստ այնմ։ — Զիջուցի՞ արդեօք զարդար ցասումն Աստուծոյ, եթէ առաւել ևս բորբոքեցի իմով ան-արժանութեամբ։

Բ. Կանխեցի՞ փութով առաւօ-
տուց առ Աստուած, եթէ սիրեցի
զանագանելն յանկողնի։ — Նուի-
րեցի՞ տուողին ինձ զօրն սկսեալ.
Չանացայ սրբել զայն, և դոհու-
թեամբ դարձուցանել առ նոյն
յերեկոյին։ — Կատարեցի՞ մտադիր
և մտադիւր զսահմանեալ պարտ
աղօթիցն և զժամակարգութեան։
— Յիշեցի՞ զԱստուած յընթացս ա-
ւուրն ։ Խորհեցայ կամ ընթերցայ
կամ խօսեցայ յամենայն աւուր
բան ինչ հողեկեցոյց։ — Հատու-
ցանիցեմ Տեամն զոր ինչ և ուխ-
տեալս եմ։

Գ. Զիարդ մատուցի զմեծ և ըզ-
նը և զահեղ խորհուրդ պատարա-
գին։ — Քննեցի՞ քաջ զգիտակցու-
թիւն իմ մինչեւ մատուցեալ՚ի սե-
զանն։ — Խոսատվանեցայ կամ զըզ-
ջացայ զյանցուածս իմ զերիկի և
զաւուրցն որ յետ վերջնոյ խոստ.

Հանութեանս : — Եւ խոստովանից՝
ցիմ անաշառ դատմամբ անձին և
սրբիւ բեկելով : — Մատեայ յօժա-
րութք, սիրով և ահիւ առ սուրբ
խորհուրդն գոհութեան : — Կատա-
րեցի ըստ սպայմանին զօրէնս պա-
տարագի և զպարտս պատարա-
գեաց : — Գոհացայ զԾեառնէ յետ
պատարագելոյ՝ դէմք քառորդ մի-
ժամու :

Պ. Զիա՞րդ ծախեցի զաւուրս և
զժամանակն՝ որ տուեալ է ինձ 'ի
սրբութիւնանձին, 'ի խնամն հօտին
Քրիստոսի, և յօդուտ եկեղեցւոյ :
Պարապեցի հանապազ 'ի սոսին, ե-
թէ 'ի հոգս և 'ի զբաղանս աշխար-
հայինս : — Խնդրեցի զշահ և զփա-
ռս եկեղեցւոյ՝ առաւել քան զան-
ձին : — Միթէ եղէ հետամուտ պա-
տուոյ և բարձից՝ աշխարհայնոց կամ
եկեղեցականաց : — Եղէ ժամավա-
ճառ 'ի սնուտիս և 'ի զբօսանս, կամ
'ի խնամն ումնպէտ իրաց : — Գոր-
ծեցի ինչ առ ականէ և 'ի հաճոյս
մարդկան, ապախա առնելով ըդ-
խիղչ և զպարտս իմ :

6. Միթէ սպատրուակաւ դար.
մանոյ կենաց՝ մթերեցի ինչս և ար-
ծաթ: — Յո՞ր և յո՞վ ծախեցի ինչս...
առ աղքամաս, առ հիւանդա, եթէ
'ի գրգա՞նս ինչ կենաց, յընծայիս
մարդելոյզս, 'ի գամագիւտ լինելերկ-
րաւոր բարեաց, և առ զի՞ և է աւե-
լորդ: — Յիշիցեմ զի ինձ քան այ-
լոց մարդկան՝ վայել և սպարաք ան-
հրաժարելիք են սէր և ողորմու-
թիւն, առանց որոյ չիք հնար աշա-
կերտ լինել, թող թէ սպաշտօնեայ
Քրիստոսի:

7. Զիա՞րդ շրջիմ յաշխարհի և
ընդ աշխարհիկս: — Լինիմ օրի-
նակ բարի ամենեցուն, մեծացուցա-
նելով յիս զնախօրինակն իմ զՔրիս-
տոս: — Մի՞ արդեօք ետու և աշ-
խարհայնոց տեղի դայթակլութեան
և բամբասանաց՝ անզգոյշ և անվայ-
ել ինչ բանիւք կամ գործով, կամ
կրիւք կամ ծաղու, և այլն: — Խօ-
սեցայ ինչ արդեօք նուաստս և երկ-
միսս զհաւատոց, և զոլաշտօնեից
եկեղեցւոյ, զբարեսպաշտից, զկար-
գաց և զհրամանաց առաջնորդոց:

է . Եղէ հնազանդ խմոց առաջ՝
նորդաց և գլխաւորի եկեղեցւոյս :
— Կատարեցի զհրամայեալն ինձ
՚ի նոցանէ : — Գործիցեմ զգործ
Տեառն նախանձու նորին և եռան-
դեամբ : — Պաշտեցի զհոգիս հա-
ւատացելոց՝ ազօթիւք , խրատու ,
քարոզութեամբ , և բարի վարուք :
— Ուսուցի զտղէտս . — կացի պաշտ-
ան սրբոյ վարդապետութե կրօ-
նիցս : — Լցի ըստ կամաց և կար-
դաց եկեղեցւոյ զամենայն պարտս
և պաշտամունս քահանայութեան :

Է . Զիա՞րդ կատարեցի զմեծ և
զծանը պաշտօն հօր խոստովանու-
թեան : — Կանխեցի խնդրեցի լոյս
յԱստուծոյ . — լուայ մատադիւր և
զգաստ . — Հարցի քննեցի չափով
և զգուշութեամբ , յորդորելով զե-
կեալն՝ յապաշխարութիւն և 'իսէր
ուղղութեան . — Ետու կամ զլացայ
ըստ արժանին զարձակումն մեղաց ,
— եզի պարտս քաւութեան և ա-
պաշխարանաց արդարակ և պիտա-
նացու : — Ազօթեցի վասն ապաշ-
խարոզաց և մեղաւորաց : — Փու-

թացայ կամ ջանացի՝ կոչել՝ ի խոս-
տովանութիւն զիմ՝ որդիացեալսն :
— Հրահանգեցի՝ զմանկունս և զար-
դէտս՝ ի պարտս քրիստոնէականս .
— պատրաստեցի՝ զնոսա յարժան
ընդունելութիւն սրբոյ հաղորդու-
թեան : — Խրատեցի՝ ըստ իւրաքան-
չեւր վիճակի և պիտոյից՝ զծնողս ,
զամուսինս , զտեարս , զծառայս , և
այլն :

Ո . Քննեցի՝ զպէտս և զվիճակ
հօտին խոյ : — Հոգացայ ուղել
զիւսամն , ընուլ զկարօտութիւնս ,
բառնալ զգայթակղութիւնս , շե-
նել՝ ի Քրիստոս : — Արարի՝ այց
հիւանդաց և նեղելոց . — Փութա-
ցայ՝ ի նոյն՝ յորժամ աղդ ինձ ա-
րարին , եթէ դանդաղեցի , կամ ըզ-
տկարութիւն պատճառեալ՝ ոչ չո-
դայ : — Միմիթարեցի՝ զվշտահարս .
արդահատեցի՝ զյուսաբեկս . յորդո-
րեցի՝ զանզեղս . յանդիմանեցի՝ զան-
հաւանս : — Հսկեցի՝ առ մահճօք
օրհասականաց . — կատարեցի՝ ըզ-
պարտս ճշմարիտ քահանայի , միայն
փրկութեան հոգւոց ուշ ունելով , և

ոչ մի ինչ երկրաւոր շահու և ակն-
կալութեան : — Ետու ձրի զձրեալն
ինձ՝ ի Քրիստոսէ շնորհս : — Պա-
հիցեմ վայելքապէս զկարգս և զը-
պաս և զաւանդս եկեղեցւոյս իմոյ :

Ժ . Մեռուցանեմ , Ճնշեմ զմար-
մինս իմ՝ որ զօր ամենային հաղորդի
ընդ մարմնոյն Քրիստոսի : — Ե-
ղեալ իցեմ պահապան խիստ ա-
չաց իմոց՝ չհայել յարատ , ունկան
և շրթանց՝ մի լսել և մի խօսել բը-
նաւ և մի ինչ անպատկառ և ան-
պատշաճ : — Սիրիցեն արդեօք Ճա-
շակք իմ և շօշափելիք զքաղցր և
զկակուլ , ոչ յիշելով զեւվին և ըդ-
փուշն Քրիստոսի : — Իցեմ ամե-
նսին զգաստ և պարկեշտ՝ ի կենա-
կցելն ընդ տարասեռս և ընդ ման-
կունա : — Խորհուրդք իմ իցեն միշտ
անարատք , կամ դարձյին վաղ վաղ
առ Աստուած :

ԺԱ . Հոգամ հանապազօր՝ ի սրբ-
բութիւն և՝ ի կատարելութիւն վա-
րուցս : — Քննեմ աւուր աւուր
զգործս և զգնացս իմ , և առաջա-
դրեմ ուղղել և կատարել : — Հրա-

ժարիցեմ' ի չարաչար սովորութեց
և 'ի կրից . — մարտնչիցիմ ընդ ունա-
կացեալս ախտից և թերութեանց :
— խոսառվանիցիմ ստէպ զմեղս իմ,
զնոր և զհին, մանաւանդ զմեծա-
մեծ անկղիտանսն, առ 'ի հաշտ պա-
հելց զԱստուած : — Աւնիցեմ եր-
բեք կրթութիւն հոգեւոր, սկարա-
պելով յաստուածայինս՝ զօր մի ող-
ջոյն ամսոյ ամսոյ, կամ 'ի մեծամեծ
տօնսն, կամ աւուրս ինչ 'ի տարւոջ :
— Յիշիցեմ զմօտալուտ և զանստոյդ
կատարած կենաց իմոց . և պատրաս-
տիցիմ 'ի մահ :

ԺԲ . Քաղցրանայցեն ինձ յիշա-
տակեք հանդերձելոց կենաց . փա-
փառիցեմ Ճողովրիլ 'ի կենցաղոյս և
մտանել առ Աստուած . եթէ վայ-
րասկար երկիւղիւ և թերահաւա-
տութեամբ խորշիցիմ 'ի վերջնոցն
իմոց : — Տամ' և յայսոսիկ օրինակ
արութեան առ ժողովուրդն : —
Համբերիցեմ վշտաց, ցաւոց, նա-
խատանաց, կարօտութեան, և ամե-
նայն անհաճոյից որ հանդիպինն :
— Կարդայցեմ յօդնութիւն դՏիւ-

բամայրն և զսութքս Աստուծոյ, և
իցեմ փութաջան և արդադիր ՚ի
պաշտօն նոցին: — Ո՞րքան սիրեմ
և ջանամ ՚ի կրթութիւն առա-
քինութեանց, մանաւանդ որոց
յոյժ սլէտս ունել գիտեմ: — Եւ
իցէ սիրտս իմ այս արդարե սիրտ
քահանայի Աստուծոյ, հանապաղ
նուիրեալ և պատրաստ առ նա
սութք, հեղ, խոնարհ, եռանդուն,
աշխարհութք, երկնափափագ....
— Իցե՞ն Ճմարիտ և անյողդողդ զըդ-
ջումն իմ, առաջադրութիւնք իմ և
ուխտք իմ:



ՅԱՂԱԳԻ ՔՆՆՈՒԹԵԱՆ ԽՂՃԻ

ՑԱՌԱՋ ՔԱՆ ԶՔԱՀԱՆԱՑԱԳՈՐ
ԾՈՒԹԻԻՆ

Ա. Ի վեր քան զամենայն, պարտ
է քահանայի Աստուծոյ մատչել՝ի
քահանայագործել և յընդունել
զայս խորհուրդ՝ բազում խոնար-
հութեամբ սրախ, և ողոքական յար-
դանօք . լի հաւատով, և բարեպաշտ
դիտմամբ փառացն Աստուծոյ : Ըզ-
դուշութեամբ քննեսջիր զիսիղձ' մը-
տաց քոց, և ըստ կարի ճշմարիտ
զզմամբ և խոնարհ խոստովանու-
թեամբ մաքրեալ սրբեսջիր, մինչեւ
չունել կամ չգտանել՝ի քեզ ծանր
ինչ, որ ստգաանիցէ զքեզ և չհա-
մարձակեցուսցէ՝ի մատչել : Ստըր-
ջասջիր յամենայն մեղաց քոց առ
հասարակ . և վասն հանասլազորդ
յանցուածոց առաւել լիցի քո զիղջ
և հեծութիւն : Եւ եթէ ժամանակն

երէ, խոստովան լեռ առաջի Աս-
տւծոյ ՚ի շտեմարանս սրտի զամե-
ռայն կրից քոյ թշուառութիւնս :

Բ. Հեծեծեա և ողբա, զի գեռ
այդալէս մարմնաւոր ես և աշխար-
հային. այդչափ անմեռ ՚ի կիրս
այդչափ լի խլրամամբք ցանելու-
թեանց. այդչափ անզգոյշ ՚ի զգայ-
ութիւնս արտաքինս. այդչափ մնո-
տի ցնորիւք ստէպ պաշարեալ. այդ-
չափ յօժարամիտ առ արտաքինս.
այդչափ հեղգասիրտ առ ներքինս.
այդչափ թեթե ՚ի ծաղը և ՚ի ցո-
փութիւն. այդչափ իստ ՚ի լալիւն
և ՚ի զղջումն. այդչափ պատրաս-
տական ՚ի թուլութիւն, և ՚ի մար-
մնոյ դիւրութիւն. այդչափ սղերդ
՚ի ճկունս և յեռանդն. այդչափ
ընդվայրաքնին ՚ի լսել զնորալուրս,
և ՚ի դեղոյ աչարձակութիւնս. այդ-
չափ մեղկ ՚ի ձեռնարկելն ՚ի խոնար-
հականս և յանարդս. այդչափ ցան-
կացող աւելաստացութեան. այդ-
չափ Ճիշդ ՚ի տալ. այդչափ ոիշտ ՚ի
պահել. այդչափ անխորհուրդ ՚ի
խօսս. այդչափ անժոյժ ՚ի լոել.

այդչափ անհեթեթ' իւլարս. այդչափ
դժպատեհ 'ի գործս. այդչափ զեղլս
'ի կերակուրս. այդչափ խուլ առ
բանն Աստուծոյ. այդչափ արագ 'ի
հանդիսատ. այդչափ յամբ յաշխա-
տութիւնս. այդչափ արթուն առ
առասպելս. այդչափ քնէած առ
սուրբ հսկմունս. այդչափ փութա-
ցող 'ի կատարածն. այդչափ ա-
սլուշ 'ի մտադրել. այդչափ հեղդ
'ի կատարել զժամակարգութիւնս.
այդչափ դաղջ 'ի ալատարագել. այդ-
չափ ցամաք 'ի հաղորդիլ. այդչափ
շոյտ 'ի ցնդել զմիսս. այդչափ դան-
դաղ 'ի հաւաքել. այդչափ դիւրա-
շարժ 'ի բարկութիւն. այդչափ վաղ-
վաղակ 'ի զզուել զայլս. այդչափ
յօժարամիտ 'ի դատել. այդչափ
սոսլու 'ի յանդիմանել. այդչափ ու-
րախ 'ի յաջողութիւնս. այդչափ
տկար 'ի վիշտս. այդչափ ստէսլ բա-
զում բարիս առաջադրես, և սա-
կաւս 'ի գործ դնես:

Գ. Զայս ամենայն, և զսոցին նը-
ման քո պակասութիւնս, բազում
ցաւովք և տկարութեան քո տաղտ-

կանօք՝ խոսատվանեալ և ողբացեալ,
հաստատութե առաջադրեա յա-
մենայնի ուղղել զվարս քո. և 'ի
լաւանդը յառաջադէմ լինել: Աստ
լիուլի նուիրմամբ և անթերի կա-
մօք մատո զանձն քո 'ի պատիւ ա-
նուան խմոյ՝ 'ի սեղան սրախ քո հա-
նապաղորդ ողջակէղ, զմարմին քո
և զհոդի ինձ յանձն արարեալ հա-
ւատարմութեամբ. որպէս զի ըստ
արժանեաց արժանասցիս մատչել
'ի մատուցանել Աստուծոյ զպա-
տարագ, և զխորհուրդ մարմնոյ ի-
մոյ ընդունել 'ի փրկութիւն:

Դ. Զ. Ե չեք նուէր ընտրելագոյն,
և մեծ հատուցումն 'ի քաւելզմեղս,
քան զնուիրել զանձն Աստուծոյ
մաքրութեամբ և ամբողջութեամբ՝
ընդ նուիրագործութեան մարմնոյն
Քրիստոսի 'ի պատարագի և 'ի հա-
ղորդութեան: Եթէ արասցէ մարդ
որ ինչ անկ է նմա, և սառւգու-
թեամբ ապաշաւեսցէ, քանիցս ան-
գամ վասն թողութեան և շնորհաց
առ իս մատչեցի, կենդանի եմ ևս,
առէ Տէր, որ ոչ կամիմ զմահ մե-

զաւորին , այլ զդաւնալ նորա և
զկեալ . զի զմեղս նորա ոչ ևս յի-
շեցից , այլ ամենայն թողցի նմա :
ՆՄԱՆՈՒԹԻՒՆ ՔՐԻՍՏՈՍԻ Դ . Է .

ԱՂՅԹԻ ԶԼԶԱԿԱՆՔ

Ա.

Տէր , տէր , տէր ամենակալ՝ ու
Եթէ կամիս և Եթէ ոչ՝ դու կեցո-
ղիս . և ես կաւ եմ և տխղմ , զի սի-
րեմ զմեղս . այլ դու որպէս ամե-
նազօր՝ խափանեա ղնա , և լոյծ զիս
՚ի մոլի մեղաց իմոց : Զի Եթէ ար-
դարոյն ողորմիս՝ ոչ մեծ է , և Եթէ
զսուրբն կեցուցանես՝ ոչ են սքան-
չելիք , զի արժանի ողորմութեան
են նորա : Այլ ՚ի վերայ մեղաւորիս
սքանչացո զգթութիւն քո , և յիս
ցոյց զանթիւ ողորմութիւն քո Տէր ,
քանզի ՚ի քեզ թողեալ է աղքատն ,
և անկելցն դու ես օդնական :

Բ.

Երկնաւոր թագաւոր որ վասն
դիւտի միոյ մեղաւորի՝ զջայր և ըգ-
չողի հանդերձ հրեշտակօքն ուրա-
ցցուցեր, ապա մի յապաղեսցէ
յինէն գութ ողորմութեան քո ·
դիտ զկորուսեալս մեղօք 'ի խորս
հնդոց, և արա խրախութիւն 'ի
ոճունս երկնաւորացդ · կանդ-
նեա զզլորեալս 'ի մեղաց, լուսաւո-
րեա զխաւարեալս, սրբեա զաղաե-
զեալս, գարձո զմոլորեալս · Մի թո-
ղուր զիս 'ի կամս անձին խմոյ դնալ,
զի մի տիրեսցեն ինձ ամենայն մեղօք
իմ · Խնդրեմ, Տէր, հայցեմ և բա-
խեմ, բաց ինձ, Տէր, զդուռն ողոր-
մութեան քո · Մի ընդ վայր և 'ի
զուր լիցի այնքան աշխատութիւնն
վասն իմ, զոր կրկցեր 'ի Գողգոթա-
խաչն, բեկոքն, ծարաւն, լեզին,
քացախն, հարուածք տիգին, հե-
ղումն արեանդ, ձայնն ահաւոր,
զուռմն ուժդին, բարբառն էլի էլի ·

նա և այլ ամենայն վիշտքն՝ զոր կրեցեր վասն կորուսէլցս։ Վասն որոյ միջնորդ և բարեխօս ունիմ առ քեզ զփրկարար տնօրէնութեամբ ըղկիրսն . փրկեա զմեղուցեալս 'ի սպառնալեաց դեհենոյն , և հանգո զգինս արեան անեղիդ յերկնային յառագասան լուսոյ . զի ընդ ամենայն սուրբս քո փառաւորեցից ըղքեզ ընդ հօր և ընդ հոգւոյդ սրբոյ , այժմ և միշտ և յաւիտեանս յաւիտենից . ամէն :



ԱՂՕԹՎ

Պ Ա Տ Ր Ա Ս Ո Ւ Ի Թ Ե Ա Ն

Պ Ա Տ Ր Ա Գ Ե Լ Ո Յ

Քահանայք քո զգեցցին զարդարութիւնն և սուրբք քո ցնծալով ցնծասցեն :

Յիշեա, Տէր, զԴաւիթ և զամենայն հեղութիւննորա :

Որպէս երգուաւտեառն, և ուխտը եղ Աստուծոյ Յակոբայ :

Թէ ոչ մաից 'ի յարկս տան խոր, թէ ելից յանկողինս մահճաց խոր :

Թէ տաց քուն աջաց խոր, կամ նինջ արաւանաց խոր, կամ հանգիստ իրանաց խոր, մինչեւ գաից զտեղի յարկի տեառն Աստուծոյ Յակոբայ :

Ահա լուաք զնմանէ յԵփրաթա, և գտաք զնա 'ի գաշտս մայրեաց :

Մացուք 'ի յարկս նորա, երկիր

սլաղցուք՝ ի տեղւոյ՝ ուր կացեալ
են ոտք նորա:

Արի տէր՝ ի հանդիսա քո, գու
և տապանակ կտակի սրբութե քո:

Երիցունք քո զգեցցին զարդա-
րութիւն, և սուրբք քո ցնծալով
ցնծասցեն:

Վասն Դաւթի սիրելոյ քո մի
դարձուցաներ զերեսս քո յօծելոյ
քումմէ:

Երդուաւ տէր Դաւթի ճշմար-
տութեամբ, և ոչ ստեաց նմա, 'ի
սպազոյ որովայնէ քումմէ նստուցից
յաթոռ քո:

Թէ պահեսցեն որդիք քո զօրէնս
իմ, և զվկայութիւնս իմ՝ զոր ու-
սուցից նոցա:

Որդիք նոցա նստցին յաւիտեանս
յաւիտենից յաթոռ քո:

Հաճեցաւ տէր ընդ Սիոնին,
ընտրեաց ընակել՝ ի նմա • ասէ՝ այս
է հանդիսա իմ յաւիտեանս յաւի-
տենից • 'ի սմա ընակեցայց, զի հա-
ճեցայ ընդ սա:

Զորս սորա օրհնելով օրհնեցից,
և զաղքատս սորա լցուցից հացիւ:

Քահանայից սորա զգեցուցից
զփրկութիւն, և սուրբք սորա ցըն-
ծալով ցնծասցէն :

Աղդ ծագեցից զեղիւր 'ի Դա-
ւիթ, պատրաստ արարից զՃրագ
օծելոյ խմոյ :

Թշնամեաց նորա զգեցուցից զա-
մօթ, այլ 'ի վերայ նորա ծաղկես-
ցէ սրբութիւն խմ : — Փառք հօր :

ՍԱՂՄ. ձԼԱ :

ՔԱՐՈԶ

Եւ ևս խաղաղութեան զտեր ա-
զաւսցուք .

Խնդրեսցուք հաւատով միաբա-
նութեամբ 'ի Տեառնէ, զի զողոր-
մութեան զշնորհս իւր արասցէ 'ի
վերայ մեր . ամենակալ տէր Առ-
տուած մեր, կեցն և ողորմեա :

Տէր ողորմեա (Ժը անդամ) :

ԱՂՅԹԻՔ

Որ զգեցեալ ես զլոյս որսկս հան-
դերձ, տէր մեր Յիսուս Քրիստոս,

անձառելի խոնարհութե՛ ի յերկը
 երեւեցար և ընդ մարդկան շրջեցար .
 որ եղեր քահանայալեա յառի-
 տենից ըստ կարգին Մելքիսեդեկի ,
 և զարդարեցեր զեկեղեցի քո սուրբ :
 Տեր ամենակալ , որ պարզեցեցեր
 մեզ զնոյն զերկնային հանդերձ ըղ-
 գենուլ , արժանի արա և զիս 'ի ժա-
 մուս յայսմիկ զանպիտան ծառայս
 քո , որ համարձակիմս և մերձենամ
 'ի նոյն հոգեոր պաշտօն փառաց
 քոց . որսկս զի զտմենայն ամսղա-
 րըշտութիւնս մերկացայց , որ է հան-
 դերձ սլղծութեան , և զարդարե-
 ցայց լուսով : Ընկեա յինէն
 զշարիս իմ , և թօթափիեա զյան-
 ցանս իմ , որսկս զի արժանի եղեց
 հանդերձեալ լուսոյդ առ 'ի քէն :
 Ծնորհեա ինձ քահանայական փա-
 ռօք մտանել 'ի պաշտօն սրբութեց
 քոց ընդ այնոսիկ՝ որ անմեղութե՛
 պահեցին զպատուիրանս քո . զի
 և ես պատրաստ գտայց երկնաւոր
 առագաստիդ ընդ խմաստուն կու-
 տանսն , փառաւորել զքեղ Քրիս-
 տոս՝ որ բարձեր զմեղս ամենեցուն :

Զի դու ես սրբութիւն անձանց
մերոց և քեզ բարերարիդ Աստու-
ծոյ վայելէ փառք իշխանութիւն և
պատիւ այժմ և միշտ և յաւի-
տեանս յաւիտենից ամէն :

Մատուցանեմ քեզ, Տէր, զակա-
տարագս զայս անարատ մարմնոյ
և պատուական արեան միածնի քո,
ըստ արարողութեան սրբոյ Եկե-
ղեցւոյ, 'ի փառս և 'ի պատիւ ա-
նուանդ քում սրբոյ, և ամենայն
սրբոց քոց : Որպէս զի լիցի սա 'ի
փրկութիւն ինձ և ամենայն ուխտի
մանկանց Եկեղեցւոյ, և ամենեցուն՝
որք պատուիրեցին ինձ հաւատով :
Սովաւ շնորհեա զանշարժ խաղա-
ղութիւնն առաքելական սուրբ Եկե-
ղեցւոյ . խնդութիւնն և խաղաղու-
թիւնն և առաքինի վարս, ապաշխա-
րութիւնն 'ի բոլոր սրտե, զշնորհս
և զմիսիթարութիւնն հոգւոյդ սրբոյ .
և հաստատութիւնն 'ի դործս բա-

բութեան պարզեցա մեղ սովաւ ,
ամենակալ և մարդասէր Տէր * :

ԱՌ ՍՈՒՐԲ ԱՍՏՈՒԾԱԾԽՆԸ

Ողորմած գթած և ամենօրհնեալ
սրբուհի . մեղուցեալ և անարժան
քո ծառայս 'ի բոլոր սրտե և 'ի բո-
վանդակ մտաց առ քեզ ապաւի-
նիմ , և աղաջեմ զգթութիւն քո .
զի որսկէս կայիր առ խաչին միածնի
որդւոյ քոյ , և այժմ կացցես առ
ընթեր ինձ մեղաւորիս , և որոց ընդ-
ամենայն եկեղեցիս պատարագէն
քահանայք : Որսկէս զի քոյին բա-
րեխօսութեամբդ արժանաւոր լի-
ցուք մատուցանել պատարագ ընդ-
ունելի անբաժանելի սուրբ Նըրոր-
դութեանն . որում վայելէ փառք ,
իշխանութիւն և պատիւ . այժմ և
միշտ և յաւիտեանս յաւիտենից .
ամէն :

* Յառըսլիւն պապժոյ Տ ամաշ շնոր-
հէալ 'ի Գրիգորէ ՓԴ Տապուշողայ զա-
լօնն զայս նախ քան կառւը պապարագն :

Եւ լուսացէ տահանայն զիշեռոն , առելով
Սաղմ. 116 :

Լուսացայց սրբութե զձեռս իմ ,
և շուրջ եղէց զսեղանով քո , Տէր :
Դատարանձ , Տէր , զի ես յամը
բըծութեան խմում գնացի . 'ի Տէր
յուսացայ զի մի եղէց հիւանդ :

Փորձեա զիս , Տէր , և քննեա զիս .
Գործեա զերիկամունս իմ և զսիրտ
իմ :

Ողորմութիւն քո , Տէր , առաջի
աչաց իմոց . և հաճոյ եղէց ճշմար-
տութեան քում :

Ոչ նստայց ես յաթոռս նանրաց ,
և ընդ անօրէնս ես ոչ մտից :

Ատեցի ես զժողովս չարաց , և
ընդ ամսկարիշաս ես ոչ նստայց :

Լուսացայց սրբութեամբ զձեռս
իմ , և շուրջ եղէց զսեղանով քո ,
Տէր :

Լակէ ինձ զձայն օրհնութեան
քո , և պատմել զամենայն սբանչէ-
լիս քո :

Տէր, սիրեցի զվայելըութիւն տանքո, և զաեղի յարկի փառաց քոց :

Մի կորուսանելը ընդամնպարիշտուղանձն իմ, և մի ընդ արս արիւնահեղս զկեանս իմ :

Որոց ձեռք իւրեանց յանօրենութեան են, և աջ նոցա լի է կաշտոք :

Ես յամբծութեան խմում գնացի, վրկեա զիս, Տէր, և ողորմեա ինձ :

Ոտն իմ կացցէ յուղպութեան, յեկեղեցիս մեծս օրհնեցից զքեղ :
Փառք հօր :

Եւ դիշէ յառաջ զիսոյըն՝ ի գլուխին, և ասասիցէ :

Դիր, Տէր, սաղաւարտ վրկութեան՝ ի գլուխ իմ, պատերազմել ընդ զօրութիւնս թշնամոյն : Ընորհօք տեառն մերոյ Յիսուսի Քրիստոսի . որում վայելէ փառք, իշխանութիւն և պատիւ, այժմ և միշտ և յաւիտեանո յաւիտենից . ամէն :

Ըստին :

Զգեցո ինձ, Տէր, հանդերձիր
կութեան, և պատմուժան ուրա-
խութեան, և շուրջ պատեա զգես-
տովս փրկութեան։ Ծնորհօք տեառն
մերոյ Յիսուսի Քրիստոսի և այլն։

Գօդակոյն :

Ծուրչ պատեսցէ կամար հաւա-
տոյ զմէջս սրտի իմոյ և զմաաց, և
շնջուսցէ՝ ի սմանէ զնորհուրդս աղ-
տելիս, և զօրութիւն շնորհաց քոց
յամենայն ժամ բնակեսցէ՝ ի սոսա։
Ծնորհօք տեառն մերոյ։

Բաղդանին :

Տուր, Տէր, զօրութիւն ձեռին ի-
մոյ, և լուա զամենայն աղտեղու-
թիւնս իմ, որպէս զի կարօղ լինի-
ցիմ սպասաւորել քեզ անախտու-
թեամբ հոգւոյ և մարմիոյ։ Ծնոր-
հօք տեառն մերոյ։

Աւբաբեն :

Զգեցո, Տէր, պարանոցի խմոյ զար-
դարութիւն, և սրբեա զսիրտ իմ
յամենայն աղտեղութենէ մեղաց :
Ծնորհօք տեառն մերոյ :

Կաֆորսին, որ է շնորջառն :

Տէր, ողորմութեամբ քով զգեցո
ինձ զգեստ պայծառ, և պարսպեա
ընդդեմ ներգործութեան չարին .
զի արժանի եղէց փառաւորել զքո
փառաւորեալ անունդ : Ծնորհօք :

Ցնծասցէ անձն իմ 'ի Տէր, զի
զգեցոյց ինձ հանդերձ փրկութեան
և պատմուձան ուրախութեան :
Երեւ փեսայի եդ ինձ պսակ, և որ
պէս զհարսն զարդու զարդարեաց
զիս : Ծնորհօք տեառն մերոյ Յի-
սուսի Քրիստոսի :

Ա.

Մեղայ յերկինս և առաջի քոյ .
ընդ անառակ որդւոյն պատկառեցելս՝ հայրենի գթոյդ վերստին դարձեալ թախանձ արկանեմ. զողորմելին ձայն աղերսանաց՝ արտօսրածին ողբովք գոչման՝ ի տիտուր դէմս մատուցեալ առաջի քոյ տարածանեմ: Հայր գթութեանց Աստուած բոլորից, չեմ արժանի կոչիլ և ոչ մնաւին առ այս անուանիլ, ոչ մի այն որդի, այլ և անպիտան ասկառն վարձկան: Ընկալ զառվեալս ուարագրական, պարտական միտուց. և զցաւ քաղցոյս լվանաց նեղոյսնուաղեցելսո՝ կենաց քո հայիւդ բժշկեացես: Եկը ընդ առաջ քո ողորմութեամբդ՝ ի սկզբնաւորս սպաւինութեան. զգեցո, գթած և մնոխակալ, անօրինեալս մեղապարոի՝ զնախակապուտ հանդերձին

ծածկոյթ . աւանդակորոյս ձեւացս
 աղտեղեալ մեղօք՝ զի՞նիք մատա-
 նւոյն համարձակութեան ամենա-
 ռատ կամօք մատուցես . զգարշա-
 պարացս թշուառութիւն մերկու-
 թեան ոտիցս՝ պատսպարութեամբ
 աւետարանական ամրավերարկու-
 օդիցս կօշկաց՝ 'ի յօձին թիւնից միշտ
 ամրացուցես : Զդուարակդ սլա-
 րարակի եղինդ երկնայնոյ , որ է
 միածին որդիդ քո՝ օրհնեալ խկա-
 պէս մարդասիրութեամբ , կարօ-
 տելոյս բարեաց նուիրեա . որ մա-
 տուցեալ միշտ , և անպակաս մնայ
 'ի լրութեան . յարակայ զենեալ՝ 'ի
 սպանդարանի անթիւ սեղանոց ան-
 սպառութեամբ . բոլոր յամենեսին
 և բնաւ յամենայնում . էութեամբ
 յերկինս և խկութեամբ 'ի ստո-
 րինս . աննուազ մարդկութեամբ և
 անթերի աստուածութեամբ՝ փըշ-
 րեալ և բաշխի 'ի մասունս անհատս ,
 զի զհամայնն հաւաքեսցէ առ 'ի
 նոյն մարմին խրումն գլխոյ : Քեզ
 փառք ընդ նմին , չայր ողորմութե ,
 յաւխեանս . ամեն : — ՆԱԲԵԿ . Իի :

Բ

Տէր Աստուած մեր, արժանաւորեա զիմանարժանութիւնս՝ որբազում մեղօք շաղախեալ եմ. մի անարժան համարիր զիս, տէր Աստուած իմ. ահա մերձենամ յաստուածային և յերկրագելի քո սեղանս, ոչ եթէ արժանի ինչ գոլով, այլ 'ի քո բարերարութիւնդ հայելով՝ արձակեցից զայս ձայնս. Աստուած՝ քաւեա զիս զմեղաւորս. զի մեղայ յերկինս և առաջի քո. և ոչ եմ արժանի ականատես լինել քահանայական և հոգւորական սեղանոյս, յորում տէրդ մեր և Աստուած Յիսուս Քրիստոս միածին որդիդ քո՝ ինձ մեղաւորիս և ամենախղճիւ լցելոյս խորհրդաբար կայ առաջի զենումն: Ի ձեռն որոյ զպատարագս քեզ մատուցանեմ առ 'ի յառաքել ինձ զմիսիթարիչ և զբարերար զամենասուրբ հոդիդ, զօրացուցանելով և հաստատելով զիս

առ՝ ի յաստուածային յայս քա-
 հանայութիւնս, և առ՝ ի քէն ինձ
 ժողովուրդս խոստացեալ։ Օրհ-
 նեալ ես գալստեամբդ քո առ մեղ,
 Քրիստոս Աստուած մեր որդի Աս-
 տուծոյ և ամենասուրբդ ՚ի Հօրէ,
 կամակցութեամբ սուրբ Հոգւոյն՝
 Եկիր և կեցուցեր զմեղ Աստուածդ
 մեր ողորմեցար չողորմելոցս, կան-
 գնեցեր զգլորեալքս, հանդէս արա-
 բեր փրկութեան մերում։ Վասն
 բազում մարդասիրութեանդ քո
 զիմ զանարժանութիւնս արժանա-
 ւորեցեր և կարգեցեր առաջի սըր-
 բոյ սեղանոյս։ Վասն այսորիկ, Աս-
 տուած իմ, մի անարգեր զիս ՚ի ժա-
 մուս յայսմիկ, այլ անցո յինչն
 զյանցանս իմ, և լուա զաղտ հոգւոյ
 և մարմնոյ իմոյ, և տուր ինձ հա-
 մարձակութեամբ օրհնել զքեղ
 կենդանիդ Աստուած, ՚ի հաճոյս ա-
 մենասուրբ անուանդ Հօր և Որդւոյ
 և Հոգւոյդ սըրբոյ։ այժմ և միշտ և
 յաւիտեանս յաւիտենից ։ ամէն։

¶

Տէր Աստուած մեր, որ ստացար
 զմեղ և ածեր 'ի կենդանութիւն,
 և ցուցեր մեղ ճանապարհ փրկու-
 թեան, և զերկնային խորհրդոց
 քոց յայտնութիւն. քանզի դու ես
 որ եղիր զմեղ 'ի սպասաւորութիւն
 յայս զօրութեամբ հոգւոյդ քո սրբ
 բոյ. արդ բարեհաջեցիր և այժմ,
 Տէր, լինել մեղ սպասաւորս սրբոյ
 քո խորհրդոյ: Ընկալ զմեղ զմեր-
 ձաւորեալքս սրբոյ քում սեղանոյս՝
 ըստ բազում գթութեան քում.
 զի եղիցուք արժանի մատուցանել
 քեղ զբանաւոր պատարագս զայս
 և զանարիւն զենումնս՝ վասն մեղաց
 մերոց և ժողովրդեանս անդիտու-
 թեան. զորս առ ընկալ, Տէր, 'ի քո
 սուրբ յերկնային և յիմանալի սե-
 ղանդ՝ 'ի հոտ անուշից. և փոխանակ
 առաքեա 'ի մեղ զշնորհս հոգւոյդ
 սրբոյ: Վերանայեաց 'ի մեղ Տէր, և
 'ի պաշտօնս յայս, և ընկալ զստ

որպէս զԱբելի զընծայմն , զԵոյի զԵնմունս , զԱբրահամու զողջակէզն , զՄովսէսի և զԱհարովիի ըղքահանայութիւնսն , զԱմուէլի զիսաղաղականսն : Եւ որպէս ընկալար 'ի ձեռաց սրբոց առաքելոցն զՃշմարիտ սկաշտօնս զայս , դու ինքն Տէր , ընկալ և 'ի ձեռաց մերոց մեղաւորացս զպատարագս զայս քաղցրութեամբ քով . զի արժանի լիցուք սպասաւորել անբիծ սրտիւ սրբոց քում սեղանոյս , և դացուք վարձս հատուցման ընդ քոց արդար և հաւատարիմ տնտեսացն . բարեխօսութեամբ ամենասրբուհւոյ Աստուածածնին և ամենայն սրբոց քոց , վասն դժութեց միածնի որդւոյ քո տեառնդ մերոյ Յիսուսի Քրիստոսի . ընդ որումօրհնեալ ես , Հայր ամենակալ , հանդերձ ամենասուրբ և բարերար քո Հոգւովդ , այժմ և միշտ և յաւիտեանս յաւիտենից . ամէն :

¶

Տէր Աստուած մեր առաքեա ինձ
զօրութիւն՝ ի բարձանց, և զօրացո
զիս՝ ի սպասաւորութիւնս քոյայս
զի անդատասպարտ կացից առա-
ջի սրբոյ քո սեղանոյս, մատուցա-
նել զանարատ քո զենումնս. վասն
զի դու ես փրկութիւն մեր, որ օրհ-
նես և սրբես զամենայն, Քրիստոս
Աստուած մեր: Եւ քեզ ընդ հօր
և ընդ սուրբ Հոգւոյդ փառս մա-
տուցանեմք, այժմ և միշտ և յա-
ւիտեանս յաւիտենից. ամեն:

ԵՐԳ ՄԱՂԹԱՆԱՑ

Ա. Ռ Հ Ո Գ Ի Ն Ս Ո Ւ Բ Բ

Եկ սուրբ Հոգի՝ ստեղծող էից,
Յայց ել մըտաց քոյց ծառայից.
Եւ վերնական շնորհօք քո լից
Ըզքո ստեղծեալ սիրտ բոլորից:

Մըխիթարիչդ ամենայնի ,
 Եւ բարձրելոյն պարզե բարի ,
 Աղբիւր կենաց հուր կենդանի ,
 Սէր և օծումն իմանալի : [ըին ,
 Դու եօթնարփեան շընորհք վէ .
 Մատն հայրական աջոյ ձեռին ,
 Դու աւետիք հօր բարձրելոյ ,
 Որ տաս բարբառս բերանոյ :
 Վառեա ըզլոյս 'ի զգայարանս ,
 Հեղ ըզսիրոյ քո ըզհոսանս .
 Զտըկարութիւն մարմնոյ մերոյ ,
 Միշտ զօրութեամբ քո ամրացո :
 Ի բաց վանեա զթշնամութիւն ,
 Եւ սլարգեեա զխաղաղութիւն .
 Զի քե յաւետ առաջնորդեալ ,
 Առ 'ի չարեաց լիցուք զերծեալ :
 Տուր ճանաչել մեզ քե ըզհայր ,
 Եւ զՄիածին իւր հաւասար ,
 Եւ յերկոցունց զհոգիդ բղխեալ ,
 Յամենայն ժամ սերտ հաւատալ :
 Փառք պատիւ հօր Աստուծոյ ,
 Եւ Միածնին յարուցելոյ .
 Հոգւոյն սրբոյ մըխիթարչի ,
 Այժմ և յաւետ անլըռելի . ամեն :

ԱՂՋԻԹԵԱՆ

ԳՈՀՈՒԹԵԱՆ

Օրհնեցից զտէր յամենայն ժամ,
յամենայն ժամ՝ օրհնութիւն նորա
'ի բերան իմ:

Ի տէր պարծեսցի անձն իմ, լուի-
ցեն հեղք, և ուրախ եղիցին:

Մեծ արարէք զտէր ինեւ, և բարձր
արասցուք զանուն նորա'ի միասին:

Խնդրեցի 'ի տեառնէ, և լուաւ
ինձ. յամենայն նեղութենէ իմմէ
փրկեաց զիս:

Մատիք առ տէր և առէք զլոյս,
և երեսք ձեր մի ամաչեսցեն:

Այս աղքատ կարգաց առ տէր,
և տէր լուաւ սմա. յամենայն նե-
ղութենէ սորա փրկեաց զսա:

Բանակ հրեշտակաց տն շուրջ
է զերկիւղածովք իւրովք, և պահէ
զնոսա:

Ճաշակեցէք և տեսէք զի քաղցր
է տէր . Երաննեալ է այր որ յուսաց
'ի նա :

Երկերուք 'ի տեսոնէ ամենայն
սուրբք նորա . զի ոչ ինչ է պակա-
սութիւն երկիւղածաց նորա :

Մեծամեծք աղքատացան և քաղ-
ցեան . բայց ոյք խնդրեն զտէր՝ մի
պակասեսցէ 'ի նոցանէ ամենայն բա-
րութիւն :

Եկայք որդեակէք իմ և լուարուք
ինձ , և զերկիւղ տեսոն ուսուցից
ձեզ :

Ո՞վ է մարդ՝ որ կամի զկեանս ,
սիրէ զաւուրս իւր տեսանել 'ի բա-
րութեան :

Լռեցո զլեզու քո 'ի չարութե-
նէ . շրթունք քո մի խօսեսցին զնեն-
դութիւն :

Խոտորեա 'ի չարէ , և արա զբա-
րի . խնդրեա զխաղաղութիւն , և
երթ զհետ նորա :

Աչք տեսոն 'ի վերայ արդարոց ,
ականջք նորա 'ի վերայ աղօթից
նոցա :

Երեսք տեսոն 'ի վերայ չարա-

դործաց, սատակել յերկրէ զվիշատակս նոցա :

Կարդացին արդարք առ տէր՝ և տէր լուաւ նոցա, յամենայն նեղութենէ նոցա փրկեաց զնոսա :

Մերձ է տէր առ այնոսիկ՝ որ մաղեալ են սրտիւք, և զխոնարհս հոգւով կեցուցանէ :

Բազում նեղութիւնք են արդարոց. յամենայնէ փրկէ զնոսա տէր. և պահէ զամենայն ոսկերս նոցա, և մի 'ի նոցանէ ոչ փշրեսցի :

Մահ մեղաւորի չար է, բայց որ ատեայ զարդար՝ զղջասցի :

Փրկէ տէր զանձինս ծառայից իւրոց, մի զղջասցին ամենեքեան ոյք յուսացեալ են 'ի նա : Փառք հօր :

(ՍԱՂ. 1.9.)

Ա.

Գոհանամ զքէն հայր ամենակալ, Աստուած յաւիտենական, որ զմեղուցեալ և զանարժան ծառայս քո ոչ ըստ իմոց ինչ բարե-

գործութեանց՝ այլ ըստ բաղում
 ողորմութեան քո արժանի արա-
 բեր հաղորդակից լինել սուրբ մար-
 մնոյ և արեան միածնի քո : Եւ
 այժմ աղաչեմ զքեղ, մի լիցի սա
 ինձ 'ի դատապարտութիւն, այլ 'ի
 քաւութիւն և 'ի թողութիւն մե-
 ղաց, սպառազնութիւն հաւատոյ,
 և վահան ամրութեան կամաց ընդ-
 դէմ չարին : Արբեա զիս սոքօք յա-
 մենայն ախտից . հեռացո յինէն զա-
 մենայն աշխարհական ցանկութիւն,
 և տալաւորեա յիս զսէր, զհամբե-
 րութիւն, զխոնարհութիւն, զհլու-
 թիւն, և զամենայն գործս առաքի-
 նութեան : Ամրացո զիս, տէր, յա-
 մենայն դարանակալութեանց ե-
 րեելի և աներեոյթ թշնամոյն :
 Խաղաղացո զամենայն զդնացս հո-
 գւոյ և մարմնոյ խմոյ . յօդեա զիս
 ընդ քեղ անմեկնելի, և տուր ինձ
 մեռանել սրբութեամբ . զի արժա-
 նի եղէց ուրախութեան սեղանոյ
 երկնից արքայութեանդ, ուր նբք
 ամենայն լուսով քո լցեալ, միշտ և
 հանապաղ ուրախանան յանսպառ

ուրախութիւնսն, երանաւետեալք
'ի Քրիստոս Յիսուս 'ի տէր մեր. ո-
րում վայելէ փառք իշխանութիւն
և պատիւ այժմ և միշտ և յաւե-
տեանս յաւիտենից. ամէն:

Բ

Աղաչեմ զքեղ, մարդասէր փըր-
կիչ, չարչարանք քո լիցի ինձ 'ի զօ-
րութիւն և 'ի պարիսպ ամրութե. •
վէրք քո լիցին յարբումն և 'ի ճա-
շակ քաղցրութեան, յագենալ ինձ
նոքօք և զմայլիլ. ցող արեան քո
լիցի 'ի լուացումն ամենայն մեղաց
իմոց, և մահ քո ինձ փառք մշտըն-
ջենաւոր. և 'ի նոսին լիցի ինձ սփո-
փումն և բերկրութիւն, կեանք և
քաղցրութիւն: Եւ քեղ ընդ Հօր
և ընդ սրբոյ Հոգւոյդ վայելէ փառք
իշխանութիւն և պատիւ, այժմ և միշտ
և յաւիտեանս յաւիտենից. ամէն*:

* Թաղւանիւնան պատժոյ Ե աւուրդ շնոր-
հեաւ 'ի Պիոսէ Թ. Տափուացողաց պաղօն-
ուայս զինի սրբոյ պատժարագին:

¶

Հոգի Քրիստոսի, սրբեա զիս .
մարմին Քրիստոսի, կեցո զիս . ա
րիւն Քրիստոսի, արբո զիս . աղ-
բիւր կողին Քրիստոսի, լուա զիս .
քիրան Քրիստոսի, կենագործեա
զիս . չարչարանք Քրիստոսի, զօրա-
ցո զիս : Մարդասէր Յիսուս, լուր
ինձ . 'ի վէրս քո ամրացո զիս, և մի
ընկենուր զիս յերեսաց քոց . 'ի
նենգութենէ չարին պահեա զիս . 'ի
ժամ մահուան խոյ՝ կոչեա զիս առ
քեզ, և ընկալ զիս . ընդ սրբոց քոց
հրեշտակաց օրհնեցից զքեզ յա-
ւիտեանս . ամէն :

¶

Գոհանամք զքէն մարդասէր տէր
և բարերար հոգւոց մերոց, զի երկ-
նաւոր և անմահ խորհրդոց քոց
արժանաւորեցեր զմեզ . և արդ ուղ-

ղածեեա զՃանապարհս մեր, կեցո
զմեղ զամենեսեան Երկիւղիւդ քո
սրբով. սլահսլանեա զկեանս մեր,
հաստատեա զշաւիղս մեր. աղաճա-
նօք սրբուհւոյ և փառաւորեալ Աս-
տուածածնիդ, և աղօթիւք ամե-
նայն սրբոց քոց. զի դու ես սրբու-
թիւն մեր, քեղ փառս մատուցա-
նեմք այժմ և միշտ և յաւիտեանս
յաւիտենից. ամէն:

Ե

Տէր՝ աէր Աստուած մեր, Աս-
տուած կենդանարար, դու ուսո
մեղ դոհանալ զքէն արժանապէս
յաղագս բարերարութեանց քոց,
զոր արարեր մեղ և առնիցես:
Դու ես Աստուած մեր որ ընկալար
զպատարագս զայս, մաքրեա զմեղ
յամենայն սղծութենէ հոգւոյ և
մարմնոյ: Ուսո մեղ զկատարեալ
սրբութիւն Երկիւղիւդ քով. որ-
պէս զի մաքուր վկայութեամբ մը-
տաց մերոց ընկալցուք զմասն՝ ի

սրբութենէս քումմէ , և միաւո-
րեսցուք ընդ սուրբ մարմնոյ և ա-
րեան Որդոյ քո . ընդունելով 'ի
սմանէ արժանասլէս , ընկալցուք
զՔրիստոս ընակել 'ի մեզ , և եղի-
ցուք տաճար հոգւոյդ քում սրբ-
ոյ : Այո , Աստուած մեր , մի դոք
'ի մէնջ պարտական արասցես սոս-
կալի և երկնաւոր խորհրդոյս այս-
միկ . և մի տկարասցի հոգի և կամ
մարմին անարժանութեամբ 'ի սմա-
նէ հաղորդելով . այլ տուր մեզ մին-
չե 'ի վերջին շունչ մեր արժանա-
պէս ընդունել զսրբութիւնս զայս
առ 'ի թոշակ կենացն յաւիտենից ,
առ 'ի պատասխանատրութիւնն հա-
ճոյական . զի եղիցուք և մեք հա-
զորդս քոց յաւիտենական բարու-
թեանցդ , զոր պատրաստեցեր սի-
րողաց քոց , Տէր :

9

Դարձեալ բազում անգամ ա-
ռաջի քո անկանիմ , և 'ի քէն հայ-

ցեմ բարելար և մարդասէր . որ-
պէս զի նայելով յաղաճանս մեր ,
մաքրեսցես զհոգի և զմարմինս մեր
յամենայն աղտեղութենէ , և տա-
ցես մեղ անամօթս և անդատա-
պարտս կալ առաջի սրբոյ սեղա-
նոյ քոյ : Ընորհեա , Աստուած , և
աղօթակցաց մերոց յառաջադիմու-
թիւն կենցաղս և հոգեւորական
հանձարոյ . տուր նոցա հանապաղ
երկիւլիւ և սիրով պաշտել զքեղ ,
և անամօթս և անդատապարտ հա-
ղորդիւլսրբոյ քոյ խորհրդոյ , և երկ-
նային քո արքայութեանդ արժա-
նաւորիւ . որպէս զի ընդ հովանեաւ
քո պահպանեալք հանապաղ՝ քեղ
փառս վերառաքեսցուք չօր և Որ-
դոյ և հոգւոյդ սրբոյ , այժմ և միշտ
և յաւիտեանս յաւիտենից . ամէն :

Է

ԱՌ ՍՈՒՐԲԻ ԱՍՏՈՒԱՆԱՇԽԵՆՆ

Աղաչեմ զքեղ սուրբ կոյս Մա-
րիամ Աստուածածին , վերօրհ-

նեալդ՝ ի յերկինս և՝ ի յերկրի. որ
զհաստիչն ամենայն եղականաց ար-
ժանի եղեր կը եւ յորովայնի, զորոյ
զնոյն ճշմարիտ մարմին և արիւն
անարժանս ընկալայ, 'ի ձեռն սուրբ
կուսութեան քո և խոնարհութե,
և վասն չարչարանաց և մահուան
միածնի քո, բարեխօս լեր առ նա
վասն իմ մեղաւորիս. զի որ ինչ
յանցեայ 'ի սուրբ քահանայագոր-
ծութեանս անդիտութեամբ, հեղ-
դութեամբ և տարտամութեամբ,
քոյին ընդունելի բարեխօսութեամ-
բըդ թողցէ ինձ. ամէն :

Է

ԵՐԳ ԳՈՀՈՒԹԵԱՆ

Ըղքեղ Աստուած դովաբանեմք,
Եւ ըղքեղ Տէր խոստովանեմք.
Ըղքեղ Հայր մեր անժամանակ
Պաշտէ Երկիր առ հասարակ:
Քեղ հրեշտակաց զօրք ամենայն,
Երկինք և պետք միանդամայն.

Հոյլք քրովքէից և սրովքէից ,
Անըռուելի լեալ ձայնակից ,
Եղանակեն զերպսօրհնութեանց,
Սուրբ սուրբ սուրբ ևս Տէր զօրու-
թեանց .

Լի են երկինք 'ւ երկիր համայն ,
Փառօք քո մեծ վայելչութեան :

Զքեղ պանծալի դասըք սրբոց ,
Երկոտասան առաքելոց ,
Պարըք գովեալ մարդարէից ,
Տնօրէնութեանդ նախատեսից ,
Գունդք լուսազգեաց մարտիրո-
սաց

Գովաբանեն զՏէրըդ փառաց .
Ըզքեղ մինչև 'ի ծագս երկրի ,
Դաւանէ սուրբ եկեղեցի :

Ըզհայրըդ մեծ անբաւելի ,
Ըզմիածինըդ քո զՈրդի ,
Զմիւթարիչ քո սուրբ հոգի ,
Փառաւորէ անլրուելի :

Քրիստոսփառաց գութագաւոր ,
Անժամանակ ծընունդըդ հօր .
Ի փրկութիւն մարդկան ազգի ,
Խոնարհեցար յարդանդ կուսի :

Դու կոխեցեր զմահու խայթոց .
Զերկինս բացեր յուսացելոց .

Եւ համբարձեալ յաջմէնըստար,
Փառօք ընդ Հօր քո հաւասար:

Գալ միւսանգամես հանդերձել,
Ի դատել զազգըս հողածնեալ.
Եւ արդ խնդրեմք օդնել մեղ Տէր
Զոր պատուական արեամբ զնեցեր

Ընդ սուրբըս քո դասաւորեա
Ի փառս անանց և յարակայ.
Ըզժողովուրդըս քո փրկեա,
Զժառանգութիս քո Տէր օրհնեա

Հովուեա զնոսա և խնամարկեա
Յայսըմհետէ և առ յապայ.
Զօր հանապազ զքեզ օրհնեսցուք
Եւ զանուն սուրբ քո դուխսցուք:

Ծնորհեա մեղ Տէր զաւուըս կե
նաց,

Անցուցանել առանց մեղաց.
Ողորմեաց մեղ, Տէր, ողորմեաց,
Եւ գըթութեամբ՝ ի մեղ հայեաց

Ողորմութիւնդ լիցի՝ ի մեղ,
Որպէս և մեք յուսամք՝ ի քեզ.
Ի քեզ անձինք մեր յուսացան,
Մի ամաչեսցեն՝ ի յաւիտեան.

ամէն :

ԱՂԵՐՍՔ

ԱՍՏՈՒԱԾԱՇՈՒԻՆՉՔ

ԱՂԵՐՍ ՀԱԽԱՏՈՅ

Հաւատամ, Տէր . օպնեա անհաւատութեանս : (Մարկ .) — Հաւատացի՝ դոր և խօսեցայ : (Սաղմ .) — Ես հաւատացի, եթէ դու ես Քրիստոս որդի Աստուծոյ՝ որ յաշխարհ գալոց էիր : (Յոհ .) — Տէր, առ ով երթիցուք, զի բանս կենաց յաւիտենականաց ունիս : (Յոհ .) — Վկայութեանց քոց մեք յոյժհաւատացաք : (Սաղմ .) — Տէր իմ և Աստուած իմ : (Յոհ .) — Մերձես դու, Տէր, և ամենայն պատուիրանք քո ճշմարիտ են : — Արդարութեամբ են վկայութիւնք քո

յաւիտեան խմաստուն արտ և կեցո
զիս : (Սղմ.) — Երկինք և երկիր անց-
ցեն , և բանք (քո) ոչ անցանիցեն :
(Մտթ.)

ԱՆԵՐԸ ՅՈՒՍՈՅ

Պահեա զիս , Աստուած իմ , զի
ես 'ի քեզ յուսացայ : — Ի քեզ ,
Տէր , յուսացայ , մի ամաչեցից յա-
ւիտեան : — Տէր Աստուած իմ , 'ի
քեզ յուսացայ , փրկեա զիս : —
Տէր , փրկեա զծառայս քո , Աստուած
իմ , որ 'ի քեզ յուսացայ : — Ընդ-
ունելի իմ ես , ապաւէն իմ Աս-
տուած , և ես յուսամ 'ի նա : —
Հոգի քո բարի առաջնորդեսցէ ինձ
յերկիր ուղիղ : — Եւս և մարմին
իմ բնակեսցէ յուսով : — Տէր լսո
իմ և կեանք իմ , ես յումէ եր-
կեայց . Տէր , ապաւէն կենաց իմոց ,
ես յումէ դողացայց : — Թէ յարիցէ
'ի վերայ իմ ճակատամարտ՝ ստկայն
և այսուիկ 'ի քեզ , Տէր , յուսա-
ցայ : — Բայց միայն Աստուածոյ հնա-
զանդ լըր անձն իմ . զի 'ի նմանե է

ինձ փրկութիւն։ ‘Սա է Աստուած
 իմ և փրկիչ իմ, ապաւէն իմ, զի մի
 սասանեցայց առաւել։ — Յնստու-
 ծոյ է զօրութիւն իմ և փառք իմ。
 Աստուած օգնութեան իմոյ, յոյս
 իմ առ Աստուած։ — Աստուած
 մեր՝ Աստուած կենարար։ — Ո
 քաւե զմեղս քո, բժշկէ զամենայն
 հիւանդութիւնս քո։ Ո փրկէ յա-
 պականութենէ զկեանս քո։ ոսա-
 կէ զքեզ ողորմութեամբ և դժու-
 թեամբ։ (Սաղմոսք) — Կեցուսցես
 զիս ողորմութեամբ քով, և ես օրհ-
 նեցից զքեզ զամենայն աւուրս կե-
 նաց իմոց։ — (Մանաս)։ — Ահա-
 ւասիկ Աստուած իմ, փրկիչ իմ
 Տէր, և յուսացեալ եղէց ’ի նա, և
 ոչ երկեայց։ զի փառք իմ և օրհ-
 նութիւն իմ Տէր, և եղե ինձ ’ի
 փրկութիւն։ (Եսայի) — Կայ մնայ
 ինձ արդարութեան ոպակն։ զոր
 հատուսցէ ինձ Տէր յաւուր յայն-
 միկ։ (Բ. Տիմ.՝)

ԱՂԵՐՍ ՕԳՆՈՒԹԵԱՆ

ՄԵՇԻ յաւիտենից մերժեսցէ
 զիս, Տէր, և ո՞չ ևս յաւելուցու՞ի
 հաճել և ևս: Կամ իսպառ արդելցէ
 զողորմութիւն իւր յինէն: — Կամ
 մոռասցի՞ գթալ Աստուած իմ և ևս:
 — Տէր, լուր աղօթից իմոց, ունին
 գիր խնդրուածոց իմոց: — Դաքա,
 Տէր, և վրկեա զանձն իմ. կեցն
 զիս, Տէր, ըստ ողորմութեան քում:
 — Մի գարձուցաներ զերեսս քո
 յինէն, և մի խոտորիր բարկու-
 թեամբ՝ ի ծառայէ քում: — Օդ-
 նական իմ լեր, Տէր, և մի անար-
 գեր զիս, և մի թողուր զիս, Աս-
 տուած վրկիչ իմ: — Մի մատներ
 զիս՝ ի ձեռս նեղչաց իմոց: — Եւ
 զհոդի քո սուրբ՝ մի հաներ յինէն:
 — Առաջնորդեա ինձ՝ ի շաւիղս քո
 ուղիղս: — Կեցն զիս, Աստուած, զի
 հասին ջուրք յանձն իմ. ընկլայ ես
 ՝ ի խորս անդնդոց, ուր ոչ դոյ ինձ
 հանգիստ: — Մի ընկլցեն զիս ալր-
 առյտք ջուրց, և մի ընկղմեսցեն զիս

անդունդքխորոց : — Հայեա յանձն
իմ և փրկեա զիս , և վասն թշնա-
մեաց իմոց ապրեցո զիս : — Օգնեա
ինձ Տէր Աստուած իմ , և փրկեա
զիս ըստ ողորմութեան քում : —
Արի Տէր , օգնեա մեզ , և փրկեա
զմեզ վասն անուան քո : — Մի թո-
ղուր զիս Տէր Աստուած իմ , և մի
՚ի բացեայ առնիր յինէն . Հայեաց
յօգնել ինձ Տէր փրկութեան իմոյ :
(Սաղմոսք) — Տէր , փրկեա զմեզ ,
զի կորնչիմք : (Մատթ.) — Օգնեա
մեզ Տէր , դժացեալ ՚ի վերայ մեր :
(Մարկ.) — Տէր , հայր և իշխան կե-
նաց իմոց , մի թողուր զիս : Տէր
հայր և Աստուած կենաց իմոց , ըլ-
բոսանս աչաց մի տար ինձ , և զցան-
կութիւն սրտի դարձն յինէն : (Սի-
րաք) :

ԱՆԵՐՍ ԱՊԱՇԽԱՐՈՒԹԵԱՆ

Աստուած , քաւեա զիս զմեզա-
ւորս : — Հայր , մեղայ յերկինս և
առաջի քո , չեմ արժանի կոչիլ որ-
դի քո : (Ղուկ.) — Յիառւս , որդի

Դաւթի , ողորմեա ինձ : (Մարկ .) — Զանօրէնութիւնս իմ սպատմեցից , և հոգացայց վասն մեղաց իւմոց : — Տէր , մի սրտմոռութեամբ քով յանդիմաներ զիս , և մի բարկութեամբ քով խրատեր զիս : — Մի մտաներ 'ի դատաստան ընդ ծառայի քում . զի ոչ արդարանայ առաջի քո ամենայն կենդանի : — Ողորմեա ինձ , Տէր , զի հիւանդ եմ ես . բժշկեա զանձն իմ , զի խռովեցան ոսկերք իմ : — Ողորմեա ինձ , Աստուած ըստ մեծի ողորմութեան քում , և ըստ բազում գթութեան քում՝ քաւեա զանօրէնութիւնս իմ : — Քեզ միայն մեղայ , Տէր , և չար առաջի քո արարի : Զանօրէնութիւնս իմ ես ինձէն գիտեմ , և մեղք իմ առաջի իմ են յամենայն ժամ : — Դարձո՞ զերեսս քո 'ի մեղաց իւմոց , և զամենայն անօրէնութիւնս իմ քաւեա յինէն : Սիրտ սուրբ հաստատեա յիս , Աստուած , և հոգի ուղիղ նորոգեա 'ի փորի իմում : — Տէր , ողորմեա ինձ , բժշկեա զանձն իմ , ես մեղայ քեզ : —

Անօրէնութիւնք իմ բարձրացան
 քան զգլուխ իմ, և որպէս բեռն
 ծանր՝ ծանրացան 'ի վերայ իմ:
 (Սաղմ.) — Մեղայ աւելի քան զա-
 ւաղ առ եղբ ծովու, և բաղմացան
 անօրէնութիւնք իմ: Չեմ արժանի
 հայել և տեսանել զերկինս 'ի բազ-
 մութենէ անօրէնութեան իմոյ: —
 Եւ արդ խոնարհեցուցանեմ ըդ-
 ծունը սրտի իմոյ և հայցեմ 'ի
 քաղցրութենէ քումէ: Մեղայ,
 Տէր, մեղայ, և զանօրէնութիւնս
 իմ ես ինձէն գիտեմ: Աղաչեմ և
 ինդրեմ 'ի քէն, թող ինձ, Տէր,
 թող ինձ, և մի կորուսաներ զիս
 ըստ անօրէնութեան իմոյ: Մի յա-
 վիտեան բարկանար ինձ, Տէր, և մի
 յիշեր զքարիս իմ: և մի պարտաւո-
 րեր զիս ընդ այնոսմիկ որ իջանեն 'ի
 ներքոյ երկրի չարեօք: Չի դու
 Աստուած՝ Աստուած ասլաշխարո-
 ղաց ես, և յիս ցոյց զքարերարու-
 թիւնդ քո՝ որ անարժանս եմ: (Մա-
 նասէ):

ԱՂԵՐՄ ՈՒՂՂԱՌԻԹԵՑՆ

Օրհնեալ ես դու Տէր , ուստի ինձ
զարդարութիւնս քո : — Ի բաց ա-
ըա յինէն զնախատինս և զարհա-
մարհանս , զի զվկայութիւնս քո
խնդրեցի : — Ի ճանապարհս ար-
դարութեանց քոց խմաստուն արա
զիս , և քննեցից զաքանչելիս քո : —
Սէրձեցայ ես 'ի վկայութիւնս քո ,
Տէր , մի յամօթ առներ զիս : — Ի-
մաստուն արա զիս և քննեցից զօ-
րէնս քո . և պահեցից զնա բոլորով
սրտիւ խմով : — Առաջնորդեա ինձ
'ի շաւիղս պատուիրանաց քոց , զի
ընդնոսա հաճեցայ : — Դարձն զազս
իմ զի մի տեսից զնանբութիւն , 'ի
ճանապարհս քո կեցն զիս : — Ահա
ցանկացայ պատուիրանաց քոց ,
յարդարութեան քում կեցո զիս :
— Եղիցի սիրտ իմ ամբիծ յարդա-
րութեան քում , զի մի ամաչեցից :
— Յաւիտեան ոչ մոռացայց զար-
դարութիւնս քո , զի նոքօք կեցու-
ցեր զիս : — Ընդ կամն բերանոյ ի-

մոյ հաճեա, Տէր, և զիրաւունս քո
ուսո ինձ : — Բւեռեա ընդ երկիւղ
քո զմարմին իմ, զի 'ի դատաստա-
նաց քոց երկեայց յոյժ : — Զա-
նապարհս իմ ուղիղ արա ինձ ըստ
բանի քում, և մի տիրեսցեն ինձ ա-
մենայն մեղք : — Եղիցի ձեռն քո 'ի
կեցուցանել զիս, զի զպատուիրանս
քո ընտրեցի : — Կեցցէ անձն իմ,
օրհնեսցէ զքեղ, և իրաւունք քո
օգնեսցեն ինձ : — Եթէ մոռացայց
զքեղ, Երուսաղէմ, մոռասցի զիս
աջ իմ : — Լոյս տուր, Տէր, աչաց
իմոց՝ զի մի երբեք ննջեցից 'ի մահ :
(Ապլիմ.)

ԱՆԵՐԸ ԽՈՆՍՐՀՈՒԹԵԱՆ

Մեծացուսցէ անձն իմ զՏէր . . .
զի հայեցաւ 'ի խոնարհութիւն (ծա-
ռայի) իւրոյ : — Արար ընդ իս մե-
ծամեծս հզօրն, և սուրբ է անուն
նորա : — Քակեաց զհզօրս յաթո-
ռոց, և բարձրացոյց զխոնարհս :
(Ղուկ.) — Տէր, ո՞է մարդ՝ զի յայտ-
նեցար նմա, կամ որդի մարդոյ՝ թէ

Համարիս ինչ զնա : Մարդ նանքութեան նմանեաց , և աւուրբն նորս որպէս հովանի անցին : — Ազքատ և տնանկլ եմ ես : — Կար զօրութեան իմոյ՝ որպէս ոչինչ է առաջի իմ . սակայն ամենեւին ընդունայն է ամենայն մարդ մնեղի : — Պահդուխտ եմ ես առաջի քո , նժդեհ և անցաւոր , որպէս ամենայն հարբ իմ : — Թէ ոչ տեառն օդնեալ էր , ինձ փոքր միւս ևո բնակեալ էր անձն իմ 'ի դժոխս : — Ես արհամարհեալ եղէ և ոչ գիտացի . որպէս զանասուն համարեցայ առաջի քո : — Ես որդն եմ և ոչ մարդ , նախատինք մարդկան և արհամարհանք ժողովրդոց : — Մի մեղ , Տէր , մի մեղ , այլ անուան քում տուր զիառամ՝ վասն ողորմութեան և ճըշմարտութեան քո : (Սալմ.)

ԱՂԵՐՍ ՀԱՄԲԵՐՈՒԹԵԱՆ

Պատրաստ է սիրտ իմ , Աստուած ,
պատրաստ է սիրտ իմ : — Վասն
քո մեռանիմք զօրհանապաղ , հա-

ժարեցաք որպէս զոչխար՝ ի զենումն։
 Ես որպէս խուլ զի ոչ լսէ, որպէս
 համբ՝ որ ոչ բանայ զբերան իւր։
 Եղէ ես որպէս մարդ՝ որ ոչ լսէ,
 և ոչ գոն խօսք՝ ի բերան նորա։ —
 Ես՝ ի տանջանս պատրաստ եմ, և
 ցաւք իմ առաջի իմ են յամենայն
 ժամ։ — Խուլ եղէ և խոնարհեցայ,
 լուցի՝ ի բարութենէ, և ցաւք իմ
 նորոգեցան յիս։ — Ո՞վ է համբե-
 րութիւն իմ՝ եթէ ոչ դու Տէր,
 կամ կար զօրութեան իմօյ՝ թէ ոչ
 ՝ ի քէն։ — Սիրտ իմ խուզեցաւ՝ ի
 փորի իմում, և ես որպէս ստուեր
 ՝ ի խուսափել իմում պակասեցայ,
 և թօթափեցայ որպէս մարախ։ —
 Խրատելով խրատեաց զիս Տէր, և
 ՝ ի մահ ոչ մատնեաց։ — (Սաղմ.)
 — Եղեցին կամք քո՝ որպէս յեր-
 կինս և յերկրի։ (Մտթ.) — Զզոհս
 և զսլատարագս ոչ կամեցար, բայց
 մարմին հաստատեցեր ինձ։ Ահա-
 ւասիկ եկի առնել զկամս քո, Աս-
 տուած։ (Եբը.) — Դու ես համբե-
 րութիւն իմ, Տէր։ Տէր, յոյս իմ
 ՝ մանկութենել իմմէ։ (Սաղմ.)

ԱՂԵՐՄ ԳՈՀՈՒԹԵԱՆ

Զե՞նչ տաց տրիտուր Տեառն ընդ
ամենայնի՝ զոր և ետ ինձ : — Խոստո-
վան եղէց առ քեզ, տէր Աստուած
իմ, բոլորով սրախւ իմով, փառա-
ւոր արարից զանուն քո յաւի-
տեան : Մեծ եղեւ 'ի վերայ իմ ողոր-
մութիւն քո . Փրկեցեր զանձն իմ
'ի դժոխոց ներքնոց : — Բարձր առ
նեմ զքեզ, Տէր, զի ընկալար զիս,
և ոչ ուրախ արարեր զթշնամին իմ
յիս : Տէր Աստուած իմ, կարդացի
առ քեզ և բժշկեցեր զիս . Տէր,
հաներ 'ի դժոխոց զանձն իմ, փրկե-
ցեր զիս յայնցանէ որ իջանեն 'ի
գուբ : — Ես ասացի 'ի բարեկեն-
դանութեան իմում՝ թէ ոչ սա-
սանեցայց յաւիտեան : — Տէր, 'ի
կամն քո ետուր գեղս իմոյ զօրու-
թիւն . . . Տէր Աստուած իմ, յա-
ւիտեան խոստովան եղէց քեզ : —
Ահա ծանեայ զի Աստուած իմ ես
դու . զԱստուած օրհնեցից 'ի բանս
իմ, և զՏէր դովեցից 'ի խօսս իմ .

յԱստուած յուսացայ և ոչ Եր-
 կեայց . զի՞ արասցէ ինձ մարդ : —
 Յինէն Են ուխտք իմ՝ զոր տաց քեզ,
 Աստուած , օրհնութեամք : Փրկե-
 ցեր զանձն իմ՝ի մահուանէ , զաւս
 իմ յարտասուաց , և զոտս իմ՝ի
 գայթակղութենէ . հաճոյ եղեց ա-
 ռաջի Տեառն յերկրին կենդանեաց :
 — Օրհնեա անձն իմ զՏէր , և ամե-
 նայն ոսկելը իմ զանուն սուրբ նո-
 րա : Օրհնեա անձն իմ զՏէր , և մի
 մոռանար զամենայն տուրս նորա :
 Ոչ ըստ մեղս մեր արար մեղ և ոչ
 ըստ անօրէնութեան մերում հա-
 տոյց մեղ : Այլ որպէս բարձր են
 Երկինք յերկրէ՝ այնպէս զօրացոյց
 Տէր զողորմութիւն իւր 'ի վերայ
 երկիւղածաց իւրոց : — Ահա դու ,
 Տէր , ծանեար զյետին իմ և զառա-
 ջին իմ . դու ստեղծեր զիս և եղեր
 զձեռն քո 'ի վերայ իմ : — Դու
 ստացար զերիկամունս իմ և ընկա-
 լար զիս յորովայնէ մօր իմոյ : —
 Խոստովան եղեց քեզ , Տէր , զի ա-
 հեղ և սքանչելի ես . սքանչելի են
 դործք քո , և անձն իմ սիրեաց

յոյժ : — Խոստովան Եղեց քեզ ,
Տէր , բոլորով սրտիւ իմով , առաջի
հրեշտակաց սաղմոս ասացից քեզ .
զի լուար զբանս բերանոյ իմոյ . Եր-
կիր պագից 'ի տաճար սուրբ քո , և
խոստովան Եղեց անուան քում՝
վասն ողորմութեան և ճշմարտու-
թեան քո : — Խոստովան Եղերուք
Տեառն , զի բարի է , զի յաւիտեան
է ողորմ նորա : Խոստովան Եղե-
րուք Աստուծոյն աստուծոց , զի յա-
ւիտեան է ողորմ նորա : (Ապղմ :)

ԱՆԵՐՍ ՍԻՐՈՅ ԵՒ ԽՆԴՐԻԹԵԱՆ

Աստուած սէր է : (Ա. Յոհ .) —
Ամենայն ինչ նովաւ Եղեւ . . . որ ինչ
Եղեն : Նովաւ կեանք էր : (Յոհ .) —
Սիրտ իմ և մարմին իմ ցնծասցեն
առ Աստուած կենդանի : — Սիրե-
ցից զքեզ , Տէր , զօրութիւն իմ ,
Տէր հաստատիչ իմ , ապաւէն իմ
և փրկիչ իմ : — Օրհնեա անձն իմ
զՏէր . Տէր Աստուած իմ , մեծ Ե-
զեր յոյժ : — Ո'րպէս զի մեծ Են
գործք քո , Տէր , զամենայն ինչ ի-

մաստութեամբ արարեր . և լցաւ
երկիր ստեղծուածովք քո : — Ե-
ղիցին փառք Տեառն յաւիտեան .
Տէր ուրախ եղիցի յարարածս իւր :
— Օրհնեցից զՏէր 'ի կեանս իմ,
սաղմոս ասացից Աստուծոյ իմոյ
մինչեւ եմ ես : Քաղցը եղիցի նմա
օրհնութիւն իմ, և ես ուրախ եղէց
'ի Տէր : — Խոստովան եղիցին առ
քեզ, Տէր, ամենայն գործք քո . և
սուրբք քո օրհնեսցեն զքեզ : Ար-
քայութիւն քո արքայութիւն ա-
մենայն յաւիտենից, և տէրութիւն
քո յազգէ յազգ : — Զօրհնութիւ
Տեառն խօսեսցի բերան իմ . օրհնես-
ցէ ամենայն կենդանի զանուն սուրբ
նորա յաւիտեան, և յաւիտեանս
յաւիտենից : — Օրհնեցէք զՏէր,
զի բարի են սաղմոսք, Աստուծոյ
մերում քաղցը եղիցի օրհնութիւն :
— Բժշկէ զբեկեալ սիրաս, և պա-
տէ զամենայն վէրս նոցա : — Ամե-
նեքեան քեզ սպասեն, և դու տաս
կերակուր նոցա 'ի ժամու : Բա-
նաս զձեռն քո, կերակրես զամե-
նեսեան կամքք քովք : — Ես 'ի Տէր

յուսացայ, ցնծացայց և ուրախ եղէց՝ ի փրկութեան քում: — Որպէս զի բազում է ողորմութիւն քաղցրութեան քո, Տէր, զոր պահեցեր Եսկիւղածաց քոց: — Սիրեցէք զՏէր, ամենայն սուրբք նորա, զի ստուգութիւն խնդրէ Տէր: Քաջալերեցարուք և զօրացին սիրտք ձեր, ամենեքեան ոյք յուսացեալ էք՝ ի Տէր: — Մեծ արարէք զՏէր ինեւ, և բարձր արասցուք զանուն նորա՝ ի միասին: — Ցնծացէք արդարք՝ ի Տէր, ուղղոց վայելէ օրհնութիւնուտովան Եղերուք Տեառն օրհնութեամբ. տամնաղեաւ սաղմոսարանաւ սաղմոս ասացէք նմա: — Ողորմութեամբ Տեառն լի Եղերկիր, և բանիւ Տեառն Երկինք հաստատեցան, և հոգւովը բերանոյ նորա ամենայն զօրութիւնիք նոցա: — Երանիազդի որոյ Տէր Աստուած օգնական է նմա, Ժողովուրդ զոր ընտրեաց՝ ի ժառանգութիւն իւր: — Ո ստեղծ առանձինն զսիրտս նոցա,՝ ի միտ առնու զամենայն գործս նոցա: — Ի նա ուրախ Եղիցին սիրտք

մեր և յանուն սուրբ նորա յուսասցուք : — Աչք իմ յամենայն ժամ առ Տէր, և նա հանէ յորդույթի թէ զոտս իմ : — Տէր, սիրեցի զվայելը թիւն տան քո և զտեղի յարկի փառաց քոց : — Անձն իմ ցնծասցէ 'ի Տէր, ուրախ եղիցի 'ի փրկութեան նորա . և ամենայն ուկերք իմ ասասցեն , Տէ՛ր , ո՞ նման է քեզ : (Սաղմ.) — Սիրելին իմ ինձ և ես նմա : (Երդ)

ԱՂԵՐՄ ՀԱՆԴԵՐՁԵԱԼ ԿԵՆԱՅ

Ցոյց ինձ , Տէր , զկատարած իմ ,
և զթիւ աւուրց իմոց՝ քանիօն է ,
զե գիտացից թէ ո՞րչափ ինչ պակա-
սեալ է յինէն : Ահա չափով եղիր
զաւուրս իմ , և կար զօրութեան
իմոյ որպէս ոչ ինչ է առաջի իմ :
Սակայն ամենելին ընդունայն է ա-
մենայն մարդ մսեղի : — Զի՞նչ կայ
իմ ընաւ յերկինս , կամ 'ի քէն
զի՞նչ ևս խնդրեցից յերկրի : — Նը-
ւաղեաց սիրտ իմ և մարմին իմ .

Աստուած սրտի խմոյ, բաժին իմ
Աստուած յաւիտեան: — Ինձ մեր
ձենալ առ Աստուած բարի է, և
դնել առ Տէր զյոյս իմ: — Տայր ոք
ինձ թես որպէս զաղաւնոյ, զի թըս
չէի վերանայի, հեռացեալ դադա-
րէի: (Սաղմ.)

Այր մի տառապեալ եմ ես . ով
ապրեցուացէ զիս 'ի մարմնոյ աստի
մահու: (Հռոմ.) — Ինձ կեանք Քա
է, և մեռանել շահ: — Ելանել և
ընդ Քրիստոսի լինել՝ առաւել լաւ
համարիմ: (Փիլիպ.) — Վայ է ինձ,
զի ընդ երկար եղեւ պանդխուլթիւն
իմ: — Տէր . . գու ես բաժին իմ յեր-
կիր կենդանեաց . . Տէր, հան 'ի բան-
տէ զանձն իմ, գոհաննամ զանուանէ
քումմէ: — Սպասեցին աչք իմ
փրկութեան քում, Տէր . . Զբե-
րան իմ բացի և առի զհոգի . .
Կանխեցին աչք իմ առաւօտուց . .
Ցնծացայ ես 'ի բանս քո՝ որպէս
այն՝ որ գտանէ աւար բաղում: —
Զմի խնդրեցի 'ի Տեառնէ և զսոյն
աղաչեմ, բնակել ինձ 'ի տան Տեառն
զամենայն տւուրս կենաց իմոց: —

Խնդրեցին Երեսք իմ զերեսս քո ,
Տէր , խնդրեցին : —

Ուրախ եղէ ես ընդ այնոսիկ ոյք
ասէին ցիս , 'ի տուն Տեառն Երթի .
ցուք մեք : Հասեալ կային ոտք մեր
առ դրունս քո , Երուսաղէմ : —

Ո՞րպէս սիրելի են յարկք քո , Տէր
զօրութեանց , ցանկայ և փափագէ
անձն իմ 'ի գաւիթս քո : Սիրտ իմ
և մարմին իմ ցնծացեն առ Աս
տուած կենդանի : Քանզի Ճնճղուկ
եգիտ իւր տուն , տատրակ զբոյն՝
ուր դիցէ զձագս իւր : — Սեղան
քո , Տէր զօրութեանց , թագաւոր
իմ և Աստուած իմ : — Երանի՛ ա
մենեցուն՝ որ բնակեալ են 'ի տան
Տեառն , յաւիտեանս յաւիտենից
օրհնեսցեն զքեզ : — Երանեալ է
այր՝ որոյ օդնութիւն իւր 'ի քէն
է , ելս եղ 'ի մտի իւրում 'ի հով
տէս տրտմութեան 'ի տեղւոջ յո
րում ուխտեաց : — Լաւ է ինձ մի
օր 'ի գաւիթս քո՝ քան զհազարս :
Ընտրեցի ընդ աղբ դալ 'ի տան Աս
տուծոյ՝ քան զբնականալ 'ի յարկո
մեղաւորաց :

Որպէս փափագէ եղջերու յաղ-
 բերս ջուրց , այնալէս փափագէ ան-
 ձըն իմ առ քեզ , Աստուած հզօր և
 կենդանի . Երբ եկից երևեցայց երե-
 սացդ Աստուածոյ : — Աստուած ,
 Աստուած իմ , ես առ քեզ առա-
 ւօտ առնեմ . ծարաւեաց առ քեզ
 հոգի իմ , քանիպատի՞կ ևս և մար-
 մին իմ . որպէս երկիր անապատ և
 անջուր՝ ուր ոչ դոյ 'ի նմա ճանա-
 պարհ : Այսպէս 'ի սուրբս երևե-
 ցայց քեզ , տեսանել ինձ զզօրու-
 թիւն քո և զփառս քո : Վասն զի
 լաւ է ինձ ողորմութիւն քո քան
 զկեանս իմ , և շրթունք իմ դովես-
 ցեն զքեզ : — Յերեսաց քոց իրա-
 ւունք ինձ ելցեն , և աչք իմ տեսցեն
 զուզութիւն : Պահեամ զիս որպէս
 բիբ ական , 'ի հովանի թևոց քոց
 ծածկեսցես զիս : — Ես արդարու-
 թեամբ երևեցայց երեսաց քոց ,
 յադեցայց յերեւել փառաց քոց :
 — Տան քում վայելէ սրբութիւն ,
 Տէր , ընդ երկայն աւուրս : — Այս
 է հանգիստ իմ յաւիտեանս յաւի-
 տենից . 'ի սմա բնակեցայց , զի հա-
 ճեցայ ընդ սա : (Ապղմ .)

ԱՆԵՐՍ ԱՌ ՏԻՒՄՄԱՅԻՆ

Ո՞վ է սա որ երևեալս է իբրև զառաւոտ . դեղեցիկ իբրև զլուսին , ընտիր իբրև զարեգակն , զարմանաւ լի յօրինեալ : (Երդ .) — Ահա մայր քո : (Յովհ .)

Ուստի՞ է ինձ այս , զի եկեցէ մայր Տեառն իմոյ առ իս : — Մեծացուցէ անձն իմ զԾէր , և ցնծացաւ հոգի իմ Աստուծով փրկչաւ իմով : Զի հայեցաւ 'ի խոնարհութիւն Աղախնոյ իւրոյ : Յայսմշետէ երանեցեն (Քեղ) ամենայն ազդք : — Երանի որովայնին որ կրեաց զքեզ , և ստեանցն՝ որ դիեցուցին զքեզ : (Ղուկ .) Որպէս աչք աղախնոյ 'ի ձեռն տիկնոջ իւրոյ , այնպէս են աչք մեր առ քեզ : (Սաղմ .) — Օրհնեալ ես դու 'ի կանայս , և օրհնեալ է պտուղ որովայնի քո : (Ղուկ .) — Խշեա մեզ դու և որդի քո : (Դասա .) Իբրև մայր որդւովք բերկրեալ : (Սաղմ .) — Քոյր մեր , եղիցես 'ի հաղարս և 'ի բիւրս : Եւ 'ի քեզ օրհ-

նեսցին ամենայն աղքք երկրի : —
 Օգնեաց քեզ Աստուած իմ, և օրհ.
 նեաց զքեզ օրհնութիւն երկնից 'ի
 վերուստ, և զօրհնութիւն երկրի՝
 լի ամենայնիւ . վասն օրհնութեանց
 ստեանց և արգանդի . . . քոյ, որ
 զօրացան քան զօրհնութիւնս լե.
 րանց մշտնջենաւորաց, և քան զօրհ.
 նութիւնս բլրոց յաւիտենականաց :
 (Ծննդ.) — Ամենելին գեղեցիկ ես,
 և արատ ինչ ոչ դոյ 'ի քեզ : — Իւզ
 անոյշ հեղեալ է անուն քո . զհետ
 հոտոյ իւզոց քոց ընթասցուք մեք :
 — Ցնծասցուք և ուրախ լիցուք 'ի
 քեզ : Ծաղիկ դաշտաց, շուշան հով.
 տաց . իբրև շուշան 'ի մեջ վիշոց : —
 Արի եկ մերձաւոր իմ, գեղեցիկ իմ,
 աղաւնի իմ: Դիր զիս իբրև զկնիք 'ի
 սրտի քում: (Երգ.)

ՅԻՇԵԼԻՔ

1. Յիշեա, յիշեա ովքահանայ
Աստուծոյ, զի կրկին անդամ նուիւ
ըեալ ես առ Աստուած. կրկին
սպարտիս նմա: — «Սոքա ընտրեցան՝ ի մարդկանէ՝ առաջի Աստուծոյ և դառինն»: (Յայփ.)

2. Անբաւ են լաւութիւնքն, և
բարձր է յոյժ կատարելութեանն
աստիճան, սակայն սպարտ և ար-
ժան է մեզ ժամանել ժողովել զնո-
սին, զի մի գտանիցիմք ամաչեցեալք
յատենի Տեառն: — «Եղերուք կա-
տարեալք, որպէս և Հայրն ձեր
երկինաւոր կատարեալ է»: (Մայթ.)

3. Փրկութեան քում կամ կո-
րըստեան՝ կցորդ է և փրկութիւն
կամ կորուսա բազմաց: — «Ցուց-
ցուք մեք եղբարց մերոց, զի՝ ի մեզ

կան կախեալ ոգիք նոցա , և սրբութիւնքն և սեղանքն » : (Յուղին)

4 . Հիմ նուիրեցար Աստուծոյ ,
բայց 'ի վաստակել հանապազօր 'ի
սրբութիւն անձին : — « Այս են
կամք Աստուծոյ՝ սրբութիւն ձեր » :
(Ա . Թէս .) — « Արժանի գնալ կոչ
մանն՝ յոր կոչեցայք , ամենայն խո-
նարհութեամք և հեղութեամք և
երկայնամտութեամք » : (Եփէս .)

5 . Եթէ ոչ ստրջանաս այսօր
ընդ երիկեան թերութիւնս , դուցէ
վաղիւ չարաչար ևս սխալեսցիս ,
փութայ յուղութիւն զի քան ըզ-
կարծիս՝ մերձէ վախճանն : — « Եր
իրաւախոհ ընդ սսոխի քում վա-
ղագոյն՝ մինչդեռ իցես 'ի ճանա-
պարհի . դուցէ մատնիցէ զքեզ . . .
և արկանիցիս 'ի բանդ » : (Մտքիլ .)

6 . Ոչ զանձին ևեթ համարս
պահանջիցիս 'ի Տեառնէ , այլ որ-
քանեաց վերտկացու և հայր իցես
կարգեալ : — « Զգոյշ կացէք ան-
ձանց և ամենայն հօտիդ : յորում
եդ զձեզ հոգին սուրբ՝ տեսուչս » :
(Գործ .)

7. Այնքան վստահ էր յԱստուած՝ որքան անվստահ յանձնքու: — « Նա գիտաց զստեղծուածս մեր. և յիշեաց թէ հող եմք »: (Սաղմ.)

8. Մի խնդրեր քանքար շատ, այլ զքաջիկ կիրառութիւն տուեցելոցն քեզ: — « Որում շատ աըւտւ, շատ խնդրեսցի ՚ի նմանէ »: (Ղուկ.)

9. Եթէ յաջողեցար՝ այն Աստուածոյ է, եթէ վրխալեցար՝ այն քո է: — « Աստուած է որ յաջողէ ՚ի մեզ զկամելն և զառնելն վասն հաճութեան »: (Փիլիպ.)

10. Վարդապետ կոչիս, մի արհամարհեր զուսումն կարեռ. զի կայ դեռ քեզ դիտելոյ: — « Սնանիցիս բանիւք հաւատոց և բարւոք վարդապետութեամբ »: (Ա. Տիմ.)

11. Մի արկաներ յիր անսուրբ և անօդուած զձեռն՝ որ օծեալ և որբբեալ է Աստուածոյ: — « Զեռք մեր շօշափեցին ՚ի վերայ բանին կենաց »: (Ա. Յոհան.)

12. Եթէ ՚ի սպասու Աստուածոյ կաս՝ մի երկբայիս բնաւ յօդնութե-

ՆԵՇՆՈՐՅԱ : — « Ես ընդ ձեզ եմ » :
(Մատթ. •)

15. Յամենայնի՝ Աստուծոյ յանձն
արա զքեզ, որում յանձն եղեն և
այլոց հոգիք : — « Գիտէ հայր ձեր
երկնաւոր՝ թէ պիտոյ է ձեզ այդ
ամենայն » : (Մատթ. •)

14. Ի յաւիտենից կոչեաց զքեզ
Աստուծած՝ ի պաշտօն իւր. քանի՛
գոհութեամբ և մտադիւր անկ իցէ
քեզ պաշտել զնա : — « Մեք սիւ
րեսցուք զԱստուծած, զի նա նախ
սիրեաց զմեզ » : (Ա. Յան.)

15. Ընդ լաւութիւն և ընդ մու-
լութիւն չեք ճանապարհ միջնաշա-
ւիլ : — « Մինչեւ ցԵրք կալայք ընդ
երկուս հետս » : (Գ. • Թագ. •)

16. Զոր միանդամ ետուրդ Աս-
տուծոյ՝ ոչ ես է քոյ. յիշեա զԱ-
նանիս : — « Զինչ ունիս՝ զոր ոչ
իցէ առեալ. և եթէ առեր՝ զի՞ պար-
ծիս իբրև զչառեալ » : (Ա. Կոբ. •)

17. Ազօթք և հառաջանիք՝ բանա-
լիք լիցին դժուարինցն ՚ի պաշտա-
մանդ : — « Մի ինչ հոգայք, այլ
ամենայն ազօթիւք և ինդրուա-
ծովք » : (Փիլիպ. •)

18. Ակնարկի մի սրտառուչ յերկինս՝ ի վեր՝ քանի լամպարս շնորհաց ոչ իջոց անտի : — « Հայեցաւ յերկինս, և ետես զփառս Աստուծոյ » : (Գաբրիէլ •)

19. Յիշեա զի քեզ սեփական ևս հայր է Աստուծած, որպէս և դու հայր ես ժողովրդեան : — « Ես եղեցնմա՝ ի հայր և նա եղիցի ինձ յորդի » : (Բ. • Թագֆ. •)

20. Այնքան յառաջես՝ որքան ճգնիս : — « Զոր ինչ սերմանէ մարդ՝ զնոյն և հնձեսցէ : — Զբարիս գործել մի ձանձրասցուք, զի՝ ի ժամանակի իւրում հնձեսցուք առանց լքանելց » : (Գաղ. •)

21. Խաղաղարար աշխարհի կարգեցար, մի ընդ ումեք խռովիցիս, և մի իսկ ընդ անձին : — « Զխաղաղութիւն զիմ տամ ձեզ, ոչ որպէս աշխարհս տայ՝ տամ ես ձեզ » : (Յակ. •)

22. Յիշեա զերանութիւն Քրիստոսի, զի քեզ նախ վայել է ընկալուչ նոցին լինել և ապա թէ ուամկին : — « Երանի այնոցիկ է՝ որ լսեն

զբանն Աստուծոյ և պահլիցեն ։
(Ղուկաս.)

23. Քրիստոս է քո առաջնորդ,
օրինակ և զօրաւիղն . մի զանգիտեր
այլ նմանեաց : — « Համբերութե
ընթասցուք՝ ի պատերազմ՝ որ ա-
ռաջի կայ մեզ . հայեսցուք՝ ի զօրա-
դլուխն հաւատոց և ՚ի կատարիչն
Յիսուս » : (Եբր.)

24. Զոր յաւիտեանս ժառան-
գել կամիս՝ ընդէ՞ր ոչ խնդրես այժ-
մեն : — « Արքայութիւն երկնից
բռնադատի , և բռունիք յափշտա-
կեն զնա » : (Մատթ.)

25. Զգուշութեամբ պահեա և
մի զլանաս զշնորհս՝ որ վասն յանձ-
նելցն՝ ի քեզ հօախտուան : — « Մի-
թէ հովիւք զանձի՞նս արածեն . ոչ
հովիւք զիսաշինս արածեն » : (Եռեկ.)

26. Քրիստոս է քո նախադադա-
փար . և քեզ անկ է ճշգրտադոյնս
նմանել նմա , որպէս զի և զայլս՝ ի
նոյն կրթիցես պատկեր . կարելով
ասել ընդ Պօղոսի . « Նմանողք ինձ
եղերուք , որպէս և ես Քրիստոսի » :

27. Երկնաւոր հրոյն ես պաշտօ-

նեայ, ջեռո և բորբոքեա զցրտացեալ հոգիս. մի արդեօք ինքնին սառուցեալ իցես : — « Հուը եկի արկանել յերկիր, և զի՞նչ կամիմ թէ արդէն իսկ բորբոքէր » : (Ղառի.)

28. Աստուածայնոց իրաց եղարսկանաւոր, մի դացի առ քեզ մամնայ : — « Ոչ ոք կարէ երկուց տերանց ծառայել » : (Մագի.)

29. Եթէ դժուարաւ իցեն մուտք մեծատան յարքայութիւն, քանի ինչ լիցի ընչասէրն քահանայի : — « Զիանդ դժուարին է որ զինչսդունին՝ մտանել յարքայութիւն Աստուծոյ » : (Մարի.)

30. Յորմէ հարկ իսկ է քեզ հրաժարել վաղ կամ անագան, հրաժարեաց այժմէն կամովին : — « Եթէ յարերուք ընդ Քրիստոսի՝ ապա զվերինն ինսդրեցէք, զվերինն խորհեցարուք, մի զայս՝ որ յերկրի աստ է » : (Կողու.)

31. Եթէ քեզ չուսուցանելն մեղք իցեն, իսկ զի՞նչ զայլս ուսուցանել և զնոյն ոչ առնել : — « Որ ոք գիտիցէ զբարին և ոչ առնիցէ, մեղք էն նմա » : (Յան.)

52. ԱՅԻ ջանար մարդկան հաճոյ լինել, այլ զմարդիկ առնել հաճոյս Աստուծոյ : — « Եթէ տակաւին մարդկան հաճոյ լինէի՝ առա Քրիստոսի ծառայ ոչ էի » : (Գաղ. •)

53. Հարկ է քեզ առաւել իմն քան զաշխարհիկոն՝ աւագ աչօք հայելընդ բնաւ, և Ճանաչել՝ զի « Ամենայն ինչ որ ընդ արեգակամբ՝ ընդունայնութիւն է » : (Ժաղ. •)

54. Եթէ ոչ սիրես զարհամարհիլն քո աստէն վասն Քրիստոսի, զիարդ փառաւորիցիս անդ ընդ նըմա : — « Երանին է ձեզ յորժամնախատիցեն և ատիցեն, և ասիցեն զամենայն բան չար սուտ վասն իմ » : (Մագի. •)

55. Բատ աշխարհիս փայլմունք և փողփողմունք՝ յաճախ խափանեն առ՝ ի մէնջ զլոյսն երկնային : — « Սէր աշխարհիս այսորիկ՝ Թշնամութիւն է առ Աստուած » : (Յակ. •)

56. Ուր չեք քեզ հարկ երևելոյ՝ կաց՝ ի թաքստի. յերկինս իմա ըզքաղաքավարութիւն քո : — « Մուտ՝ ի սենեակ քո և փակեա զդուրս

քո... և հայրն քո որ տեսանէ 'ի
ծածուկ՝ հատուցէ քեզ յայտնա-
ոլէս » : (Մագլ.)

57. Եթէ ոչ հոգաս բժշկել զքո
ախտ, զիարդ զնոյն յայլս դարմա-
նիցես : — « Բժիշկ, բժշկեա զանձն
քո » : (Ղաւկ.)

58. Մի լինիր ձեռներէց 'ի տես-
չութիւն հոգւոց՝ ուր եթէ ճարտա-
րագոյնք քան զքեզ կայցեն : —
« Մի բազմլոցիս յառաջին բարձին,
դուցէ պատուականագոյն ևս քան
զքեզ իցէ կոչեցեալ » : (Ղաւկ.)

59. Զոր ոչ կարես գիտութեամբդ
ուղղել, խոնարհութեամբ և արտա-
սուօք հայցեա : — « Որ սիրէ զԱս-
տուած՝ նա է տեղեկացեալ 'ի նմա-
նէ » : (Հառնձ.)

40. Մեռելութիւնք զդայարա-
նաց յոյժ կարևոր պահարանք են
շնորհաց քահանայի : — « Եթէ մե-
ռարուք ընդ Քրիստոսի 'ի տարեց
աշխարհիս, զի՞ ևս իբրև զկենդանիս
աստէն յաշխարհիս կրօնաւորիք » :
(Կաղաս.)

41. Ընդ օրհասականս դեգերիս

և զհանդերձելն ցուցանես, զիա՞րդ
ոչ տեսանես և զքո մահ մօտալուտ :
— «Ամենեցուն վախճան մերձեալ
է, զգաստացարուք այսուհետեւ » :
(Ա. Պէտ.)

42. Զիած ցաւոց Քրիստոսի
բարձեալ հանապաղ՝ի թիկունս ,
և զջահ սիրոյ նորա՝ի ձեռս , ապա
երթ ուր և երթաս : — «Տէր ուղ
ղեցէ զսիրտս ձեր՝ի սէրն Աստու-
ծոյ և՝ի համբերութիւնն Քրիստո-
սի » : (Բ. Թէս.)

43. Ոչ վայրապար գործել պա-
տուիրեցար , այլ հոգւովին Քրիս-
տոսի : — «Որ հոգւովին Աստուծոյ
վարին՝նոքա են որդիք Աստուծոյ » :
(Հռոմ.)

44. Հեղդութիւն և դաղթութիւն
դահիճք են պաշտամանց քահա-
նայի : Երկիր զի մի լուիցես յԱս-
տուծոյ , թէ « դու դաղթ ես , և ոչ
ջերմ և ոչ ցուրտ , հանդերձեալ
ես փսխիլ՝ի բերանոյ իմմէ » : (Յայտ.)

45. Պաշտել՝ ասաց քեզ Յիառւ
ընդ իւր , և ոչ պաշտօն առնուլ . մի
կրթիր զհետ բարձից և աշտիճա-

նաց : — « Որդի մարդոյ ոչ եկն պաշտօն առնուլ, այլ պաշտել, և տալ զանձն իւր փրկանս փոխանակ բաղմաց : (Մատթ.) »

46. Զհետ մոլորելոյն և հիւանդին փութալ ուսոյց Քրիստոս, և ոչ դեղերել՝ ի դրունս աւագաց և բարեկեցից : — « Մի յուսայք յիշխանս և մի յորդիս մարդկան, զի ոչ դոյ փրկութիւն ՚ի նոսա » : (Աղ.)

47. Եթէ ներես անձին իբրև փոքրու միսասու, զմեծամեծսն քեզ ո՞ներիցէ : — « Եթէ յանիրաւ մամոնային չեղէք հաւատարիմք՝ զՃը մարիսն ձեզ ո՞հ հաւատացէ » : (Ղի.)

48. Առանց բաղում երկանց և քրտանց յինչ ոք ոչ յաջողի. դու անցաւ և անաշխատ՝ համարիցիս զգործս պաշտամանդ վՃարել : — « Բազում նեղութեամբք պարաէ մեղ մտանել յարքայութիւն Աստուծոյ » : (Գալթ.)

49. Եթէ վասն Աստուծոյ՝ յաչաց մարդկան ելեր, ցնծա ընդ առաքեալսն. նոցին վիճակակից լինիս : — « Եթէ աշխարհ զՃեզ ա-

տեայ՝ գիտասցիք զի նախ զիս ա-
տեաց » : (Յով.)

50 . Որպէս ուղիս ընդ զառիվայր
վախից՝ թափեաց և անց անշաղախ
ընդ աշխարհ , յոր թէ հարկ լինիցի
միսիւ : — « Հայր սուրբ՝ պահեա զնո-
սա . . յաշխարհէ աստի չեն , որպէս
և ես չեմ յաշխարհէ . . . պահեա
զնոսա 'ի չարէ » : (Յով.)

51 . Որպէս կեաս՝ այնպէս մե-
ռանիս . կեաց այնպէս՝ որպէս մե-
ռանելն կամիս : — « Արդարն եթէ
հասցէ 'ի վախճանել՝ 'ի հանդըս-
տեան եղիցի » : (Իմաստ.)

52 . Սուրհանդակ ես արքայու-
թեան , տես արդ այժմիկ յորպիսի
գտանիս Ճանապարհ : — « Իբրև զի
գեղեցիկը են ոտք աւետարանչի
համբաւոյն խաղաղութե » : (Եսայի.)

53 . Վաղու անցեալ է 'ի քէն
վայելքութիւն աշխարհիս . զայդ
յայտնեա վարուք քանի բանիւ : —
« Ամենայն որ ինչ յաշխարհի է՝
ցանկութիւն է մարմնոյ և ցանկու-
թիւն աչաց և ամբարտաւանութիւն
աստի կենացս » : (Ա . Յով.)

54. Յաշխարհէ ելանել՝ թերևս
չիցէ քեզ մարթ, այլ զաշխարհ սի-
րել՝ ամենելին իսկ անմարթ: — «Մի
սիրէք զաշխարհ և մի որ ինչ յաշ-
խարհի է»: (Ա. Յոհ.)

55. Տես, որպիսեաց ընտանենաս,
կամ յո՞յ յարիս. զնոսին և գոցես
յելս քո՞ի կենցաղսս: — «Ոչ կա-
րէ ծառ բարի պտուղ չար առնել,
և ոչ ծառ չար՝ պտուղ բարի առ-
նել»: (Մաթ.)

56. Որ զՔրիստոս կերպարա-
նեալդ ես՝ եթէ ոչ և քրիստոսօրէն
վարիս՝ յոյժ չարաչար կեղծաւո-
րիս: — «Քրիստոսի չարչարելն
մարմնով վասն մեր, և դուք՞ի նոյն
միտս վառեցարուք: (Ա. Պետ.)

57. Անհնար է քեզ իմաստու-
թեամբ յաւիտենիս այսորիկ՝ յայն
յաւիտեամս ժամանել: — «Իմաս-
տութիւն աշխարհիս այսորիկ յի-
մարութիւն է առաջի Աստուծոյ:

(Ա. Կոբն.)

58. Մի ևեթ ախտ տարրացեալ
'ի քեզ՝ շատ է 'ի կորուստ քո, թէ
ոչ հանապազ ստրջանաս: — «Որ

միով իւկիք գլթիցէ՝ եղեւ ամենայն օրինացն պարտապան » : (Յոհ.)

59. • Եթէ երկար թուիցի քեզ ժամանակս, ապա ոչ ծանեար ըզ-յաւիտեանսն : — « Ոչ յամեցուց ցէ Տէր զաւետիս՝ որպէս ումանիք յամըն համարին » : (Բ. Պէտ.)

60. • Վաճառական կարգեցար միակն քրիստոսեան պատուական մարգարտի, զայլ ամենայն կենցադականս՝ խոտան համարեսջիր : — « Զմի խնդրեցի 'ի Տեառնէ և զսոյն աղաչեմ, բնակել ինձ'ի տան Տեառն զամենայն աւուրս կենաց իմոց » : (Ստով.)

61. • Ստէալ քննեա 'ի քեզ զսիրտ քո, ուր հանգիցէ յարարածս՝ եթէ յարարին : — « Ուր գանձն ձեր է՝ անդ և սիրտ ձեր եղիցի » : (Մաթ.)

62. • Ընորհաց մատակարար ես, լեր լի շնորհօք՝ ըստ քում կարի : — « Ձեմք ընդօրինօք, այլ ընդշնորհօք » : (Հոռոմ.)

63. • Եթէ ոչ առաւելուցու սրբը բութիւն քո քան զաշխարհիկ մարդոյ, դուցէ վլէալ դացիս յաստի-

Ճանեդ և աստ և անդ : — «Եթէ ոչ
առաւելուցու արդարութիւն ձեր
քան զդպրացն և զփարիսեցւոց՝ ոչ
մաանիցէք յարքայութիւն երկ-
նվոց » : (Մատթ. •)

64. Ի բարձու աշտանակի ճրագ
վառեցար . կամ լուսաւորես , կամ
զբիծս քո նշաւակես : — «Այնակէս
լուսաւորեսցէ լոյս ձեր առաջի մարդ-
կան , որսկէս զի տեսցեն զգործս ձեր
բարիս , և փառաւորեսցեն զհայը
ձեր որ յերկինսն է » : (Մատթ. •)

65. Աթուակից ես Քրիստոսի ,
փախիր յաթուոց ժանաից : —
«Քակեաց զհզօրս յաթուոց , և
բարձրացոյց զիսոնարհս» : (Ղուկ. •)

66. Յիսուսի աշակերտ ես և հե-
տեղով , պատուեա և ուսո զհեզու-
թիւն : — «Ուսարուք յինէն զի հեղ
եմ և խոնարհ սրտիւ և դտջիք հան-
գիստ անձանց ձերոց » : (Մատթ. •)

67. Եթէ դժուարին է շահելն
ովզքով , դիւրագոյն ես է կորուսա-
նելն խստութեամբ : «Եկայք առ իս
ամենայն աշխատեալք և բեռնա-
ւորք , և ես հանգուցից զձեղ » :
(Մատթ. •)

68. Ձեռք քո նուիրեալ են այսուհետեւ՝ ի մաճն արօրին Քրիստոսի, մի զուր և ՚ի վեաս քո դարձցիս հայել յետս՝ յաշխարհ : — « Ոչ ք արկեալ ձեռն զմաճով՝ և դարձեալ հայիցի յետս՝ թէ յաջողեալ իցէ արքայութեանն Աստուծոյ » : (Ղ. 1.)

69. Արա դու զարժանն, և զելս իրացն թող յԱստուած : — « Ըզ Տեառն երկայնմասութիւնն փրկութիւն համարեսջիք » : (Բ. Պէտ.)

70. Տրտմել ընդ անյաջողն՝ արրտունջ է զԱստուծոյ : — « Գորհացարուք յամենայն ժամ՝ ՚ի վերայ ամենայնի » : (Եփես.)

71. Եթէ ամենայն աշակերտ Քնի ՚ի սիրելոյ զընկերն ճանաչի, քանի հզօր սլահանջի սէր ՚ի վերակացուէ անախ աշակերտոց : — « Կա զանձն իւր եդ՝ ՚ի վերայ մէր . և մէք վասն եղբարց մերոց սլարտիմք դնել զանձինս » : (Ա. Յոհ.)

72. Քահանայի չէ ՚ի դէսկ ունելինչ աւելի . զի հայր է ամենայն աղքատի : — « Եթէ կամիս կատարեալ լինել՝ Երթ վաճառեա զինչոք և տուր աղբատաց » : (Մատթ.)

73. Եթէ աղքատ իցես և չունի-
շիս տալը , զանսացուածութիւնն
և զրնչատեցութիւն արա ողորմու-
թիւն : — « Երանի աղքատաց հո-
գւով , զի նոցա է արքայութիւնն
երկնից » : (Մաթ .)

74. Որ օրինատու այլոց եղար ,
համրց ստէոլ զօրինադիրն ամենեցուն
դժբիստոս : — « Աստուած հարց և
Տէր ողորմութեան քո , . . . տուր
ինձ զքոյոց աթոռոցդ զդարանակալ
խմաստութիւնն » : (Խմափ .)

75. Զգուշութեամբ պահեա ըզ-
դրունս ելի և մտի բանից . զի մտհ
և կեանք հոգւոց դարանին 'ի լեզու
և 'ի լսելիս : — « Եղիցի ամենայն
մարդ արագ առ 'ի լսել , և ծանր
առ 'ի խօսել » : (Յակ .)

76. Քրիստոս է քո շահ մեծ , և
գանձ և ամենայն ինչ . մի իմիք փա-
փադիցես այնակէս որ ստուերածս
նմա ածցէ : — « Մեծ է որ 'ի ձեզդ
է՝ քան զայն որ յաշխարհին է » :
(Ա . Յակ .)

77. Եթէ փառաց լինիս հետա-
մուտ առակէն , զբրիստոս անփա-

ռունակ առնես : — « Յամենայնէ զրկեցայ և համարիմ կղկղանս՝ զի դՔրիստոս շահեցայց » : (Փիլիպ.)

78. Անկ է քեզ ստէպ ամբառնալ զսիրտ քո յերկինս , և անձկալնմին՝ որոյ ամենայն ինչ կայուն և յաւիաենական է : — « Նորոյ երկնից և նորոյ երկրի՝ ըստ աւետեացն հայեցեալ սպասեմք , յորս արդարութիւնն ընակէ » : (Բ. Պետ.)

79. Հանապազօրեայ արուեստ քահանայի իցէ կրթութիւն կատարելութեան : Կատարելութիւն իցէ նմանովն լինել Քրիստոսի . նմանութե Քրիստոսի՝ գործելն ըստ Քրիստոսի : — « Որ ասիցէ՝ ի նմա ընակէ լայնապէս սլարտի գնալ որպէս և նայն գնաց » : (Գ. Ցռկ.)

80. Քահանայութիւն՝ զօրհանապաղ քաւչութիւն է մեղաց աշխարհի , որքան ևս առաւել՝ անձինն : — « Աստուած , քաւեա զանօրէնութիւնս իմ . . . ուսուցից անօրինաց զՃանապարհս քո » : (Սաղմ.)

81. Զրի տուան քեզ չնորհքդ , բայց ոչ ձրի պահեսցին , այլ քո

ջանիւդ և բազում՝ զգուշութեամբ։
— « Ունիմք զգանձս զայս յամանս
խեցեղէնս »։ (Բ. Կոբեն.)

82. Ճշմարտութեան դարան և
շաւիլ մեծի արքայի է բերան քո։
Քանի սուրբ և յստակ պարտ իցէ
լինել։ — « Ըրթունք քահանային
զգուշացին դիտութեան, և օրէնս
խնդրեսցեն 'ի բերանոյ նորա, զի
հրեշտակ Տեառն ամենակալի է »։
(Մաղ.)

83. Եւ սիրտ և աչք և մարմին
բովանդակ, և ամենայն ինչ սուրբ
և սպրկիկ պահանջի 'ի քահանայ։
— « Աղաջեմ զձեղ պատրաստել
զմարմինս ձեր պատարագ կենդա-
նի, սուրբ, հաճոյ Աստուծոյ »։
(Հոռոմ.)

84. Չիք ինչ այնապէս անվայել և
ամօթալի 'ի քահանայ՝ որպէս թէ
զանձին շահ օդտի խնդրել։ — « Մի՛
ոք զանձին ևեթ խնդրեսցէ, այլ և
զընկերին »։ (Ա. Կոբեն.)

85. Քան զհրեշտակաց մեծա-
գոյն տուաւ քեզ պաշտօն և շնորհս-
ով, քանի զգուշակենցաղ պարտ է,

Քեզ լինել : — « Քահանային . . . 'ի սրբութեանց անտի մի ելանիցէ . զի սուրբ իւղն օծութեան որ յԱստուծոյ՝ 'ի վերայ նորա է » : (Ղևան.)

86. Մի երեշք հանդիցես՝ երբ անհանդիստ ոք 'ի քո հօտէդ կայցէ : — « Ես մտադիւրութեամբ ծախեցից և ծախեցայց վասն անձանց ձերոց » : (Բ. Կոբն.)

87. Յիշեա զօրհնութիւն և զհրաւէր աջէիցն, և փութան սփոփել և արդահատել զամենայն վշտացեալ և զնեղեալ՝ 'ի հոգի և 'ի մարմին : — « Եկայք օրհնեալք հօր իմոյ . . . զի հիւանդ էի և տեսէք զիս » : (Մատթ.)

88. Եւ յովտ մի լուծանել կամաւ 'ի պատուիրանացն՝ մեծ միասնեցոյց Տէր, քան զանցանելն երկնից և երկրի : — « Երկինք և երկիր անցցեն, և բանկը իմ մի անցցեն » : (Մաթ.)

89. Մեծ ինչ վասն Աստուծոյ գործել ոչ կարես, կաց հաւատարիմ 'ի փոքրուդ : — « Որ 'ի փոքրուն հաւատարիմ է և 'ի բազմին հաւատարիմ է » : (Ղևան.)

90. Եւ զփոքը և զսկակաւ ատես

զմեղս, զի առհասարակ չար են առաջի Աստուծոյ: — « Ողջացար, մի ևս մեղանչելը, զի մի չար ես ինչ լինիցի քեզ »: (Յով.)

91. Դիւրագոյն հնարք են շահելոյ զայլս՝ շահելն զանձն՝ ի Քրիստոս: Յայս շահավաճառ կարդեալէ քո: — « Զերիցունս՝ այսուհետեւ աղաչեմ... . լինել օրինակ հօտին. զի յերևել հովուապետին՝ ընդունիջիք զանթառամ փառաց պսակըն »: (Ա. Պէտ.)

92. Եթէ չիցես հաշտ ընդ քում գիտակցութեան, ընդ Աստուծոյ զիա՞րդ հաշտիս, կամ զբրիստոս որպէս պատարագիցես անդատապարտ: — « Եթէ ունիցիս ինչ խէթ, թող զպատարագն քո (՚ի վերայ սեղանոյն) և երթնախ հաշտեաց »: (Մաթ.)

93. Եթէ դիտես և ոչ դործես՝ դատապարտեսցիս. իսկ թէ ոչ դիտես և ոչ դործես՝ և ոչ այնու արդարանաս: — « Որ արասցէ և ուսուսցէ՝ նու մեծ կոչեսցի յարքայութեան երկնից »: (Մաթ.)

94. Զար քան զՅուղայի աշա-
կերտութիւնն է՝ անարժան քահա-
նայագործութիւն : — « Մեղայ,
զի մատնեցի զարիւն արդար » :
(Մատ.)

95. Համօրէն անձինդ՝ արժան է
լինել և սեղան սրբութեան Քրիս-
տոսի, և զոհ ընդ նմին, և ողջակեզ
անծախելի զամենայն աւուրս կե-
նաց : — « Գնացէք սիրով, որպէս
և Քրիստոս սիրեաց զմեզ, և մատ-
նեաց զանձն իւր վասն մեր՝ պա-
տարագ և զենումն 'ի հոտ անու-
շեց » : (ԵՒՆԱ.)

96. Քրիստոս չունէր ինչ ոլետս
և հանասլազ աղօթէր, դու հէդդ և
կարօտեալ՝ ջանասջի՞ր զամենայն
գործս քո համակել յաղօթս իմն
անմռունչս : — « Յաղօթս կացէք
զի մի անկանիցիք 'ի փորձութիւն » :
(Մատ.)

97. Եթէ ծանր ինչ թուիցի քեզ
հրաժարելն 'ի սնոտի և յանրջական
զբօսանաց կենցաղսս, քանի՞ ահա-
գին չարիք իցեն յաւիտեան զրկիլն
'ի հանդերձելոց ամենունակ և ան-

վախճան բարեացն : — « Աշխարհս
անցանէ և ցանկութիւնն . իսկ որ
առնէ զկամս Աստուծոյ՝ մնայ ՚ի
յաւիտեան » : (Ա . Յոհ .)

98 . Փոքր մի , փոքր միւս ևս և
ահա վաղվաղ ՚ի վախճան կենացդ
հասանես . ոհ , որպէս քաջ քաղա-
քավարէիր՝ Եթէ անդուստ դար-
ձեալ նորոգէին կեանիք քո : Այժ-
մէն արա նոյնալէս : — « Հաստա-
տեցէք զսիրտս ձեր . զի դալուստ
Տեառն մերձ է » : (Յոհ .)

99 . Սրբութիւն վլաճակիդ ինչ
քեզ ոչ օգտէ , եթէ ոչ քեզէն փա-
ռաւոր առնիցես զայն վայելուչ վա-
րուք : — « Զգործ իւր կշռեսցէ իւ-
րաքանչչիւր ոք » : (Գտղ .)

100 . Կրթեաց ՚ի հաստատութիւն
հաւասարութեամբ . խոկ-
մամբ ամրացո զյոյս քո յանսուտն
Քրիստոս . և սիրեա ամենայնիւ ,
որպէս պատուէր ընկալար , զարա-
բիչն քո և զիրկիչ և զտուիչն շնոր-
հաց . և սիրեա հանապաղ , սիրեա
և ևս : — « Արդ մնան հաւատք ,
յոյս , սէր . երեքեան սոքա . և մեծ
քան զսոսա Աէր է » : (Ա . Կոբնէ .)

ԱՂՋԹԻ

ԽՈՍՈՎԱՆԱՀՕՐ

Տուր ինձ, Տէր, զգարանակալ
դահոյից քոց զիմաստութիւն,
պէս զի գիտացից դատել ղժողո-
վուրդ քո արդարութեամբ և զաղ-
քատս քո իրաւամբք. առւր ինձ
այնպէս վարել զյանձնեալն ինձ
փականս արքայութեան երկնից,
զի մի բացից՝ որում փակել պարա-
խցէ, և մի փակեցից՝ որում պարա-
խցէ բանալ։ Դիտաւորութիւնն մը-
տացս՝ մաքուր իցէ. նախանձաւո-
րութիւնն իմ անկեղծ. սէր համբե-
րող, և աշխատութիւնն իմ արգա-
սաւոր։ Քաղցրութիւնն իմ մի իցէ
մեղկ, և մի խստութիւնն իմ սաս-
տիկ. մի արհամարհեցից զաղքատն,
և մի առից ակն 'ի մէծատանէ։
Տուր ինձ դժութիւն յորսալ զմե-

Ղաւորս , խոհեմութիւն 'ի հարցաքննութիւնս , գիտութիւն յուսուցանել : Աղաջեմ տուրինձ փոյթ խորշեցուցանելոյ 'ի չարէն , հոգ՝ հաստատելոյ 'ի բարւո՞ն , և հանձար՝ զարդացուցանել 'ի լաւագոյն սըն . 'ի պատասխանիս՝ կշռութիւն բանի , 'ի խորհուրդս՝ ուղղութիւն , 'ի գաղտնածածուկս՝ լոյս , 'ի մանուածոյս՝ աչալքջութիւն , 'ի դըմարինս՝ յաղթութիւն : Մի ըմբունեցայց 'ի մնութիաբանութիւնս , մի շաղախեցայց յաղտեղիս . վրկեցից դայլս , անկորուստ պահելով զանձն . ամէն :

Եղիցի անուն Տեառն օրհնեալ յաւիտեան . ամէն :


Սրբուհի Մարիամ , աթոռ իմաստութեան . աղաջետ վասն մեր :

ԱՆԵՐԿԱԲՈՅ

ԱՊԱՀԻՒՆ ՌԻԹԻԻՆ

Ա. Ռ Տ Ի Ր Ա Մ Ա Յ Ր Ե

Յիշեա ովամենադութ կոյս, Մարիամ, զի ոչ ուրեք երբեք եղել լսելի, եթէ անտեսեցաւ առ ՚ի քէն ոք ՚ի դիմելոցն և յասլաւինելոց յօժանդակութիւն քո։ Արդ այսու վստահութեամբ դիմեալ և ես անկանխիմ առ ոտս քո, ով կոյս կուսանաց և մայր իմ. և ընդ ծանրութեամբ մեղաց իմոց՝ հեծեծելով կարդամ առ քեզ. Ո՞վ մայր Աստուծոյ, մի անտես առներ զաղաշանս իմ, այլ լուր և ընկալ քաղցրութեամբ, ամենու եւ



ՑԱՆԿ

ՔՐԻՍՏՈՍ ՊԱՏԱՐԱԳԵԱԼ	
Ա. Յիսուս պատարագ և խորհուրդ	7
Բ. Յիսուս օրինակ և ճըշ- մարտութիւն	42
Գ. Յիսուս քահանայ և զոհ .	47
Դ. Յիսուս պատարագ ող- ջակէղ և դոհացողական	22
Ե. Յիսուս պատարագ հաշ- տութեան և ընդունե- լութեան	28
Զ. Յիսուս Աստուած մեր և թագաւոր մեր	33
Է. Յիսուս արարիչ մեր և փրկիչ	38
Ը. Յիսուս օրէնսդիր մեր և առաջնորդ	42
Թ. Յիսուս հովիւ մեր և հայր	47

Ժ.	Յիսուս Փետայ մեր և Եղբայր	• • • • •	52
ԺԱ.	Յիսուս Վարդապետ մեր և Փրկիչ	• • • • •	57
ԺԲ.	Յիսուս Հիւր մեր եւ Թոշակ	• • • • •	62
ԺԳ.	Յիսուս բժիշկ մեր և գեղ	• • • • •	67
ԺԴ.	Յիսուս Խորհրդական		
	մեր և մտերիմ	• • •	72
ԺԵ.	Յիսուս առաջնորդ մեր և ընկեր	• • • • •	77
ԺԶ.	Յիսուս բարեխօս և հաշ- տութիւն մեր	• • •	81
ԺԷ.	Յիսուս վկայ և դատա- ւոր դործոց մերոց	• •	86
ԺԸ.	Յիսուս գին մեր և վարձք		92
ԺԹ.	Յիսուս կեանք և մահ	•	97
Ի.	Յիսուս սնունդ մեր և շնորհք	• • • • •	102
ԻԱ.	Յիսուս ապաստան մեր		
	և յոյս	• • • • •	107
ԻԲ.	Յիսուս գանձ մեր և բար- օրութիւն	• • • • •	112
ԻԳ.	Յիսուս փառք մեր և խըն- դութիւն	• • • • •	116

- իԴ . Յիսուս Ժառանգութիւն
և ամենայն ինչ մեր 124
- իԵ . Յիսուս տուրք Աստու-
ծոյ առ մարդիկ , և
տուրք մարդկան առ
Աստուած 126
- իԶ . Յիսուս վախճան մեր և
օրինակ 131
- իԷ . Զօրութիւն և խմաստու-
թիւն Յիսուսի 'ի գո-
հութեան 136
- իԸ . Բարութիւն և սէր Յի-
սուսի 142
- իԹ . Հնազանդութիւն և համ-
բերութիւն Յիսուսի 147
- Լ . Աղքատութիւն և խո-
նարհութիւն Յիսուսի
'ի գոհութեան 153
- Լ.Ա . Մաքրութիւն և յարա-
տեռութիւն Յիսուսի 'ի
գոհութեան 158
- ՔՆՍՈՒԹԻՒՆ ԽՂՃԻ 165
- Յաղագս քննութեան խղճի
մտաց յառաջ քան զքա-
հանայագործութիւն 173
- ԱՂՅՈՒԹԻՐ ԶԴԱԱԿԱՆՔ 178

ԱՂՋԹԻՔ ՊԱՏՐԱՍՏՈՒԹԵԱՆ ՊԱ-	
ՏԱՐԱԳԻ	• • 481
ԱՀՀ աղօթք	• • 494
Երդ մաղթանաց առ սուրբ	
Հողին	• • 497
ԱՂՋԹԻՔ ԳՈՀՈՒԹԵԱՆ	• • 499
Երդ գոհութեան	• • 208
ԱՂԵՐՍՔ ԱՍՏՈՒԱԾԱՇՈՒԽՉՔ	
— Հաւատոց	• • 211
— Յուսոյ	• • 212
— Օդնութեան	• • 214
— Ապաշխարութեան	• • 215
— Ուղղութեան	• • 218
— Խոնարհութեան	• • 249
— Համբերութեան	• • 220
— Գոհութեան	• • 222
— Սիրոյ և խնդութեան	• • 224
— Հանդերձեալ կենաց	• • 227
— Առ Տիրամայրն	• • 231
ՅԻՆԵԼԻՔ	• • 235
Աղօթք խոստովանահօր	• • 256
Աներկբայ ապաւինութիւն առ	
Տիրամայրն	• • 258



PERE ARSEN YERETZIAN



الخوري ارسن يريتسيان
ارمن كاثوليك

Arménien Catholique

Zu



80755785

2013

2001

«Ազգային գրադարան



NL0015185

